

# JULIVS SECUNDUS.

## DIALOGVS.

*Anonymi cujusdam Authoris festi-  
vus sane ac elegans.*

Interlocutores { JULIUS.  
GENIUS.  
S. PETRUS.

*Lector, risum cohibe.*

Dialogo præfixum est ab Editore  
*Colloquium*; Dialogistæ, qua fieri potuit,  
*Exquirendo* destinatum: Quem *Magnum*  
illum fuisse ERASMUM, tam Ra-  
tionibus, quam Testimoniis efficitur.

Julio Secundo accessit *EUCLIDES*  
*CATHOLICUS*, Rom. Ecclesiæ Fi-  
dem non minùs lepide Demonstrans,  
quàm Mores Artesque Rom. Pontifi-  
cum graphice depinxit Erasmus.

OXONI.

MDCLXXX.

*Mandat porro Pontifex ( nempe Hadrianus sextus Francisco Cheregato Fabrianensi Episc. Publicis Comitibus 25. Novemb. an. 1522. Norimbergæ habitis Nuncium agenti ) ingenue ut fateatur ex Peccatis hominum, maxime Sacerdotum & Præfulum, natam hanc Rerum perturbationem : etiam in ipsa Sancta Sede ab aliquot annis abominanda pleraque perpetrata, multos fuisse abusus in Spiritualibus, multos excessus in Præceptis ; denique omnia sic in deterius mutata, ut Lues a Capite ad Membra, a summis Pontificibus, ad minores Præfules divergens, latè se diffuderit, ac vix unus aliquis reperiatur rectè faciens, atque ab ea tabe immunis. Hec ab ipso Nuncii Ephemerida transcripsit Petr. Suavius ( sive Sarpius ) in Hist. Concil. Trid. lat. red. pag. 20.*

*Quæ tunc facies Sanctæ Ecclesiæ Rom. quàm fœdissima ! cum Romæ dominarentur potentissima æque, ac Sordidissima Meretrices, quarum Arbitrio mutarentur Sedes, darentur Episcopi, & quod auditu horrendum, & infandum est, intruderentur in Sedem Petri earum Amasii Pseudo-Pontifices, qui non sint nisi ad consignanda tantum tempora in catalogo Romanorum Pontif. Scripti. Baronius ad An. 912. Num. 14. Lit. O.*

*Et paulo post. Qualesnam reris delectos ab hisce Monstris Presbyteros, Diaconos, & Cardinales fuisse putandum : cum nihil tam naturæ insitum sit, quàm unumquemque sibi Similem generare.*

*Dormiebat tunc plane alio ( ut apparet ) sopore Christus in navi — Et, quod deterius videbatur, decrant qui Dominum sic dormientem clamoribus excitarent Discipuli. — Et opiasse hos omnes Dominum dormisse semper, & nunquam in Judicium surrecturum. Baron. ibid.*

*Deus Æterne, nisi vigilares, quam male esset Mundo, quem Regimus nos, ego miser Venator, & ebrius ille, & Sceleratus Julius. Maximilianus Imp. referente Prideauxio.*



## Ad IULIUM II. Redivivum.

**I** Re vel optares tecum tua *Faëta* sub umbras,  
Sed purgatrices passa nec ista faces:  
*Sordesceis* post *Fata* *Ligur*, nam *Julius* exis  
A *prelo*; in *Cathedra* qui modo *Casar* eras:  
Has lego dum *chartas*, fideant *Diplomata* *Juli*,  
Cedit *Colloquio* uel tua *Bulla* tuo.  
Hic *falsum* Te *Roma* Patrem, *verumque* *Nepotem*  
Te videt incesto *Sixtus* ab usque thoro.  
Toque *triumphanti* *victrix* *Bononia* *plorat*:  
Te *gravior* *Venetis* nulla *Procella* vadis,  
Te *presente* nequit *rubros* gestare *Galeros*  
*Rubra* *Cohors*; *statu* *stantque*, *caduntque*, tuo  
Tu *Mare* turbasti *torum* *Piscator*, & *undis*,  
Non pariter *Petra*, par tua nota *Fides*.  
*Gallia* Te *Pestem* lentit, *Ferraria* *Vulpem*,  
Si tibi det *Nummos* hæc, dedit illa *Lucem*.  
Quæ jam cura *Gregis*! morbo, scabieque laboras,  
Dum *Pastor* *foedas* *fædior* inter oves?  
Quin Tu pone *pedum*, *Pastoris* & exue *Nomen*;  
Cum fueris notus *Vir* *Gregis* ipse *Caper*.

### Ad Iulium.

Quid juvat hoc strepitu *Sedes* turbare *quietas*?  
Vin, simul ut *trepident* motibus *Astra* tuis?  
*Martyriis* *Venerum* *Cælestia* *Tecta* *replesti*;  
*Carnifici* credis posse *vacare* locum?  
*Clave*, *errante* licet, certe *Petrum* esse probasti  
*Petram*; *blanda* nihil *verba* *minæve* *movent*.  
*Sedes* linque *pias*; agnoscat *adultera* *Roma*,  
*Astra*, *vides* *renuunt* Te *Dominum* atque *Deum*,  
*Atribuit* *Latio* *Terrarum* *mensor* *Avernus*;  
*Juli*, *hunc*, cum nequeas *Sidera*, *jure* *petas*.  
*Triplicis* *hic* *dominum* *Mitra* *triplici* *ore* *salutet*  
*Cerberus*; *hic* *charas* det quoque *Plutus* *opes*.  
Non erit *Hæreticus* tibi nunc metuendus *Erasmus*,  
In *lucē* *tantis* qui trahat ex *senectris*.

# JULIUS.

**O** Cyus huc *rapidis* exercitus advolet *Alis*,  
 Effundant *turmas* nunc mihi castra *meas*.  
*Julius* ille ego sum, *gladio* qui clave *patentes*  
 Efficiam, *claudis* quas modo, *Petre*, fores.  
 Addantur plures, *solidis* licet, orbibus orbes,  
 Cingatur *vallo* pallida *Luna* *novo*.  
 Disrumpam *implicitos* *Bombardæ* *fulmine* muros,  
 Et cedent *flammis* *Sydera* *victa* *meis*.  
 Disrumpam, — *perii* quis me male perdidit *ictus*?  
 Quam longè à *flammis* *Sydera* *tuta* *meis*?  
 Ah, video, *sævus* quam ridet *Erasmus*, *acerbum*;  
*Crudeli* *Cælos* abstulit ille *joco*!  
 Quin *novus* insurgit, *novus* *acrior* instat *Erasmus*,  
 Cui *videor*, vel *sic*, non *satis* esse *miser*.  
*Siderea* mihi nempe *parum* est *excludier* *Aula*,  
 Ni quoque *Sulphureum* *deprimar* usque *Lacum*.  
 Quam *metuenda* *Sago* *toga* fit, quæ *carcere* *claudis*  
*Æterno* *victos* *imperiola* *Duces*?  
*Pontificem* *supra* *scandit* *Doctrina* *Supremum*,  
 Sola *regit* *Cæli*, sola *Erebique* *fores*.  
 Quid non *docta* *manus* *valeat*, plus *Clave* *potenti*,  
 Plus *gladio* *plumam* quæ *valuisse* *facit*?

*In Dialogum, Erasmiānum fuisse, jam  
tandem deprehensum :*

**F**ratrum turba Notū petulans perstringat *Erasmū*;  
*Illius*, hæc Proles est *Genuina*, Patris:  
*Imbelles* Monachos gracili modulatus *Avena*,  
Inde tonis *Tragicis* Arma *Papamque* canit:  
*Bellatorem* acris sternit sub *Acumine Pennæ*;  
Et *Calami Mucro* plus valet *Ense* *Papæ*:  
Cernitur en *multi* modo *clarus* honore *Triumphī*,  
*Doctos* post *Currus*, *Julius ipse*, trahi.  
*Clavigerum* ludunt *Claves*; *Coelique patentes*  
Dans *aliis*, *clausas* invenit *ipse*, *Fores*:  
*Sedantique breves*, quos *ipse accenderat*, *Ignes*,  
Addidit *æternos* altera *Docta* *Manus*.

*Julius Aetæ* refert sua (*Cæsaris* instar *Iulī*)  
*Solus*, qui *Gessit*, *Dicere* dignus erat.  
*Papa* quibus *vivat*, *Mores*, quibus *imperat*, *Artes*,  
*Mirum*, quam *liquido* hæc *parva* *Tabella* refert !

*Pessime* *Paparum*, ne *Sævi* *Magne* *Sacerdos*,  
*Optima* non aliter *Fabula* factus eras.  
Nempe bonum *Cathedra* nec te quis dicat, *Iulī*,  
Te neque *Colloquio* dixerit esse *malum*:  
*Moribus* orta *malis* sic *Lex bona*; sic *tua*, *pulchrum*,  
*Larvalis* *Facies* cernitur, *Artis* *Opus*.  
Plus nihilo *Ancan* laudavit *Musa* *Maronis*,  
*Heroem* *Cæcus* *Mystra* vel ille suum:  
*Nobile* quam, *Julī*, te *nobilisavit* *Erasmi*  
*Ingenium* (*Mundus* *Nobile* *siquod* *habet*.)  
Nempe *tibi* *Calamo*, quò *Cælum* *occludit*, *codem*:  
*Notum* de *Vitiis* *Nomen* ad *Astra* vehit:  
*Luce* sed *Æterna* donavit & *Alix* *Erasmus*,  
*Æternas* *mericum* dum premit in *Tenebras*,

Super Diologo bene prolixo, breve  
Colloquium, Diologi potissimum Authori  
rimando destinatum. Colloquentibus  
Critobulo, Bibliopola.



Rit. *Isthaec, (ni fallor) Bibliopolæ quænam*  
*quæro, nova est Officina. Nec illum*  
*tamen intus afficio. Verum, apertis foribus,*  
*non prodire eum foras, sed intra se in Do-*  
*mmum recepisse, autumo. Heus, hui! ubi ubinam*  
*ille est qui hic habitat Magus? Opportune admodum*  
*salutandus ades. Bib. At num, quod detonantem modo in-*  
*audiri, Magi Nomine? Magolne quæso, inter Bib-*  
*liopolas, præsertim Oxonienses, querendos censes?*  
Crit. *Imo & inveniendos; te saltem, qui Voti sui com-*  
*potem fecisti Julium: Atque nunc quoque (inquit*  
*pag. 7.) utinam Magus aliquis me in vitam resti-*  
*tuat. Te (inquam) qui lx. prope supra c. jam annos*  
*mortuo, hoc illi tandem præstitisti Officium, quid*  
*quæso Mago minus suspicari quæam? Bib. Ipsum*  
*sanè Julium, Luciferi permisimus Generalem agere apud*  
*Inferos Vicarium; impote huic multo aptiorem Muneri,*  
*quam vicibus istis, Spiritui Sancto propriis, Christi*  
*in terris gerendis. Dialogo solum (si bene unquam*  
*apud Nostrates) noto, oblivione saltem non longiori,*  
*quàm altiori sepulto, è tumulis suscitando, recentique,*  
*(qua dignus est) vitæ restituendo operam (eamque sa-*  
*ti honestam) impendimus: Verum, si quid Magica*  
*valerem Arte, te Delipsoya plane Criticorum meum jam*  
*infra circulum nactus, quot vexato Questionibus Re-*  
*sponsa tibi extorquerem? Crit. Consulturus fortitan,*  
*ut Hermolaus olim Barbarus, nactus colloquium Dæ-*  
*monis, quid sibi velit Aristotelis Εἰτελέχεια? Bib.*  
*Imo ne latum quidem Pedem Dialogi Pomaria con-*  
*sultando transgressurus quem è Preliutero (ut in hu-*  
*manis etiam sit Partibus) lachrymantem expressum,*  
*deteresa nondum facie, ad tuas (vere mihi amicissimas)*  
*transmisi manus. Crit. Ast ego vel sic lepidam*  
*Libelli frontem subridens primum intusus, avidis*

*more oculis Torulum devoravi; cum Gaudio legi, absque Tædio relegi. Ac proinde cum, Amicitia nostræ Vinculis, tuorumque in me Officiorum obligationibus, Vim quandam plusquam Magicam haud invitus inesse sentiam, tuum esto percontando praire. Ego (qui plane Davus sum, non OEdipus, quem velles, Criticus) respondendo sequi adnitar, quoad poterò. Bibl. Immerito prorsus hæc facta mihi gratia. De Dialogo imprimis sic perlecto quamam tua est sententia? Crit. Plane optima: Nigrum, ut aiunt, suo Rubro (quod Librorum paucissimis nunc dierum editis contingit) per omnia respondens reperi; Dialogum scilicet festivum totum, ac elegantem; Summique Pont. Rom. Genium, atque Ingenium, Vivendi Mores, Regnandique Artes, parva in Tabella non obscure adumbrata, sed vivis, quod aiunt, coloribus omnia adamussim descripta exhibentem: atque adeo aliis Cordi, tibi Commodo, futurum auguror. Bibl. Imo mihi maxime futurus est Cordi, si & Commodo: Cor enim est Bibliopolæ Commodum. Salva res est. Verum Nascentis recens Bibliopola cum primum, uti par erat, consulisti jam paucis Commoditati; Curiositati, pluribus satisfaciendæ proximus deitur locus: Quo tempore? qua occasione? quo denique ab Authore conscriptum existimas Dialogum? Crit. Arduis hisce in Critica Quæstis, quo clarius satisfiat cumulatiusque, Erasmi Epistolas, suis subductas sedibus, huc mihi adporrigito. Ex istis enim, insulisque ipsius Dialogi Criteriis, me, tanquam ex Tripode, postulatis tuis responsurum spero. Bibl. Vin' utrumque Volumen? Crit. Primum (edit. Flesheriana) omnes habet Erasmicas, nostroque igitur sufficiet Instituto. Bibl. Primum en tibi Volumen. Crit. En tibi vero ex lib. 12. Ep. 1. Quæstis duobus primis ut simplex, ita & breve Responsum: Is (Dialogum intelligit) ut ex Argumento satis constat, scriptus est odio Divi Julii Pont. Max. (Occasionem vides) Schismatis tempore: (schismatis scilicet illius, ut Julio vivo orti, ita & mortuo aliquandiu manentis; ut utrumque satis liquido ex Dialogo patet.) Scribendi Tem-*

pus (Vixone enim adhuc, an mortuo deus n. Julia  
 scriptus sit, nihil habemus satis explorati) minus li-  
 cet definitum agnosce. Bibl. Agnosco, & gratulor:  
 magis adhuc de invento itidem Authore gratulaturus.  
 Crit. Hic labor, hoc opus est. Aliorum primo Sen-  
 tentias ex Erasmo referam, dein perpendendam pro-  
 laturus & meam. Bib. Utrilque interim Auribus  
 att. Etis auscultaturus adsto. Crit. Quin &. Ocu-  
 lis etiam attende, quæ præ oculis est, Epistolæ. Qui-  
 dam (inquit Erasmus) restabantur, Hispani cuiuspi-  
 am esse, sed suppresso nomine; Rursus alii Fau-  
 sto Poetz tribuebant; Alii Hieronymo Balbo. Bib.  
 Harum vera quænam tibi arridet Sententia? Crit.  
 Nulla hercle omnium mihi placet: nec Erasmo etiam  
 referenti placuisse ullam credo, licet alios ita credi-  
 disse illi tunc temporis perplacuisse forsitan maxime.  
 Bibl. Eo autem enixius animi tui hac in re Sen-  
 tentiam expecto. Crit. Mihi sane Erasmus ipse pro  
 indubitato habetur Authore. Bib. At quibus ducto  
 Argumentis? Mihi equidem non desunt ad creden-  
 dum valida; Jucundum scil. & (Potentius adhuc Bib-  
 liopolæ Topicum) Utile: Togatæ enim quisnam Gen-  
 tis tanti securus Authoris, Insolentis adeo Argumen-  
 ti Dialogum, quantivis redimendum non putaret? mi-  
 hi ergo ad credendum ut vides paratissimæ, quamam tibi  
 Rationum Momenta ad probandum suppetunt? Crit. Nec  
 paucis nitor, nec levibus conjecturis. Principio Dialogorū  
 ΑΡΧΙΤΕΚΤΟΝ quem superius, hoc nostris, novit seculum  
 pene solus, longe maximus, erat Erasmus. Deinde hujus  
 Dialogi Authorem, nec totum Protestantium partibus  
 additum, sed Semi-Papistam fuisse, luculenter satis ex  
 Dialogo patescit: Talis vero & ipse olim erat, bodieq;  
 pingitur Erasmus. Rursus acriter admodum, oblique licet,  
 in Monachos tam Franciscanos, quam Benedictinos, in-  
 vequitur Dialogista: Seculo autem (quo floruit) proxime  
 elapso quis, quæso, Monachorum Mægiæ plane Malle-  
 usq; præter Erasmus? Nec in Monachos solum, ut par  
 erat, sæpe liberius, sed & in Monarchas, quam par erat,  
 licentius semel locutus, nempe prioris edit. pag. 14 (tu  
 quim prudens dispunxit:) etiam inde satis se prodit

A ibor

ificatio totum

Auctor vel Libera jamjam oriundum Repub. vel sub id  
 saltem, cum oriundus erat, tempus in Libertatem se  
 asserendi, Armisque etiam vindicandi, ansam sedulo  
 meditante. Talem vero fuisse Erasmo Patriam nemo ig-  
 norat, nisi quis forte, sciens Erasmus, Roterodamum  
 nesciat. Porro Dialogi scribendi Occasionem ipse ( qui  
 optime omnium novit ) asserit, in Julium fuisse Au-  
 thoris Odium: Eorum autem omnium, qui Papæ nun-  
 cium plane non remiserant ( dignique utcumque erant in  
 minimam Competitionis hujus partem cum Erasmo  
 venire, ) cedo, si potes, quempiam adeo exacerbati odio  
 in Julium animi. ac ipse erat Erasmus. Hoc tibi quo  
 constet luculentius, consule adnotatas ad marginem Epis-  
 tolas, quarum omnes ad Verbum Locos eo spectantes huc  
 transcribere longius esset, quam ferat brevis quod insti-  
 tuimus Colloqui ratio: Loci tamen unus atque item  
 alter, unde novæ etiam desumenda sunt con-  
 jectura, tam levi digito ad marginem scil. indigitan-  
 do non sunt pratercundi. Primus occurrit lib. 29. ep. 9.  
 ad Bullidianum: In præsentia quidem, in Italia mire  
 frigent studia, fervent bella; Summus Pontif. Julius  
 belligeratur, vincit, triumphat, planeque Julium agit.  
 Præter Dicterium satis aculeatum in vivum etiam Julii  
 caput vibratum, data est Ep. Bononiæ 15. Cal. Dec.  
 An. 1506. eo Loci, & sub id Tempus quibus, splendi-  
 dissimus agebatur à Julio Triumphus, tantopere ab eo  
 in Dialogo decantatus; ex quo autem spectato, Eras-  
 mum, ni fallor, incessit Dialogi scribendi Impetus;  
 quæ vero non ita multo post revera Scriptum auguror ( in  
 istam enim partem, Voti propendet, si non & Judicii  
 pondus, Julio adhuc vivo fuisse conscripum. ) Et in Epist.  
 ad Campeg. Card. primi præfata ( cui valde etiam an-  
 te intentum video ) dat. an 1519. Cal. Maias.  
 Ante ( non quã multo ante ) 5. annos subdolan-  
 dit Erasmus se degustasse potius, quam legisse: Ne-  
 pe suum ipsi Dialogum nihil erat Legendi opus:  
 Sin suus reipsa non fuisset ( sic notum est scil. E-  
 rasmi Ingeniũ ) cū semel degustasset, ausim dicere,  
 sibi ab eo iterum atque iterum legendo ( plusquã ego-  
 met mibi ) se neutiquam temperare potuisse, utpote

Lib. 2. ep.

1, 18.

Lib. 8. ep.

1, 17, 24.



eorū nulli quoniam pro suis agnovit, ullatenus concessuro. Ad  
 Bussidianū autē illud haud leviter animadvertendū velī,  
 Belligeratur Julius: Belligeratur, forma Deponenti,  
 probe ligerat: quā & usus est Dialogista; p. 27.  
 Hac vero Verbi illius forma (Erasmō ut peculiaris, ita  
 & perquam familiaris), nulli, cujus meminī, aut  
 Clasicorum veterum, aut etiam Recentiorum puri-  
 oris, cum Erasmō, Latinitatis Magistrorum, ullo est  
 in usu. Nec inusitata aliis unius solum verbi forma;  
 tota ad verbum pene eadem sententia (in re prorsus  
 eadem) Erasmō cum Dialogista plane est Com-  
 munis: Quo Major, modo malus etiam, eo pernicio-  
 sior; hanc Dialogistae sententiam (pag. 13.) cum  
 Erasmiana illa (Julium etiam oblique vellicante)  
 collatam cupio Lib. 2. Ep. 1. ad Leonem. Quo  
 major est potestas, hoc perniciosior, si inciderit in  
 hominem vel stultum, vel malum. Adeone vero aut  
 Verborum indigus, aut inops sententiarum (utroque,  
 si quis alius, genere locupletissimus) censendus est  
 Erasmus, ut ad (obscuri nescio cuius) Dialogistae (Offi-  
 cium emendicando quaereret? Bib. Imo illam Dialo-  
 gistae sententiam censendum est potius ab Erasmō mu-  
 tuo acceptam. Crit. Nequaquam; neque hoc pati-  
 tur Calculus ex ipso Erasmō supputandus. Data est  
 enim haec ad Leonem: Ep. 2. Cal. Mai. an. 1515.  
 aliquot, saltem annis, posteaquam scriptus, est Dialo-  
 gus. Si Dialogista non sit Erasmus; Erasmus, non  
 Dialogista, Plagii Reus sit oportet. Quintu Musices  
 haud ignarus attende, quam in eandem dicta modo  
 Sententia Chordam, in Sono pene Cyporivay, peni-  
 tus in sensu æguorivay, Erasmus cum dialogista porro colat  
 E regione frontibus sibi invicem adversis (optime ali-  
 equi consentientes) exhibeo Sententias, quo facilius, de  
 Concenu, feliciusque Iudicium feras.

Vide

Erasmm l. 2. ep. 1.  
 ad Leonem. Leoni simil  
 ad blandientem, Julium-  
 que eadem opera Sugil-  
 lantem.

Dialogistam pag. 27.28.  
 Julium pariter insectantem

Alia

*Alii laudibus rebus  
Bella à Julio secund vel  
excitata gnaviter, vel gesta  
felicitè; Victorias Ar-  
mis parras recensent. Tri-  
umphos Regaliter actos  
celebrent. Et paulo post:  
ut maximum declararit  
Julium totus pene Orbis  
in Bella excitatus.*

*Nunc tuam Bonitatem  
magis seminus, cum nobis  
expressius Christi refers I-  
maginem, cujus haud du-  
bie Vicem geris, posteaquàm  
ad summam Bonitatem, su-  
mamque Sapientiam, par-  
accessit Potentia.*

*Nihil potest accidere  
Pestilentius, quàm si Pravi-  
tas, ac Stultitia, summi  
Magistra tus arctetur Au-  
thoritate.*

*Bibl. Concentum agnosco multo magis Sympho-  
nicum quam intacta unius Barbiti chorda cum alte-  
rius chorda ejusdem toni pulsata servare solet. Crit:  
Eandem igitur ( quod huic proximū est ) agnoscas  
doctam Manum utrobique praterlabentem Nervulos  
diversæ solum Chelyos ( pro diverso scil. Epistola De-  
coro, & Dialogi servando ) Bibl. Nec dulcius tamen  
eden-*

*26. Gloriaris te pluri-  
mum potuisse ad discin-  
denda Fœdera, ad In-  
flammanda Bella, ad Stra-  
ges Hominum excitandas.*

*27. At fieri potest, ut  
Bellorum Incendium per  
te excitatum universū de-  
nique Mundum corripiat.*

*28. Qui orbem uni-  
versum ad teterrima Bella  
concitarit.*

*Ib. Qui Christi Vicari-  
um se facit, cum oport-  
et ad illius Exemplar  
quàm proxime accedere.  
Est in illo Summa pote-  
stas, sed cū Summa Bo-  
nitate conjuncta; est su-  
ma sapientia, sed sim-  
plicissima.*

*Ib. In te potestatis Ima-  
ginē video cum summa  
Malitia, summaque; Stul-  
titia copulatā, Quod si  
Malorum Princeps Dia-  
bolus Vicarium sibi cupi-  
at subrogare, Quem po-  
tius asciat, quam tui  
similem?*

videntem Melos quam hac creare videtur instituta Sen-  
 tentiarum utrinque Comparatio; quam ideo ad Se-  
 rum usque Vesperum utinam & possis, & velis pro-  
 ducere. Crit. Hæc sane, ad qua jam Digitum me-  
 um, tuum, & Oculum, intendi, longe omnium luculen-  
 tissima sunt. Nec desunt tamen alia sententiarum hinc  
 inde communium obscuriora paulo Vestigia, quibus  
 Cane adhuc Critico admodum Veterano nihil opus est,  
 ad Erasnum Dialogi Authorem subodorandum. Re-  
 pete igitur imprimis, ad Bullidid. illum prægnantem  
 Kertneiois locum: *Julius belligeratur, vincit, triumphat,*  
*planeque Julium Agit.* Iste tecum una advehit, *Di-*  
*alogi pag. pete 22.* quo loci quam tibi similia, ne di-  
 cam eadem, occurrunt; vide. Ubi jam Res in eum  
 propemodum Locum deducta sunt, in quem volebam,  
 supererat, ut vere Julium Agerem. Nec illa de-  
 inde si co prorsus pede transeunda duxi; Si Judæus  
 ille Medicus ( *Personatus ait p. 7. apud Dialogistam*  
*Julius, suum illi merito sic honorem deferens* ) qui  
 diu mihi vitam Arte sua prorogarat, amplius profer-  
 re potuisset. Morale scil. in *Julium Erasmi Odi-*  
*um, ita & in Medicum ipsum redundavit, ut hæc ei*  
*in sua ipsius Persona loquenti verba expresserit ( Lib.*  
*8. Ep. 9. ad Ammonium )* Cui succensam nisi Ver-  
 po illi τὸ Ἀγχιεγὼς ἰατρῶν, qui quidem aut parum  
 Artifex est, aut prorsus effæta sunt Anticyræ. Vox  
 scil. *Atriem Medico, quia Julio Vitam Arte Medica*  
*prorogatam invidentis: Loquentium distingue Perso-*  
*nas, atque hæc quinque confirabunt sententiæ; nec*  
*inter se modo, sed & in Erasmo Dialogi Authore*  
*constituendo. Neque ista, quæ confestim mihi sequun-*  
*tur, sed ipsa Fata viam inveniant; minus videan-*  
*ter perpendenda, si cum istis Dialogista pag. 6. con-*  
*ferantur; Deturbaturus & Hispani ( nam huc ibi )*  
*nisi me Fata terris eripuissent. Dic libere Bibliopo-*  
*la, annon idem, & effusi Voti, & enarrati ( vel*  
*quasi enarrati ) Facti censendus est Author? Imo an-*  
*non omnes, quas inter comparationem institimus ( vel*  
*ipsa de facie ) Sororiz prorsus videntur Sententiæ,*  
*Parentemque ideo sibi jure merito vendicare Erasnum?*

Bibl. Poeta mihi responsum suggeris ;  
— — Facies non omnibus una ,

Haud diversa tamen , qualis decet esse Sororum.

Crit. Sententiarum huic, quæ ad Identitatem proximè accedit, Similitudini; addas, in Apice Theologico Syncretismum, ita Erasmo cum Dialogista communè, ut sit hisce duobus (si modo duo sint) tantum non peculiaris etiam & proprius. Bella Christianis (saltem inter se invicem) neutiquam licere Sensit Erasmus; ut (Locos inter quamplurimos alios) videre est in Annotatis ad Luca 22. Vers. 36. Ejusdem planè Sententia videndus est & Dialogista pag. 8. Ejusdemque usque adeo plenus, ut Persona quam induerat ibidem loquentis minus memor, ad alios illos Scriptorum Suorum (Erasmicorum Scilicet:) hac de re Locos, Lectorem videatur relaturus. Quin illis quid immoramur? Inventio, Judicium, Sermonum elegantia, Rationum Argutia, Diverbium, <sup>Sarcasmi</sup> Tëpos, Filum orationis, & Textura, omnia palam Erasmianna sunt. Nec modò Luc. Ofiander Epit. Hist. Eccl. Cent. 16. pag. 17. asserit, multos Eruditos viros ex stylo judicasse Erasmi. Rot. fuisse hujus Dialogi Auctorem; sed & Leo Juda (referente in illius vita Melch. Adamo, pag. 29.) Dialogum Erasmo Auctori tribuit, imò ut Seditiosum exprobrat: Nec quicquid tamen huic Juda Criminationi responsum est ab Erasmo; mejuente sc. illo, ne qui Seditiosum exprobravit, probaret & Suum.

Bibl. Rationes fateor plusquam probabiles; & si non ipsas quidem Demonstrationes (quas nec ferat fortean Argumenti Ingenium) Demonstrationibus certe proximas: Authoritates vero ad fidem faciendam omni exceptione majores. Veruntamen animo meo unus, atque item alter, eximendi restant scrupuli; sed Mollestiæ magis tædioque hoc tibi futurum vereor, quàm ut hanc etiam faciendam mihi expectem abs te gratiam. Crit. Ego vero mihi primum expecto proponendos, mox & tibi ponendos spero Scrupulos. Bibl. Annon Erasmus ipse Dialogi (tanquàm partus Spurius ad Limen suum appositus) Parentem se negat? Crit.

Lib. 13.  
Ep. 19.

Crit. *Prima quidē facie, in ista ad Campegium Card. alteraque ad Tho. Morum (nostram) Epist. speciem pra se fert negantis, sed negantis frigide; nostri autem, quod in veteri est Proverbio; Qui frigide negat, consentire videtur. Bibl. Quin Erasmo solenne forsitan erat vehementius nihil, apertiusve negare. Crit. Adeo falsa est hac conjectura, ac quae falsissima; Aperte satius, pari casu, hacque in ipsa ad Campeg. Epistola Lutheri librum suum esse negat. Initio, inquit, meum esse dictitabant, cum illic nec unus apiculus sit meus: Nec animo solum apertiori, sed Vehementiori etiam Accentu, spirituque fervidiori, id ipsum alibi praestat: Non dubitem omnes Dira imprecari Capiti meo, si quisquam est Lutheri tam exiguus libellus, quem totū perlegerim; si in omnibus, qui illi tribuuntur, ulla Syllaba mea est, lib. 17. ep. 14. ad Paul. Bombasium: Et paulo post, Alexander indicavit, mihi tribui duos libellos, quorum alteri Titulus est Eubulus, alteri Lamentationes Petri; Emoriar, si unquam mihi fuerat auditus Titulus, antequam ille prolulisset. Viden' ut non directe solum, sed & fervide item, negare potuit Erasmus, ubi potuit & vere: Fulu-um esse suum nec fervide, nec directe quidem negare voluit, quia non nisi falso potuit. Bibl. Quorsum igitur profusio hac tot Argumentorum veri Auhoris opinionem à se amolientiū? Crit. Dicam equidem quod sentio: Veracior erat Erasmus, quā ut negaret, prudentior, quam ut agnosceret; praesertim rigidis duobus Papistis Cāpegio, atque Moro; quorum iſte ſupremæ Romani Pont. potestati tuenda strenuā operam dedit; Ille sibi acquirendæ auide inhiavit. Bib. Verum en tibi Erasmus Campegio disertis verbis negantem suam esse Phrasin. Crit. Phrasin forte suā consulto aliquantillum dissimulaverat; ut cæcus plane sit oportet in Re Critica qui pone tenuem adeo dissimulatā Phrasin larvam, Erasmus non viderat; nec ipse interim, ut vidēs, diffitetur Erasmus, quin Oratio nonnihil referat Erasmicum; cum revera nihil referat non Erasmicum, præterquam quodd Erasmus forte dissimulaverat. Bibl. Veniam, obsecro, des mea vel Imperitiæ, vel Curiositati, jam ultimò quærenti:*  
*Quid*

Quid tot fictis Authoribus (si modo fictos omnes norat, semetipsum autem verum Authorem) tributum diceret Dialogum? Crit. Nimirum, ut in tanta fictorum turba (sic enim sua interfuit) Verus ipsemet Author securius delitesceret. Verum cum tu jam percontandi denum finē feceris, mihi unum hoc sciscitanti responde: Unde præstantissimi hujus dialogi excudendum nactus es Exemplar? Nam vix unum aut alterum Mare hoc nostrum tranarunt Britannicum: Jesuitis forse pro Arte, ut audio, istis (alias inter quamplurimas) solenni, omnia, ubicunque Gentium essent reperienda, sedulo præmentibus, non tam eo consilio ut sibi compararent, quam ut nobis tantum Thesaurum adimerent. Bib. Nactus sum (colendissimi Amici munere) ex illustratissima viri Illustrissimi Bibliotheca, bonarum omnium literarum Cultoris pariter, ac Fautoris eximii; præsertim Proprietatis Latine, Puritatisque, nihilo infra Togatorum optimos (multo supra Equestris sui ordinis, quos novi, Maximos) Magistri; Nomen inserim, pro Candore tuo, reticendum quasi permittas, cum (Amico peregre longum iter profecto) nihil quicquam hac adhuc in parte, de Equitis amplissimi Voluntate exploratum habeam. Julium aliqui Bellatorem de Reb. pub. à se Regibusque victis toties olim triumphantem, ad illius Nominatim Pedes pro-volutum (in Epistola nempe Dedicatoria) Patrocinium, supplicem modo obtestaturum stitissim. Crit. Nisi tuam satis probarem Prudentiam, meam nimium Impudentiam proderem; eademque sat scio consulta te usurum in Arcanis Taciturnitate, si quid itidem de Dialogi in Picem pene (abrupte satis intelligas obulseque) prius definientis adjecto unper Colophone (eoque reliquo, quod mihi videtur, Dialogo jam neutiquam indigno) consulerem; Itaque Val — Bib. Plane, quod res est, sentis, me nec hic quidem invito quidquam Authore ausurum; Vale tamen tuum ausus sum (nimium palam impudens) vel semiprolatum interrumpere; nec, inopinata hac oblata mihi ansa, missum te facturum, priusquam (ruptis omnibus & Fidei tibi date, ac observantiz tibi de-

bita

debita Vinculi) postremo tandem, nempe post ultimo  
meum, quasierim, quid sibi velit, in Dialogo præ-  
sertim Erasmano, Cauda capitique ac corpori: Epilogus,  
intelligo, Prologo totiq; præterea Dialogo) sic prorsus absti-  
mili? Crit. Liceat mihi jam nimium plane festinanti vel  
uno, eoque tumultuario, dicere verbulo: Indignum opinor  
minime flaccescentis Nobilis Erasmo Ingenii, sed vel  
fluctuantis conscientia, an suo absque peccato licuit, vel  
vacillantis ei prudentia Argumentum, an suo sine  
periculo potuit Fulvii, ludicre satis jã Cælo exclusu, la-  
scivienti etiamnum audacius calamo aut mortuum dam-  
nare, aut vivum etiam fortassis prædamnare (omni-  
um licet dum viveret perditissimum) æternæ, ipsa in  
Gebenna perditioni subeunda; an satius, aliquanto de  
illo statuens, temporariis scil. ( quos forte Erasmus  
etiam ipse, non omnia videns, credidit) purgandum  
Ignibus tradere. Hæc inter cogitata ( quæ novæ, quis-  
quis erat, Coronidis Fabrum neutiquam tenuere sus-  
pensu) animi ductus hærens Erasmus, Cælo solum-  
modo exclusum, nec Tartaro adhuc, necdum Pur-  
gatorio concludendum misit, sed inter utrumque  
( quid de se statuendum foret incertum) hac illac erra-  
bundum ( ut Cælum inter Orcumque Erasmus ip-  
sum Papicola depingunt pendulum) abrupte satis di-  
misit Fulvium. Valeas jam tandem (Vale meum me  
passurus eloqui) Ingeniose Bibliopola: multo que bu-  
jus similes Libellos typis Librosque mandes. Bib. Va-  
leas Critobule Insignissime, valeas: sed meis prius be-  
ne onustus Gratiis, qui Dialogo meo Authorem  
suum Erasmus, Authori suo Erasmo Dialogum me-  
um (in Gratiâ meâ Commodumque) operose adeo  
vindicasti, jussu adeo restituisisti.

ad Fulvium, matheus



## INTERLOCUTORES

JULIUS II. GENIUS,  
ET D. PETRUS.



JULIUS II. P. M. Quid hoc mali est? non aperiuntur *fores*? Opinor aut *mutatam*, aut certe *turbatam* *seram*. GENI. Quin potius vide, ne tu non attuleris *clavem* quam oportet: neque enim eadem aperitur *hoc ostium*, quae *arca numaria*; atque adeo cur non utramque huc attulisti? nam illa quidem *potentia* clavis est, non *scientia*. JUL. Imo mihi praefer *hanc* nulla unquam fuit: neque video quid opus sit *illa*, quum *hac* adsit GENI. Nec ego sane; nisi quod interim excludimur. JUL. Effervesceit mihi bilis, pulsabo *fores*. Heus heus, aperite hoc aeternum aliquis ostium. Quid hoc rei est? nemon proficit? quid ita cessat *hic Fanitor*? stertit opinor adprobe potus. GE. Ut hic ex se metitur omnes! PE. Bene habet quod *portam* habemus *adamantinam*, aliquin *fores* hic, quisquis est, perfregisset. *Gigantem* aliquem, aut *satrapam*, urbium everforem oportet adesse. Sed, o Deum immortalem! quam hic *eloacum* officio! Non statim aperiarn ostium, sed hic e fenestella cancellata prospectans, quid *portentum* sit, cognoscam: *Quis es?* aut *quid tibi vis?* JUL. Quin tu *fores* aperis quantum potes? qui si tuo fungi voluisses officio, obviam orortuit venisse vel cum universa *Caelitum* pompa. PE. Satis imperiose. At tu mihi prius exponito, quisquam sis. JUL. Quasi vero ipse non videas.

PE. Videas? Ego vero novum & hactenus non

visum *spectaculum* video, ne dicam *monstrum*.

JUL. At, n; plane cæcus es, agnoscis opinor *clavem* hanc, si quercum auream ignoras, Et vides *triplicem coronam*, nec non undique gemmis & auro lucentem *pallam*. PE. Equidem *argenteam clavem* utcunque agnosco; licet & *solam*, & multo dissimilem *is* quas olim mihi *verus* ille *pastor* ecclesie tradidit *Christus*. Porro *Coronam* istam tam superbam, quæ quæso possim agnoscere? quam nec *barbarus* unquam *Tyrannus* ausus est gestare; nedum is qui *huc* admitti postulet. Nam *palla* quidem ista nihil me movet: qui *gemmas* & *aurum* perinde ut *rudera* semper calcarim, atque contempserim. Sed quid hoc est? video passim & in *clavi*, & in *corona*, & in *palla* notas sceleratissimi *cauponis*, & *impostoris*, mei quidem *prænomini*, sed non *instituti*; *Sinonis* potius, quem ego quondam Christi præsidio dejeci.

JUL. Mitte *nugas* istas, si sapias: nam ego, si nescis, sum *Julius* ille *Ligur*, & agnoscis, ni fallor, duas literas. P. M. nisi omnino literas nullas didicisti.

PE. Significare opinor, *Pestem Maximam*.

GE. Ha ha he, ut hic *divinator* rem acu tetigit!

JUL. Imo *Pontificem Maximum*. PET. Ut *ter maximus* sis, ac magis etiam quam *Mercurius* ille *Trismegistus*, huc non recipieris: nisi fueris *optimus*, hoc est *sanctus*.

JUL. Atque adeo si quid ad rem pertinet appellari *sanctum*, nimium impudens es, qui mihi cunctaris aperire fores: cum tu tot jam seculis tantummodo *sanctus* dicaris, me nullus unquam vocarit, nisi *sanctissimum*. Extant sex millia *bullarum*.

GE. Vere *bullarum*. JU. In quibus non semel *sanctissimus dominus* nominor, imo jam *sanctitatis* nomine denotabar, non *sancti*: ut quicquid mihi libuisset. GE. etiam *semulento*. JUL. id *sanctitatem* sanctissimi Domini *Julii* dic-erent fecisse.

PE. Quin tu igitur ab istis adulatoribus *Cælum* postulato, qui te *sanctissimum* fecerunt; & iidem tribuant *felicitatem*, qui dederunt *sanctitatem*. Quamquam usque adeo nihil interesse censes, dicaris *sanctus*, an *sis*? JUL. Irritor. si vivere modo licuisset,

isset, ego tibi istam nec *sanctitatem* inviderem, nec *felicitatem*.

PE, O vocem sanctissimæ mentis *indicem*! quamquam & alioquin ego te jamdudum oculis totum collustrans, multam *impietatis*, nullam in te *sanctimonie* notam animadverto. Quid enim sibi vult novus ille *comitatus*, tam non *pontificius*? nam viginti ferme millia tecum adducis: nec ullum in tanta conspicio turba, cui vel *vultus* sit *Christianus*. Video teterrimam hominum colluviem, nihil præter fornicis, remetum, ac pulverem bombardicum olentium. *Latrones* conductitii mihi videntur, vel *larva* potius *tartarea*, huc ab *inferis* erupisse, ut *cælo* bella moveant. Jam teipsum quò magis ac magis contemplor, hoc minus ullum video *Apostolici* viri vestigium. Principio, quid hoc *monstri* est, quod cum superne *sacerdotis* ornatum geras, idem intus *armis* cruentatis totus horres, crepāsque? Ad hæc, quam *truces* oculi, quam *contumax* os; quam *minax* frons, quam *elatum* & *arrogans* supercilium! Nam *pudet* dicere, ac *piget* interim videre, nullam corporis partem non conspurcatam notis *prodigiosa*, ac *abominanda* libidinis. Ut ne dicam, quod etiam uumtorus & ructas, & oles *crapulam*, & *remetum*, ac mihi quidem modo *vomuisse* videris. Utrique is est totius corporis habitus, ut non tam *etate*, *morbisve*, quam *crapula* vietus, marcidus, ac fractus videaris.

GE, Ut graphice hunc suis depinxit coloribus! PE. Tametsi video te jamdudum mihi *supercilio* minantem, tamen haud quæo reticere, quod sentio. Suspicio pestilentissimum illum *Julium* ethnicum ab *inferis* rediisse *personatum*, ut me rideat: adeo tibi cum illo conveniunt omnia.

JUL. Ma. di. fi. PE. Quid dixit? GE. Iratus est. Ad hanc vocem nemo *Cardinalium* non fugitabat; alioqui *fusilem* illum *sanctissimi* sensurus, præferim à *convivio*. PE. Tu mihi videre probe calere sensum hominis: proinde dic mihi, quis es?

GE. Ego sum *magnus* ille *Julii* genins. PE. Imo *malus* opinor. GE. qualiscunque sum, *Julianus* sum. JUL. Quin tu *mugas* istas misas facis,

ac *fores aperis*? nisi *maius effringi*; quid multis opus est? vides *cujusmodi ducam comites*? PE. Sane video, *latrones exercitissimos*. Verum ne sis *inscius*, hæc *fores* tibi sunt aliis *armis expugnandæ*.

JUL. *Verborum* inquam, jam satis. Ni *propere* pares, excommunicationis *fulmen* velin te torquere, quo *summos aliquando reges*, atque adeo *regna* terrui. Bullam vides jam in hæc paratam? PE. Quod, malum, *fulmen*, quod *tonitru*, quas *bullas*, quas *ampullas* mihi narras, obsecro? nam istorum nihil unquam *audivimus* à Christo. JUL. At *sentes*, nisi pares.

PE. Si quos olim istis *fumis* territasti, nihil ad hunc locum, hic *veris* agas oportet: *benefactis*, non *maledictis* hæc arx *expugnatur*. Sed quæso te, tu mihi *fulmen excommunicationis* minitaris? dic quo jure? JUL. *Optimo*, quando jam *privatus* es, nec aliud quam quilibet *privatus* sacerdos, imo ne *sacerdos* quidem, utpote *consecrandi* impotens.

PE. Nempe quia *mortuus* opinor. JUL. Videlicet PE. At ista quidem ratione, nihilo mihi præstas *plus* quam *mortuus*. JUL. Imo quamdiu *cardinales* de novo *pontifice* subrogando litigant, mea est *administratio*. GE. Ut adhuc *vita* somnia somniat! JUL. Sed jam aperi inquam. PE. Ni *merita* narras, inquam, nihil agi. JUL. Quæ *merita*? PE. Dicam: Excelluisti *doctrina sacra*? JUL. Minime: nec hoc vacabat tot occupato *bellis*: verum abunde satis est *fratrum*, si quid hoc ad rem pertinet.

PE. Ergo *vite sanctimonia* multos Christo *lucrificasti*? GE. *Tartrato* quam plurimos. PE. Clauruisti *miraculis*? JUL. *Obsoleta* loqueris. PE. *Pure* orasti & *assidue*? JUL. Quas *nugas* hic gannit? PE. *Fecimus* quoque, *vigiliisque* corpus *emaceraſti*.

GE. Desine quæso frustra hæc apud hunc, ne ludas operam. PE. Ego alias *egregii pontificis dotes* non novi: si is habet magis *apostolicas*, narret ipse. JUL. Quanquam indigna res est. *Fulium* illum omnibus antehac *invidiam*, nunc *Petro* cedere, ut

ne quid aliud dicam, *piscatori*, ac pene *mendico*, tamen ut cognoscas cujuscumque contempnas *principem*, audi jam paucis. Principio *Ligur* sum, non, ut tu, *Judaus*; unumque mihi vel hoc recum esse commune doleo, quod *navicularior*, aliquando fuerim.

GE. Nihil est quod graviter feras, nam hic quoque permultum interest, quod hic *visus* parandi gratia piscabatur: tu ad *stipem* exiguum scalmum renis subigebas. JUL. Deinde *Sixti* pontificis *vere* maximi. GEN: De *vitiis* sentit. JUL. è *sore* nepos: Hujus singulari *favore*, meaque *industria*, primum ad *ecclesiasticas* opes, deinde per gradus ad *Cardinalitum* *Galeri* fastigium sum eVectus: post, multis fortunæ procellis exercitus, ac durissimis casibus sursum jactatus ac deorsum, ac præter alios morbos, *comitiali* quoque obnoxius: Denique scabie quoque (quam *Gallicam* vocant) totus obertus: Ad hæc, exul, invisus, damnatus, omnibus abjectus ac pene deploratus. Tamen ipse de *summo pontificio* spem nunquam abjeci: ea erat animi *fortitudo*. Quum tu *muliercula* voce territus statim cesseris. Tibi mulier *animum* ademera: mihi mulier quedam fatidica, sive sortilega, *fiduciam* hanc addiderat: quæ quondam totmerso malis, clam insulurra: it in aurem. Perdura *Fuliane*, nihil te pigeat vel *facere*, vel *pati*: olim *triplici corona* decoraberis, eris rex regum, & *dominus* dominantium. Neque vero me fefellit vel mea *spes*, vel illius *vaticinium*. Hoc quoque præter omnium *segen* sum eluctatus, partim ope *Gallorum* qui *rejectum* siverunt, partim *inæstimabili vi pecuniarum*, non absque multo conflata *sanore*: nec id absque *ingenio* tamen. PE. Quod *ingenium* narras? JUL. Hoc est, non absque *promissis* ex pacto *sacerdotiis*, arque in hoc repertis ex *arte* fide iussuribus: quandoquidem tam ingentem pecuniam vix *Crassus* ipse præsentem totam numerasset. Verum hoc frustra tibi narro, quum ne omnes intelligant mensarii. Habes quo modo *pervenerim*. Jam in *Pontificatu* ita me gessi, ut nemo sit, non dicam *priscorum* illorum *Pontificum*, qui solo *titulo* mihi videntur fuisse *Pontifices*, Sed nec *recentiorum*, cui tan-

tum *Ecclesia*, tantum *Christus* ipse debeat, quantum *mibi*. GE. Vt *Ibrasonem* agit bellua! PE. Expecto quorsum evadas. JU. Nam multis *officiis* ( sic enim vocant ) novis repertis, non mediocriter auxi *fiscum* pontificium: Tum rationem inveni, ut citra *Simonie* vitium *episcopatus* emerentur. Nimirum constitutum est à majoribus meis, ut cui contigerit *episcopatus*, is deponat *officium*; id ira sum interpretatus; *deponere* juberis; at non *deponitur*, quod non *habet*; *emendum* igitur, quod *deponas*. Hac arte singuli *episcopatus*; sena statim, aut septena ducatorum millia adferebant: præter illa quæ ex more pro *bullis* extorquentur. Tum ex nova *moneta* (qua totam explevi *Italiam*) non exiguum emolumentum conflagi: nec ulla cessavi parte in accumulandis *pecuniis*. Nimirum intelligens absque *his* nihil recte geri, neque *sacrum*, neque *profanum*. Et ut ad *majora* veniam, Bononiam à *Bentivolis* occupatam *Romana* sedi restitui. *Venetos* ante *invictos* omnibus, mari *contudi*. *Ferratæ ducem* diu male vexatum bello, propemodum in *naſsam* illexeram. *Conciliabulum* schismaticum *ſimulato* contra *concilio* feliciter eluſi, & clavum (quod dici solet) clavo pepuli. Postremo *Gallos* tunc orbis *formidabiles* universo, ex universa *Italia* deturbavi: deturbaturus & *Hispanos* (nam huc ibam) nisi me *Fata terris* eripuissent. Atque hic quoque quam *invictum* præstiterim *animum*, vide. *Gallis superioribus* latebras circumſpectare cepi; Canam alebam *barbam*, cum rebus propemodum in *deſperationem* adductis repente nuncius affertur *aureus*, apud *Ravennam* aliquot *Gallorum* millia trucidata, ibi *revixit* Julius. Ad hæc triduum ferme pro mortuo habebam, etiam *mibi*: atque hic quoque rursus præter omnium atque adeo *meam* etiam *ſpem* revixi. Tantum igitur valet mea vel *authoritas* vel *aſſutia*, ut hodie nemo sit *regum Chriſtianorum*, quem non ad arma concitaverim, ruptis, diſciſſis, diſcuſſis, *ſaderebus* omnibus, quibus *inter* ſe fuerunt exactiſſime conciliari. Proximo quoque *foedere* (quod *Caméraci* inter me, & *Gallorum*, & *Ro.* regem, alioſque *cobierat principes*) ita *abolito*, ut ejus ne *mentio* quidem unquam ſit facta.

Super hæc omnia , quum tantum afuerim exercitum  
 tot splendidissimos triumphos adornarim, tot exhibu-  
 erim ludos, tot locis edificaverim, tamen moriens  
 reliqui quinquagies centena millia ducatorum: ma-  
 jora gesturus, si *Judeus* ille *medicus*, qui diu mihi vi-  
 tam arte sua prorogavit, amplius proferre potuisset.  
 Arque utinam nunc quoque *magus* aliquis me in vi-  
 tam restituat, quo egregiis cœptis, meis *colophonem* li-  
 ceat imponere; tamen si moriens sedulo id curavi, ne  
 bella per me toto orbe concitata *componerentur*: dedi-  
 que operam, ut *pecunia* in eum duntaxat usum essent  
 incolumes, hæc erat suprema vox animum exhalantis.  
 Nunc & sic de *Christo*, de *ecclesia*, merito pon-  
 tifici, gravare *Cæli* fores aperire? Atque hæc ma-  
 gis admirabitur, qui perpenderit, me hæc sola animi vir-  
 tute perpetrasse, nullis aliis adjutum *adminiculis*, qui-  
 bus alii fere solent. Non *natalibus*, quum ne ipse pa-  
 trem norim; quod quidem ad *gloriam* meam dixerim;  
 non *forma*, quum *larvalem* faciem omnes exhorruer-  
 int: non *literis*, quas nunquam artigit: non *corporis*  
 viribus, quod mihi tale contigit quale superius descrip-  
 si: non *atatis* favore, senex hæc gessi: non *aura popu-  
 lari* velificationem faciens, nam nemo non oderat:  
 non mea denique *clementia* aliorum *gratiam* concil-  
 lians, nempe qui adeo fuerim *inexorabilis*, ut in eos  
 quoque *sevierim*, quibus alii solent omnia *permittere*.  
 PE. Quid hoc rei est? GE. hoc, tamen si *durum*  
 videtur, *molle* quiddam est. JUL. Sed reluctante  
 fortuna, ætate, corpore, breviter *diis* atque *hominibus*,  
 solo tamen *animo* fretus meo, & *pecuniis*, hæc  
 tanta paucis annis gessi: tanta relicta materia poste-  
 ris, ut sit quod agant illi in decimum annum. Hæc  
 de meipso *verissime* dixi, quæ si quis eorum, qui Ro-  
 mæ solent apud me *dicere*, suis *phaleris* exornasset,  
*Deum* audires, non *hominem*. PE. *Invidissime* bel-  
 lator, quoniam mihi nova & inaudita sunt omnia  
 quæ narras; quæso veniam hanc meo des vel *stupori*,  
 vel *imperitiæ*: ne molestum sit crassius de singulis  
 percunctanti respondere. Qui sunt isti *candidi*, *co-  
 matulique*? JUL. Hos quidem *anini* causa ale-  
 bam. PE. Qui *nigri* isti & *cicatricosi*? JUL. Mi-



*lites* sunt ac *duces*, qui *mea* & *ecclesiae* causa fortiter in bello mortem oppetierunt, partim in expugnanda *Bononia*, complures in pælio adversus *Venetos*, plerique apud *Kavennam*: quibus omnibus vel ex pælio deberetur *Cælum*: si quidem jampridem magnis *bullis* sum pollicitus, recta in cælum evoluturos quicumque *Fulii* auspiciis pugnarent, etiam *quæcunque* vita præcessisset. PE. Proinde quantum conjectura consequor, ex istis erant qui mihi sæpius ante tuum adventum *molesti* fuerunt: dum huc tantum non *vi* conarentur irumpere) *plumbeas* quasdam *bullas* ostentantes. JUL. Ergo non *admisisti*, quantum audio. PE. Ego ne? ne unum quidem *istius* sane generis. Nam ita me docuit Christus, has fores aperiendas non his, qui *plumbo* graves huc adducunt *bullas*, sed qui nudos *vestierunt*, esurientes *paverunt*, sitientibus *potum* dederunt, captivos *inviserunt*, peregrinos *collegerunt*: Etenim si eos quoque voluit excludi, qui in nomine suo prophetarint, qui *daemonia* ejecerint, qui *signa* fecerint, tu censes admittendos, qui tantummodo huc afferunt *bullam*, *Fulii* nomine? JUL. Quod si scissem? PE. Intellico, si quis ab inferis reversus, ea tibi nunciasset, *bellum* indixisses etiam mihi. JUL. Quin & *excommunicassem*. PE. Sed perge, cur *armatus* ipse? JUL. Quasi nescias summo pontifici *utrumque* esse *gladium*, aut nisi velis bellare *nudum*. PE. Sane cum istum tenerem locum, nullum novi *gladium*, nisi *gladium spiritus*, quod est *verbum Dei*. JUL. At non idem prædicat *Malchus*, cujus auriculam absque *gladio* amputalli credo. PE. Memini, & agnosco; sed tunc pro magistro *Christo* pugnabam, non pro *meipso*, pro *vita domini*, non pro *nummis*, aut ditione *seculari*: & pugnabam nondum pontifex, *promissis* dumtaxat *claribus*, nondum *acceptis*, nondum *accepto spiritu sancto*: Et tamen jussus sum recondere, ut palam admonerer, hoc pugnae genus non convenire *Sacerdotibus*, imo ne *Christianis* quidem: verum hæc alias. Cur tam accurate te *Ligurem* esse prædicas? quasi quicquam hoc ad *Christi vicarium* pertineat qua *gente* sit oriundus. JUL. Imo summam existimo pietatem *gentem* meam nobi-

*titare* : proinde *titulum* hunc, numismatis, statuis fornicibus, ac parietibus omnibus *inscribo*. PE. Ergo *patriam* novit, qui *patrem* non novit? At ego initio *putabam* te de *caelesti* Hierusa em credentium *patria* loqui. deque illius unico *principe*, cuius optant illi *sandificari*, hoc est, *illustrari, nomen*. Sed cur addis, *Sixti* ex *torore nepotem*, quem quidem hominem demiror nunquam huc accessisse : prae enim cum & *jummus* fuerit *Pontifex*, & tibi tanto *dici cognatus*. Quare dic obsecro, quid hominis fuit? sacerdos ne? JUL. Imo *miles* egregius, tum *eximia* religionis, nempe *Fransiscana*. PE. Equidem *Franciscum* vidi quondam virum inter laicos *optimum*, opum, voluptatis, ambitionis summam *contentorem*. An *pauperculus* ille tales nunc habet *arripe*? JUL. Tu quantum video, nolis quemquam ad *meliora* proficere. *pauper* erat & *Benedictus*, cum hujus *poteri* nunc adeo *divites* sint, ut nos etiam illis *invidemus*. PE. Princeps, sed ad rem redito, de *Sixti nepote*. JUL. Consulto id facio; nimirum ut ob urem os illis, qui me ex illo *prognatum* affirmant, nimium *libere*. PE. Libere, seu num & *vere*? JUL. Atqui non est istud *pontificia* dignitate, cujus ubique habenda est ratio. PE. At ipsa sui rationem ira demum rectissime mihi videtur habitura, si nihil admittat quod jure possit opprobriari. Sed obtestor per *pontificiam majestatem*, dic mihi bona fide, est ne ista jam via *vulgaris*, ac *solennis* ad summum *pontificium* perveniendi, quam modo deprecabas? JUL. Aliquot jam seculis haud fuit alia, nisi forte qui mihi successurus est, alia creabitur via. Nam ipse summum affecutus *pontificium*, statim edita formidabili *bullâ* cavi, ne quis simi ratione ad eum honorem penetraret, eam bulam & paulo ante mortem renovavi: quantum sit valitura, viderint alii. PE. Opinor neminem rectius id malum describere potuisse: sed illud miror quemquam inveniri qui *munus* hoc velit *suscipere*, praesertim quum tot *occupationibus* sit (audio) obnoxium. & tanto *negotio* ad id sit eluctandum. Nam me *pontifice* vix quisquam vi poterat adigi, ut *presbyteri*, aut *diaconi* susciperet honorem. JUL. Neque mirum adeo: nam illis temporibus *census* episcopo:

rum & *præmium* nihil aliud erat, quam lobores, vigiliæ, jejunia, doctrina, sæpenumero mors: nunc *regnum* est ac *Tyrannis*, & quis pro *regno*, si *spes* sit, non *dimicet*? PE. Sed age, quid *Bononia*, num à *fide* deciverat, ut fuerit *sedes Romana* restituenda? JUL. Bona verba, non hoc agebatur. PE. Fortasse *Bentivolo* male administrante, *marcebat* resp. JUL. Imo maxime *florebat* ea civitas, multis ædificiis aucta & illustrata, & eam ob rem impensius *inviabam*. PE. Intelligo: præter *jus* igitur *invaserat*? JUL. Ne hoc quid m. ex *pacto* possidebat. PE. Cives ergo non *reverebantur* eum principem? JUL. Imo *mordicus* illum tenebant: me *aversabantur* fere universi. PE. Quid igitur causæ? JUL. Nempe quod ille sic administrabat, ut ex immensa *pecunia* quam à civibus colligebat, vix *paucula milia* ad nostrum redirent *essent*. Præterea sic expediebat, ad id, quod tum temporis agitabam animo. Itaque *Gallus* operam navantibus, & nonnullis meo *fulmine* territis; profligato *Bentivolo*, Cardinales & Episcopus *urbi* præfeci, ut nulla pars emolumentorum non rediret ad usum *ecclesie Romanae*. Ad hæc, *titulus* & imperii *dignitas* antè penes illum esse videbatur: nunc undique nostræ *visuntur* *signa*, nostri leguntur *tituli*, nostra adornantur *trophæa*: jam passim & *Julius* *saxcus* stat & *ancus*. Denique si spectasses, quam regali triumpho *Bononiam* sim ingressus, fortasse contemneres omnes *Octavium*, ac *Scipionum* triumphos; & intelligeres me non absque causa tam strenue pro *Bononia* dimicasse, vereque spectasses eodem tempore, *militantem* & *triumphantem* Ecclesiam. PE. Ergo te regnante, quantum intelligo contigit illud, quod orare nos jussit Christus, *Adveniat regnum tuum*. Jam vero *Veneti* quid admiserant? JUL. Primum *Græcissabant*, ac me propemodum pro *delectamento* habebant, nihil non convitiis in me jacentes. PE. *Verorum*, an *falsorum*? JUL. Quid refert? *sacrilegium* est de Ro. Pontifice, vel *mutare*, nisi in *laudem*. Denique *sacerdotia* suo conferebant arbitrari: nullas *lites* huc transferri patiebantur: nullas *commercabantur dispensationes*. Quid multis opus est?

intolerabili jactura Romanam sedem affligebant, quippe qui non exiguam insuper *patrimonii* tui partem occuparent.

PE. *Mei* patrimonii? Quod, obsecro, mihi narras *patrimonium*? qui relictis omnibus, *nudum* Christum *nudus* sum secutus. JUL. Aliquot inquam *oppida* sedi Romanæ debita, sic enim *peculiarem* illam possessionum suarum *partem* sanctissimis patribus placuit appellare. PE. Mea quidem *infamia* probe vestris *lucris* consuliçis. Hanc igitur appellas jacturam intolerabilem?

JUL. Quid ni? PE. Verum erant *corrupti* mores, *refruxerat* pietas? JUL. Apage, de *nugis* agis: imo detrahebantur nobis *infinita* ducatorum *millia*, quot vel *legioni* militum alendæ sufficiunt. PE. Magna sanè jactura *fœneratori*. At Ferrariensis ille, quid tandem designarat?

JUL. Quid ille? homo omnium hominum ingratus? Hunc honorem habuerat *illi* Christi vicarius *Alexander*, ut alteram filiam illi daret uxorem: addidit *dotis* nomine luculentissimam *ditionem*, homini aliqui ignavotamen immemor tantæ humanitatis, semper oblatrabat mihi *Simmacum Paderastem* *Vestigalia* nonnulla vendicabat, non illa quidem *maxima*, sed tamen haud quaquam aspernanda *diligenti* Pastori. GEN. Imo *Negotiatori*. JUL. Ad hæc; quod veriùs ad rem pertinet, expediebat & hoc ad id quod parabam; Hoc imæerii *nostra* *ditioni* copulari, propter *fitus* opportunitatem: proinde conatus sum, hoc deturbaro, *ditionem* eam meo *cognato* conferre, viro *strenuo*, & quidvis pro *dignitate* ecclesiæ ausuro: ut qui nuper suapte manu *Cardinalem Papiensem* in meam gratiam confoderit. Nam filix maritus sua sorte contentus est. PE. Quid audio? *uxores* & *liberos* habent summi *Pontifices*? JUL. *Suas* quidem *uxores* non habent, *liberos* autem habere, quid monstri est, cum sint *viri*, non *eunuchi*? PE. Sed quæ tandem res excitarat *schismaticum* illud *conciliabulum*? JUL. perlongum fuerit remâ prima repetere origine; dicam summatim. Jam, quosdam rædere cæperat *Romana curia*: Aiebant, turpi *qnastu*, prodigiosis ac nefandis *libidinibus*, *veneficiis*

*fictis, sacrilegiis, cædibus, simoniacis nundinis, undique inquinata esse omnia. Meipsum aiebant simoniacum, te nulentum, spurcum, mundano rurgidum spiritu, ac modis omnibus eum qui locum indignus, cum summa reipublicæ Christianæ perniciæ, occuparem: itaque generali Concilio succurrendum esse rebus iam afflictis. Aiebant adjuratum me, ut post acceptum honorem, intra biennium generale Concilium indicerem: hac lege creatum pontificem. PE. Atque id vere dictum? JUL. Imo facinus: At ipse me ab eo jurejurando, quum visum est, absolvo. Quis autem dubitet, vel quidvis dejerere, cum de Regno agitur? In aliis commendanda pietas, ut eleganter ille dixit Fulius, alter ego. Sed audaciam hominum specta. vide quorum evadant. Desciscunt Cardinales novem, denuntiant mihi Concilium, in-  
vitant, orant, ut presideam. Quum non imperrant, indicunt universis, autore Maximiliano tanquam Imperatore ( quod historię testentur, olim ab Imperatoribus Romanis Concilium indici solere ) autore item Gallorum rege Ludovico, ejus nominis duodecimo. Horresco referens, ac tunicam illam Christi inconfertilem conantur discindere, quam ii quoque reliquerunt integram, qui crucifixerant. PE. sed eras istiusmodi qualis illi prædicabant. JUL. Quid ad rem? summus eram pontifex, finge me vel Cercopibus scelerariorem, vel Morgcho stultiorem, vel indoctiorem stipite, spurciorem lerna. quisquis hanc renet potentia clavem, eum decet, ut Christi vicarium revereri, ut sanctissimum suscipere, PE. Etiam aperte malum?*

JUL. Vel apertissime. Quare non ferendum, ut qui Dei vicem agit in terris, omnino Deum quendam inter homines præstat, à quo piam benedictione reprehendatur, aut convitiis violetur, PE. Atqui re-  
clamat sensus communis, ut bene sentiamus de eo, quem patiam scelerosum cernimus: aut bene loquamur de eo, de quo male sentimus. JUL. Cogitet quisque quod vult, modo bene loquatur, aut certe fileat. reprehendi non potest Rō Pontifex, nec à Concilio generali. PE. Unum hoc scio; qui Christi vicem sustinet in terris, debere quam potest illi simillimum esse, atque ita vitam omnem peragere, ne  
quid

quid in eo possit *reprehendi*, neve quiquam *merito* de illo male *loqui* queat. Male vero cum pontificibus agitur, si ut bene de se loquantur homines, *minis* extorquent potius, quam *benefactis* impetrant; quos nisi *mentiendo* laudare non possis, quorum *summa* gloria sit, hominum male sentientium *coactum* silentium, Verum illud mihi responde. Nulla ratione *po* est *amoveri* scelerotus ac pestilens Pontifex?

JUL. Ridiculum, à quo *amoveretur* qui *summus* est? PE. Atqui ob istud *issum* maxime debebat *amoveri*, quia *summus*. Nam quo *major*, modo *malus* etiam, eo *perniciosior*. Quin tu *Feliciores* multo nobis, Juli, *predicas*, quam *Christus* unquam constituit, *Summum Pontificem*; ita totum in cogitando se *summum*, ut se *Pontificem* esse minus sit memor; imo reapse *pestimum* esse, *pestimumque impune* sibi licere existimantem, quia titulo *Maximum*: Pontificem ita *titulo* tenus *summum*, *maximūque*, ut in Reges *vere* *summos*, *maximosque* sub *Deo* Imperatores, *maximum*, *summūque* *Fui* (*Summa* laud absque *Injuria*) sibi vendicandum sentit, ac si *precario* plane regnantes, *Vicariamque* merè potestatem *emenuto* huic *Christi* in terris *Vicario* acceptam ferentes: Jus primum *Sacris*, dein & *Solis* arcendi: Jus in *fidelitate* ac *obedientia* ( ipso mandante Deo & *bita* ) illis *prestanda*, cum subditis *dispensandi*: Jus denique adversum illos in rebus *levisculis* ( fortean & *impiis* ) Pontifici minus *morem* gerentes; non tam *spiritualem* ad vitam *emendandam*, quàm & ad *tolendam* *temporalem* *gladium* stringendi. *Issum* interea *summum* Pontificem ( Jura licet omnia non *humana* modo, sed & *divina* nefario violantem, *cælumque* ( quod ajunt ) *terra*, genus omne sceleribus, mirerrime *miscentem* ) nempe *quia* *summum*, hoc vel ( quod dici fortassis mallet ) *sede* movendi *mortalium* nullis ( ne omnibus quidem *Regibus* una ac *Imperatoribus* ) *jus* concedendum *arbitraris*. Feliciter sane, Juli, admodum cessit *mortem* unicam hoc in te *juri* habuisse, ( & ab hac etià *tyrannice* nimis tecum forsitan *actū* causis ) quod *mortalibus* ad urū omnibus *mordicus* pernegalla. Itene vero à *Christo* comparatum est? Siccine pro-

spexisse censendus est *Ecclesiæ* commodis, ut hujus *vita*, *salusque* in sola istiusmodi Pontificis morte rependa sit? JUL. At si corrigendus est Ro. Pontifex, per *Concilium* corrigatur oportet. Porro nullum *Concilium* cogi potest invito Pontifice: alioqui *Conciliabulum* fit, non *Concilium*. Quod si maximè cogatur; nec *Statui* quicquam potest refragante Pontifice. Denique restat extremum præsidium; *absoluta* potestas, qua longe jam superior est unus Pontifex universo *Concilio*. Cæterum *submoveri* sacerdotio non potest ob quodvis crimen. PE. Non. Non ob *homicidium*?

JUL. Nec ob *paricidium*. PE. Non ob *fornicationem*? JUL. Bona verba; imo ne ob *incestum* quidem. PE. Non ob *simoniacam* impietatem? JUL. Non vel ob *sexcentas*. PE. Non ob *veneficium*? JUL. Ne ob *sacrilegium* quidem. PE. Non ob *blasphemiam*? JUL. Non inquam. PE. Non ob hæc omnia simul in unâ ceu *lernam* conflata? JUL. Adde si libet *sexcenta* flagitiorum nomina, his quoque *fædiora*, non potest tamen Ro. Pontifex ob ista *submoveri* loco.

PE. Per quam honorifice equidem ( supra *Reges* nempe omnes ac *Imperatores* ) de *Concilio* sentire videris, at *videris* tantum Juli; *Concilium*, sci' male habenti *Ecclesiæ* corpori Medicorum quasi *Collegium*, sanando antiquitus constitutum haud invitus probas; at nunc dierum huicce unquam convocandum usui vix, aut ne vix quidem eo adduci potes, ut sustineas: *Caput* autem ( sic audire tibi volupe est ) quod spectat ipsum, licet haud male sanum modo, verum adeo prorsus *insanum* etiam *Caput*, ut *Communis* *Ecclesiæ* morbus, *Pestis*que merito habendum sit, *Vesani* tamen istiusmodi *Caput* quorum tandem cunque teneatur reatu *Criminum*, pro merito vel *amputandi*, vel dum *amovendi*, *Anticyrasque* *ablegandi*, concilio, vel *Oecumenico*, tanquam *Ecclesiæ* ( ut loquimini ) *Representativa* nihil quicquam *Potestatis* ullatenus permittendum censes. JUL. Quidam ob *unum* quiddam duntaxat *amoveri*, posse dicunt. PE. Ob quod obsecro *benefactum*, quandoquidem ob *malefactum*



*lesata* non potest, si ob *hac*, quæ dixi, non potest. JUL. Ob crimen *hæreseos*, at ita demum, si publice sit convictus. Verum id quoque *frivolum* est, neque vel tantillum officit Pontificiæ majestati. Primum in manu est, *Legem* ipsam abrogare, si minus placeat. Deinde quis *ausit* summum Pontificem in crimen *vocare*; præsertim tot armatum *præsidiis*? Ad hæc; si forte prematur Concilio, facilis est *pallimodia*, si inficiari non liceat: Postremo mille sunt *cuniculi*, quibus facile possit *elabi*: ni prorsus *stipes* sit, non *homo*. PE. Sed dic mihi per Pontificiam *potestatem*, quis *leges* istas tam præclaras condidit. JUL. Quis alius nisi *fontis* legum omnium. Ro. Pontifex? Atqui *ejusdem* est *legem* abrogare, interpretari, dilatare, altringere, utcumque visum est suis expedire *commodis*. PE. Felicem profecto Pontificem, si *legem* ferre possit, qua *Christum* etiam eludat; nedum *Concilium*: quanquam adversus hujusmodi Pontificem, cujusmodi tu modo descripsisti, palam scelerosum, remulentum, homicidam, simoniacum, venificum, perjurum, rapacem, portentosis libidinum generibus undique confurcatum, idque *propalam*, non tam optandum generale *Concilium*, quam ut *Plæbs* armata *saxis*, ut publicam orbis *pæstem*, publicius tollat è medio. Verum age, dic mihi, quid est causæ cur Ro. Pontifex tantoperè horreat generale *Concilium*? JUL. Nempe quod turba tot *excellentium* virorum, non nihil obscuretur Pontificia dignitas. Qui *dicti* sunt, iis *literæ* fiduciam & audaciam adducunt: qui *boni*, conscientia freti, liberius loquuntur, quam nobis expediat: qui *dignitate* præditi, *authoritate* utuntur sua. Accedunt inter hos nonnulli, qui noli & invident *gloria*, & hunc animum secum afferunt, ut minuant Pontificis & *opes*, & *authoritatem*. Denique nullus hic assidet, quin sibi putet aliquid adversus Pontificem licere *Concilii* titulo, nimirum *alias* invictum. Proinde vix ullum *Concilium* tam feliciter cessit, ut *summus* ille Pontifex non aliquam *majestatis* suæ jacturam senserit, minusque *summus* discesserit. Cujus rei vel ipse testis esse potes, nisi prorsus ex-

cidis.

cidit. Nam quamquam certamen quidem de rebus *leviculis* agebatur, non de *Imperiis & Regiis* censibus, ut nunc; tamen *Jacobus* ausus est *tuae* orationi nonnihil de *suo* adjicere: Etenim quum tu Gentiles onere *Mosaica* legis in totum liberasses, *Jacobus* succedens, fornicationem excepit, & sanguinem, & idololatriam, veluti corrigens tuam *sententiam*: ut hodieque fiat, qui hac re commoti, non tibi, sed *Jacobo* putent fuisse *summi* Pontificis *authoritatem*. PE. Unum igitur illud spectandum existimas, ut *salva* sit *summi* pontificis *majestas*, ac non magis *publica* utilitas reip *Christiana*? JUL. Ad *suum* quisque commodum spectat; nos *nostrum* agimus negotium.

PE. Atqui si *Christus* *idem* fecisset, jam nec esset *Ecclesia*, capus te *Monarcham* esse jactitas; & non video qui conveniat, ut qui *Christi* *vicarius* appellari gaudeat, *Christo* *diversa* sequatur. sed illud jam expedi, quam arte *schismaticum* illud, uti tu vocas, *Concilium* discefferis? JUL. Dicam equidem, assequere, si pote. Primum *Imperatorem Maximilianum*, sic enim *vocant*) ut est unus enim iam minime dissolvis, tamen si per solennes nuncios *Concilium* indixerat; tamen, non dicendi modis, ab instituto subduxi. Preterea *Cardinalibus* a ignot *arte* simili persuasi, ut quod publicatis jam *instrumentis* statuerant, rursus accitis *Notariis* ac *testibus*, negunt. PE. An istud licet? JUL. Quid ni liceat? approbante *summo* Pontifice? Qui si volet, *jussurandum*, *jussurandum* non est: ut à quo passim quos vult liberat. Sed tamen, ut ingenue dicam, erat id quidem *paulo impudentius*: verum non patibat via *commodior*: Deinde quum videbam futurum, ut apud nonnullos invidia *Concilii* premeret, maxime quod sic esset *indidem*, ut ipse non excluderet, sed *appliciter* invitaret, rogaretque *praesidere*; vide quam jam *technam* repperim, superiorum securus exemplum. Ipse vicissim ad *Concilium* protocavi: causans nec *tempus*, nec *locum* satis esse idoneum, quem illi praestituissent. *Roma* subito *Concilium* indixi, quo neminem venturum arbitror *Julio* non amicum, aut certe non obsecunda-

tutum; Sic etiam eos multis exemplis docueram. Ac potius in hunc usum complures *Cardinales* creavi meis institutis accommodos. GE. Hoc est, facinorosissimos, JUL. Rursum hoc *Concilium* nili *indixissem*, *Concilium* non fuisset: & tamen haud quaquam expediebat rebus meis tantam *Episcoporum* & *Abbatum* turbam huc confluere, inter quos fieri non potest quin aliquot *probi pique* fuerint futuri. Itaque monui, ut *summis* parcerent: singulæ regiones *unum*, aut *alterum* duntaxat mitterent. Deinde cum ne hoc quidem satis *tutum* viderem & *paucos* ex tot provinciis ad *magnum* redituros numerum: denuo illis jam ad iter accinctis denunciavi, ne venirent; *Concilium* in aliud tempus *prorogandum*: commentus ad id *causas* uicunque *probabiles*. Atque iis *artibus* exclusis universis, rursum *antevertens*, quem *Præscripseram*, *diem*, *Romæ* *Concilium* institui, cum iis duntaxat, quos ad id paraveram: Inter quos etiam *quidam* futuri essent, qui *disentirent* à me, tamen illud certum habebam, *Julio* neminem refragaturum; tantò armis, & satellitibus, *superiori*. Jam, ad hunc modum ingenrè invidiâ movi *Gallicano* illi *Concilio*, dimissis quoquo versû literis, in quibus de nostro *Sacro* *santo* *Concilio* faciebâ mentionem; *Concilium* illorû execrans, *conventiculum* Saranæ, *Conciliabulum* Diaboli, schismaticam *conspirationem* subinde nominans. PET. Oportet sceleratissimos fuisse *Cardinales*, authores & principes *Concili*. JUL. De moribus nihil queror, sed *caput* hujus negotii fuit *Episcopus Rothomagensis*, qui nescio qua *santimonia* semper huc spectavit, ut *Ecclesiam* redderet *emendatiorem*, idque fecit locis aliquot. Hunc mors eripuit mihi, tum rem faciens omnium gratissimam. Successit huic *Gardinalis*, titulo *Sanctæ Crucis*, Hispanns viræ, quidem *inculpatæ*, sed *rigidus* senex, ac *Theologus*. Quod quidem genus hominum ferme solet esse infestum *Romæ* *Pontificibus*. PE. Atqui homo *Theologus* nihil habebat, quod suo facto probabiliter obtexeret? JUL. Permulta. Aiebat nulla fuisse tempora *inquietiora*, quam *tum* erant, nunquam *Ecclesiæ* *morbos* magis in-

*tolerando*, itaque generali Concilio succurrendum. Me, cum ad *junimum Pontificium* admitterer, *Sacramentis* adactum, ut *secundo* ab inito pontificatus anno Concilium indicere, & ita adactum, ut ne à *Cardinalium* confessu possem absolvi. Deinde sæpius à fratribus meis *Cardinalibus*, admonitum, rogatum, interpellatum à *Principibus*, quodvis potius quam hoc, in aurem admisisse: ita ut palam appareret, Julio vivo, nanquam futurum Concilium. Citabant exempla superiorum Conciliorum, citabant *leges* aliquot pontificias, quibus ostendebant, Me, cum meis, *detrectante* Concilium, ad se jus indicendi devolutum. Cæteris item principibus conniventibus, indicendi munus ad Imperatorem Ro: qui olim solus indicerebat, & ad Gallorum regem, qui præcipuus esset, pertinere. PE. Num igitur in te nefanda dicta scribebant?

JUL. Imo *furciferi* plus hic sapiebant quam volebam. Rem odiosissimam mira modestia tractabant, & non solum temperabant à maledictis, sed me nunquam nisi cum *honoris* præfatione nominabant, rogantes, & obsecrantes per omnia *sacra*, *piæque*, ut quod me *dignum* erat, quodque *jurejurando* pollicitus essem, Concilio indicto *presiderem*; pariterque secum *sanandis* Ecclesie malis operam commodarem. Nec dici potest, quantum hæc *temperantia* mihi constarit *invidia*, præsertim cum omnia sua *sacris literis* condirent; nam apparet *eruditos* aliquot ad id adhibitos. Addebant interim jejuniâ, orationes, miram vitam frugalitatem, ut magis etiam me premerent opinione *sancitatis*.

PE. Tu contra, quo titulo Concilium indixeras?

JUL. Longe *splendidissimo*: obtendebam mihi in animo esse primum corrigere caput Ecclesie, hoc est meipsum; Deinde Principes Christianos, postremum Plebem universam.

PE. Bellam audio comædiam, sed jam expecto *castraphen*. Juvat audire, quid Theologi illi in *Satanae* Conciliabulo statuerint.

JUL. Indigna, abominanda, *refugit* animus commemorare.

PE

PE. Obsero tam nefanda?

JUL. Prorsus impia, sacrilega, plusquam hæretica, quibus nisi *manibus & pedibus* obstitissem imo *armis* pariter, atque *ingenio*, actum fuisset de *dignitate* Ecclesiæ Christianæ.

PE. Tanto magis expecto, quæ sint ista.

JUL. Ah! horresco referens. Id agebant scelesti, ut *Ecclesiam* tot opibus ac tanta *ditione* florentem, ad veteres illas *sordes*, ac miseram *frugalitatem* revocarent, ut *Cardinales* qui nunc vitæ *strepitu*, quosvis antecellunt *tyrannos*, ad *paupertatem* redigerentur: ut *Episcopi* multo *contractius* viverent, minus *satellitum*, minus alerent *equorum*. Decreverant, ne passim *Cardinales* absorberent *Episcopatus*, *Abbatias*, *Sacerdotia*, ne quis unus plures *Episcopatus* amplecteretur. Istos qui per fas (ut agebant) nefasque sexcenta, si possint, cumulant *Sacerdotia*, coercendos censebant, ut his essent contenti: Ne quisquā crearetur *summus Pontifex*, aut *Episcopus*, aut *Sacerdos* interventu *numinorum*, aut respectu *favoris*, aut turpis *obsequii*, sed duntaxat ex vitæ *meritis*. Quod si compertum esset, illico *submoveretur*: ut liceret *Rom. Pontificem*, palam *facinosum*, ab *honore* depellere: ut *Episcopi* scortatores, & temulenti privarentur *administratione*, ut *Sacerdotes* palam *facinosi*, non solum *sacerdotio* submoverentur, verum *membro* corporis mutilarentur; aliaque id genus permulta, nam omnia referre piger. Quæ prorsus eo tendebant, ut nos *onerarent* sanctimonia; divitiis & imperio *spoliarent*.

PE. Quid igitur contra hæc statuebatur in illo *Sacro sancto* concilio Romano?

JUL. Jam mihi videris oblitus id quod dixi; me nihil aliud agere voluisse *Concilii* prætextu, nisi ut clavum clavo pellerem. *Primus* ille *Conventus* consumptis solennibus quibusdam *ceremoniis*, quas ex autoritate adhuc utcunque placet observare, etiamsi nihil ad rem pertinent, peracta *sacra* duo: alterum de *Sancta Cruce*, alterum de *S.*

*Spiritu*, tanquam hujus *afflatu* res ageretur; Deinde recitata *oratio* plena *laudum* mearum; proximo confesso, quanta vi potui, contorſi *fulmen* in *ſchismaticos* illos *Cardinales*, plusquam *impium*, plusquam *Sacrilegum*, plusquam *hæreticum* pronuncians, quicquid illud eſſet, quod aut jam *ſtatuiffent*, aut *ſtatueret* pararent. PE. Itaque ſi forſan pœnitentia ducti ſtatuiffent te *bonum* & *præclarum* eſſe pontificem, hocci ne etiam plusquam *impium* & *hæreticum* fuiſſet?

JUL. Omnino; quia nulla aut *authoritate* aut *ratione* fultum. GE. Nihil verius. JUL. Quid enim illorum interſuit ſtatueret, *qualis* eſſet *Pontifex Romanus*? Sed progredior. Tertio confesso eodem *fulmine* terrui *Galliam*, nundinis à *Lugduno* tranſlatis, & quibusdam *Galliæ* *partibus* nominatim exceptis, quô magis alienarem à rege *plebis* amimos, & aliquam inter ipſos *ſeditionem* excitarem. Acque hæc ſtatim *Acta*, quo plus haberet *authoritatis*, *bullis* prodita ad omnes miſi *principes*: præſertim ad hos, quos videbam in noſtram *ſactionem* eſſe propenſiores. PE. At præterea nihil actum? JUL. Id actum eſt quod volebam: *vici*, ſi modo noſtra valebunt *Decreta*. Tres illos *Cardinales* qui perſiſterunt in *captis Cardinaliſſis* dignitate publicis *ceremoniis* privavi, *sacerdotiorum* *census* *aliis* contuli, ne facile poſſent reſtitui, ipſos tradidi *Satanæ*, libentius tamen *ignibus* traditurus, ſi in manus meas incidiffent. PE. Attamen ſi vera narras, non paulo *ſanctiora* videntur illius *ſchismatici conciliabuli* decreta, quam tui *ſacroſancti concilii*; unde nihil adhuc video prodiſſe, niſi *minas tyrannicas*, execrationes, & *aſtu* mixtam *crudelitatem*. Si *Satanas* fuit illius *author* *Conciliabuli*; propius videtur ad *Chriſtum* accedete, quam *ſpiritus* ille neſcio quis, qui modo veſtrum moderatus eſt *Concilium*. JUL. Quin tu quid loqueris etiam atque etiã vide. Nam omnibus *bullis* meis execratus ſum omnes, quicumque illi *conciliabulo* quocunque modo *faverint*.

PE. Miſer ut adhuc *veterem* illum ſpiras *Fulium*! Sed quis tandem hujus *exitus* negotii? JUL. Hoc equi-

equidem in statu reliqui, quorsum evasurum, videri fortuna. PE. Nimirum *schisma* manet. JUL. Manet, & quidem *periculo fissimum*. PE. Et tu quidem Christi vicarius *schisma* maluisti, quam *verum Concilium*?

JUL. Vel trecenta *schismata* potius, quam me velim in *ordinem* cogi, & ad totius *vita* reddendam *rationem* adigi. PET. Ita tibi conscius JUL? Quid id tua? PE. Intelligo: Non expediebat eam commoveri *camerinam*, sed penes utros erit victoria?

JUL. Istud *fortuna* est in manu. Quanquam a nobis plus est *pecuniarum*. Gallus exhaustus est diutinis jam bellis. Anglus auri montes habet intactos adhuc, Illud indubitato possum vaticinari; si Gallus vicerit, id quod abominor, *vertentur* rerum nomina, *sacro-sanctum* illud Concilium, *Sathana* conciliabulum erit; Ego *idolum* pontificis, non *Pontifex*: penes illos *Spiritus sanctus* erit, nos spiritu *Sathana* fecimus omnia. Verum mihi ingens *fiducia* est in relictis *pecuniis*, ne hæc fiant. PE. At quid rei tandem incidit adversus Gallos, & horum *Regem*? quem vestri majores *Christianissimi* titulo decorarunt, præsertim cum illorum *præfiliis* fatearis & *vixisse* te, & ad istam plusquam *imperiale* coronam evectum. Denique *Bononiam*, & reliquas *urbes* recepisse, domuisse *Venetos* omnibus invictos. Quomodo tot, *tâ recentium* meritorum abolira memoria? Quomodo tot *deicissa fœdera*? JUL. Istam explicare *fabulam* perlongum fuerit. Verâ ut summatim dicam, nihil a me *novatum* est, sed quod jam olim animo parturieram, tum parere *capit*: quod antea, rebus ita poscentibus, *dissimulavam*. tunc *aperui*. Gallis nunquam ex animo *bene volui*; hæc tibi de *Tripode* dictum putas; Nec ullus *Italus* ex animo bene vult *Barbaris*, non Hercule magis, quam *lupus agnis*. Sed ego non *Italus* modo, verum *erim* *Genuens*, tantisper illis utebar *amicis*, dum opus esset illorum *ministerio*. Quandoquidem hactenus utendum est opera *Barbarorum*, Interea multa *tuli*, multa *dissimulavi*, multa *finxi*: Denique nihil non & *feci*: & *passus* sum. Verum ubi jam *Res* in eam



( 22 )  
propemodum locum deductæ sunt, inquem volebam,  
supererat ut vere *Julium* agerem; totamque illam  
*Barbarorum* faciem Italia submoverem. PE. Cujus-  
modi belluæ sunt isti, quos vocas *Barbaros*? JUL.  
*Homines* sunt. PE. *Homines* igitur, at non *Christi-*  
*tiani*? JUL. Et *Christiani*, sed quid hoc ad rem perti-  
net? PE. Ergo *Christiani* quidem, sed absque *litteris*,  
agrestem degentes vitam? JUL. Imo rebus istis  
maxime *florent* illi: quin insuper, id quod illis impri-  
mis invidemus, *opibus*. PE. Quid igitur sibi vult  
*Barbari* cognomen? Quid *mussas*? GE. Dicam hu-  
jus vice. *Itali* cum sint ex omni *barbarissimarum*  
*Nationum colluvie* conflati, confusique, non aliter  
quam *sentina* quædam; tamen è *Gentilium litteris*,  
hanc imbiberunt insaniam, ut extra *Italiam* natos  
*Barbaros* appellent, Quod quidem *Cognominis*, apud  
illos contumeliosius est, quam si *parricidam* dicas,  
aut *sacrilegum*. PE. Ità viderur. Atqui cum pro  
omnibus hominibus mortuus sit *Christus*, nec apud  
illum sit ullius personæ *respectus*; cumque tu *Christi*  
*vicarium* profiteris, cur non omnes complecteris  
eodem animo, quos non *discrevit* ipse *Christus*? JUL.  
Equidem & *Indos*, & *Afros*, & *Æthiopes*, & *Gracos*  
complecti cupiam, si modo *numerent*, & *Principem*  
agnoscant *vestigalibus*. Verum hos omnes recidimus;  
& proxime *Gracos*, quod homines nimium *tenaces*,  
parum agnoscerent *Romani Pontificis majestatem*.  
PE. Ergo *Romana* sedes totius orbis veluti *horreum*  
est? JUL. Magnum vero, si omnium *metamus*  
*caralia*, cum omnibus nostra *spiritualia* seminemus?  
PE. Quæ narras *spiritualia*? Nam adhuc quidem  
præter *mundana* nihil audiō. Fortasse *doctrina* sacra  
trahis ad *Christum*. JUL. Sunt qui *concionentur* si ve-  
lint, nec eos *prohibemus*, modo ne quid dicant adver-  
sus *Majestatem* nostram. PE. Quid igitur? JUL.  
Quid igitur? Cur *Regibus* datur quicquid exegerint?  
nisi quia his *acceptum* referunt singuli, quicquid *possi-*  
*dent*, etiamsi nihil ab illis *acceperint*. Ita quicquid  
est *sacri* uspiam, nobis imputandum est, etiamsi totam  
*stertamus* vitam: Quanquam præter ista largissime do-  
namus

namus *indulgentias* exigua pecuniola, *dispensamus* in rebus gravissimis non *maxima* summa, passim omnibus obviis *benedicimus*, idque *gratis*. PE. Equidem nihil horum inteligō. Sed redi ad id quod institutum erat: quam ob rem tua sanctissima *majestas* tantopere *Barbaros* horreat, ut cælum terræ miscendum duxeris, quo illos ab *Italia* depelleres. JUL. Dicam: *supersticiosius* est cum omni *Barbarorum* genus, tum præcipue *Gallorum*, Nam cum *Hispanis* non pessime nobis convenit, siue *linguam* spectes, siue *mores*: Quamquam *hos* quoque submotos volebam, quo prorsus nobisliceret *more* nostro agere. PE. Colunt præter *Christum* & alios *deos*? JUL. Imo *Christum* ipsum nimis anxie colunt. *Antiquis* quibusdam & jampridem *obsoletis* vocabulis, mirum est, quam adhuc homines *stultissimi* permoveantur. PE. Forte *magicis*. JUL. *Nugaris*: imo *simonia*, *blasphemia*, *Sodomia*, *veneficio*, *sortilegio*, PE. Bona verba. JUL. Idem ut tu nunc abominaris, & isti. PE. Omitto nomina: *res* sunt apud *vos*, ne dicam apud ullos *Christianos*? JUL. Sane *Barbari* non ipsi vacant *vitiis*, sed cum *diversis* laborent, *nostra* ex-ecrantur, *suis* blandiuntur: Nos contra *nostris* blandimur, *illorum* abominandum *probrum* ducimus, ac per fas, nefasque fugiendum, *paupertatem*: illi vix *Christianum* esse existimant *opibus* frui ullis, vel sine *fraude* quæsis. Nos *ebrietatem* nec nominare audemus (quamquam *hæc* quidem in parte, non ita vehementer ab illis *dissentiam*, si cætera *convenient*) at *Germani* leve putant *erratum*, & *festivum* magis quam *sceleratum*. *Usuram* vehementer execrantur illi, at apud nos nullum hominum genus æque *necessarium* ecclesiæ Christi. Venerem *praposteram* usque adeo spurcam ducunt illi, ut si quis vel *nominet* modo, & *aerem* & *solem* existirent *pollui*: nobis longe *diversa* sententia est. Item *simonia*, jam olim è rerum natura sublatum *vocabulum*, velut *Umbram* adhuc formidant illi & *antiquatas* jam veterum *leges* mordicus tenent. Nos alio spectamus. Atque hujusmodi permulta sunt alia, in quibus *nobis* non convenit cum *Barbaris*: proinde cum jam simus tam dissimili *vita* instituto, procul arcendi

sunt à nostris mysteriis, magis suspecturi si nesciant.  
 Nam si semel intellexerint *arcana* Curiae nostrae, pro-  
 tinus *evulgant*: & nescio quo pacto ad vitia deprehen-  
 denda sunt *oculatissimi*: scribunt *maledicentissimas* ad  
 suos *litteras*. Clamitant passim, apud nos non esse *se-*  
*dem* Christi, sed *sentinam* Satanæ. De me disputant,  
 num sic *assectus* Pontificium, sic *vivens*, pro Ponti-  
 fice sim habendus. Atque ita primum minuunt nostram  
 apud ignotos sanctitatis *opinionem*, simul & *authori-*  
*tatem*, qui antea nihil de nobis audierant, nisi quod  
 Christi vicem gereremus, & *proximam*, atque adeo  
*parem* Deo *potestatem* teneremus. Atqui his è rebus  
 intolerabilis ecclesiae Christi *injuria* nascitur. Dis-  
 pensationes & *pauciores*, & *minoris* vendimus: Mi-  
 nor *census* redit ex *Episcopis*, & *Sacerdotiis*, &  
*Abbatibus*; Vulgus si quid exigitur, *malignius* dat:  
 Breviter; undecunque *parcior* quæstus, & *sterilior*.  
*nundinæ*. Postremo *fulmina* quoque nostra minus ac  
 minus horrent. Quod si semel eo processerint *audacia*,  
 ut dicant *secleratum* Pontificem nihil agere, ac fulmen  
 minasque *contempserint*; nobis ad *famem* plane redie-  
 rit res. Quod si procul absuerint; ( ita *ingenium* est  
 Barbarorum ) *impensus* venerabuntur; nolque literis  
*commode* scriptis, ex animi sententia *rem* geremus. P. F.  
 Non optime vobiscum agitur, si hinc pendet *authori-*  
*tas Apostolica*, ut *vita* ignoretur, nesciantur *tech-*  
*næ*? Nos nihil aliud optabamus, nisi ut universis esset  
*cognitum*, quicquid vel in *cubiculis* ageremus. At-  
 que ita demum plurimi *sicbamus*, si vere *innotuissimus*.  
 Verum illud expedit: Adeo religiosos *Principes* nunc  
 habet *Mundus*, tantaque est apud illos *sacerdotum*  
 reverentia, ut ad *unius*, atque adeo *talis* nutum, ad  
*arma* descenderint *universi*? Nam meis quidem tem-  
 poribus, *hos* infestissimos *hostes* patiebamur. JUL.  
 Quantum ad *vitam* attinet, non sunt admodum *super-*  
*stitiosi* Christiani: Nos plane *contemnunt*, ac pro  
*nugamentis* habent: nisi quod aliquot ex his infirmio-  
 res nonnihil metuunt terrificum illud fulmen *Excom-*  
*municationis*; Nec hi tamen perinde *re* atque *opini-*  
*one* commoventur. Sunt qui nostras *opes* vel *sperant*,  
 vel

vel metuunt : eoque nonnihil nostræ deferunt *Autoritati*. Quibusdam persuatum, ingens a quoque *informis* manere hos, qui sacerdotibus *quibuscunque* negotium faceffunt. Omnes ferme, ut sunt *Civili-ter* educati, nonnihil tribuunt *Ceremoniis*, præsertim à nobis provocati. Nam *Ceremoniæ* ceu *fabulæ* quædam *vulgo* dantur : Cateram res in eam serio agitur. Nos illos magnificis *Titulis* decoramus etiam si sint sceleratissimi. Hunc *Catholicum* appellantes. Illum *Serenissimum*, alium *Illustrissimum*, alium *Augustum*, omnes *dilectos Filios*, nominamus : ipsi vicissim nos *santissimos Patres* in suis literis vocant : & aliquoties ad oscula *pedum* se submittunt : & ubi non multum negotii vertitur, cedunt nonnunquam *Autoritati nostræ*, quo sibi *pictatis* opinionem apud *vulgus* parent. Nos illis *Rosæ* mittimus *consecratæ*, *Tiaras*, *Gladios*, & illorum *Dignitatem* maximis *bullis* confirmamus : Illi vicissim mittunt *equos*, *indites*, *pecuniam*, nonnunquam & *Pueras* ; atque ita mutuum (quod ajunt) *muti* scabunt. PE. Si tales sunt, nondum intelligo quo pacto perueris summos *Reges* ad gravissima *bella* concitare prælerim *inopis* tot *fœderibus*. JUL. Atque si nunc assequi possis ea quæ dicam, intelliges *ingenium* plusquam *Apostolicum*. PE. Admirar equidem quod ad poteris. JUL. Illud in primis mihi studio fuit, omnium *Gentium*, ac præcipue *Principum* ingenia, mores, affectus, opera, & conatus Pernosse, cuius cum quo *conveniat*, cui cum quo *diffidium* sic deinde his omnibus ad nostram *commoditatem* uti. Principio *Gallum* facile concitavi, ius in *Veneto*; quod inter hos incederet *regis* atque *antiqua* similitas.

Deinde sciebamus eam gentem avidam imperii *pro-rogandi* : Et *Veneri* illorum quoque nonnullas *urbes* occupant. Itaque incum negotium, cum *illorum* negotio miscui. Tam in error, quamquam aliqui non admodum amicus *Gallo*, tamen quia non erat ipse à *Veneris* recedendi, quæ tenebant (ter. bunt autem *Urbes* aliquot egregias) pro tempore ut *hunc belli* adiunxit. Deinde quum non placet *Gallo* supra modum cre-  
 10

re (res enim successerat *felicius* quam volebam) *Hispaniarum* etiam Regem in eos extimulavi, primum hominem, non fidei *adamantinae*, deinde cujus magnopere *referebat*, utcunque premi *Gallorum* potentiam; cum ob alia multa, tum præcipue, ne quando ditione *Neapolitana* excluderetur: Ad hæc, *Venetos*, tametsi non probarem, *scite* tamen in *Grauiam* recepi, ut hos quoque recentis cladis dolore exacerbatos in *Gallos* immitterem. Rursum *Imperatorem*, quem paulo antecum *Gallis* *conjunxeram*, ab illis *distraxi*: idque partim *pecuniis*, quæ apud hominem *egentem* semper valent plurimum; partim *litteris*, & *nunciis*, renovato veteri in *Gallos* odio, quo vir ille mirum quam semper *flagravit*, etiamsi deerat *ulciscendi facultas*. Jam *Anglos* sciebam *genuino* odio esse in *Gallorum* Gentem; atque iis conjunctissimos *Scotos*: Ad hæc; intelligebam Nationem *præferocem*, & belli *cupidam*, idque potissimum *prædandi* spe: tum etiam *superstiosam* aliquantulum, quod longissime absit a *Roma*: Postremo id temporis, *nova* libertate (quæ tandem illis morte *Regis* omnium *severissimi* contigerat) *insolentes*, ac pene *tumultuantes*: ut facile jam possent ad quamvis *insaniam* extimulari. Quodque maxime volebam, Accessit ad *opportunitatem* rerum mearum; Rex admodum *adolescens*, vel *puer* potius, & nuper *regno* potitus, *ingenio* acri vividoque, ac vere juvenili, hoc est, inquieto & bellicoso; nec *etate* tantum *ambitiosus*, & ad res non mediocres erectus; Quin jam tum à primis annis huc spectasse dicebatur, ut *Gallos* adoriretur *armis*. Super omnia, *affinis* erat *Hispano Regi*, quem jam ad *arma* traxeram. Hisce rebus omnibus usus sum ad *Ecclesiæ* commoditatem, Ac sexcentis *litteris*, non absque *ingenio* scriptis, tandem involvi *principes* bello omnium gravissimo. Neque vero quemquam cæterorum *intentatum* reliqui, neque Regem *Hungarorum*, neque *Lusitania*, neque *Burgundionum*, Regibus parem, *Ducem*. Verum quia ad hos nihil harum rerum attinebat, *percellere* non quivi; & sciebam, *tumultuantibus* illis, neminem cæterorum *quicturum*. Higitur quum suo morem gererent

gererent animo, tamen honestissimum *titulum* acceperunt à nobis, ut quo majorem *cladem* inferrent populo *Christiano*, hoc *religiosius* viderentur *Ecclesiam Dei* *protegere*. Atque ut magis admireris vel *ingenium* meum, vel *felicitatem*, belligerabatur id temporis *Hispania* Rex cum *Turcis* incredibili rerum *successu*, maximoque suo *questu* : & tamen illis omnibus omissis, in *Gallum* universas vires convertit. Ad hæc, *Imperator* non *fœderibus* modo multis, verumetiam *beneficiis* immensis devinctus erat *Gallis*, vel hoc nomine, quod horum sumptu operaque suas in *Italia* Civitates recepisset. Et hic erat quod ageret, nempe ut *sua* tueretur, Jam enim *Patavium* desciverat; & in *Burgundia*, nempe ut *Geldrios* hostes gravissimos ( in quos belli suscipiendi fuerat author ) à Nepote suo *Burgundionum Principe* depelleret. Et sic effeci, ut, *suis* omissis, *meum* agerent *notorium*. Cum nulla *Gens* est, apud quam minus valeat *summi Pontificis Autoritas*, quam *Anglorum* ( id quod protinus liquebit, si quis *divi Thomæ Cantuariensis Episcopi* vitam, ac veteram *Rogum* constitutiones evolverit ) ea tamen *Gens* alioqui *exactionum* imparitissima, passa est propemodum se *deglubi*. Mirum autem quomodo *sacerdotes* quoque, qui *nobis* consueverant quicquid possunt *substrahere*, eo adduxerim, ut *Regi* tributum numerarent, haud perpendentes cujusmodi *fenestram* *Regibus* aperuerint. Quanquam nec ipsi *Reges* satis animadvertabant, quod *exemplum* induxerint adversus *seipsos*. Nempe ut liceat postea *Ro. Sacrifico* regno movere, quem oderit *principem*. Et Rex adolescens majori etiam *motu* rem aggressus est quam *volebam*, aut quam *jusseram*; tamen si malebam in hanc peccari partem. Jam vero longum fuerit explicare sigillarim, quibus *artibus* eos *Principes* ad tam periculosum bellum excitaram in *Christianos*, quos nullus unquam *Pontifex* vel in *Turcas* potuit excitare. PE. At fieri potest, ut bellorum *incendium* per te suscitatum, universum denique *mundum* corripiat. JUL. Corripiat sane, modo *Romana* sedes *Dignitatem*, & *Possessiones* tueatur suas; Tamen si conatus sum omnem belli *mo-*  
lem

lem ab *Italia* in *Barbaros* rejicere: dimicent illi quantum libet, nos *spectabimus*, & fortassis illorum *fruemur* infania. PE. Pertinent hæc ad *Pastorem* & *Patrem sanctissimum*, & *Christi Vicarium*? JUL. Cur excitant *schisma*? PE. Atqui peccata nonnunquam *ferenda* sunt, si plus malorum à *medela*. Deinde si tu *Concilium* admisisses, non erat locus *schismati*. JUL. Bona verba. Ego *sexcenta bella* malim, quam *Concilium*. Quid si me submovissent à *Pontificio*, veluti *simoniacum*, & *negotiatorem Pontificii*, non *Pontificem*? Quod si omnem *vitam* meam perdidicissent, prodidissentque in *vulgus*? PET. Etiam si *verus Pontifex* esses, tamen satius erat *honori* cedere, quam tantis orbis *Christiani* malis tuam *Dignitatem* tueri. Si modo *Dignitas* est *episcopatus indigno* commissus, ac ne *commissus* quidem, sed *emptus*, & *arreptus*. Unde illud mihi obiter venit in mentem, te consilio quoddam *divino Gallis* exiisse *pestem*, qui prius *Ecclesie* te *pestem* invexerunt.

JUL. Per triplicem *Coronam* meam juro, perque meos clarissimos *triumphos*, si mihi bilem moveris, senties & tu vim *Fulii*. PE. O Phreneticum! Verum hæcenus nihil audio, nisi *Ducem*, non *Ecclesiasticum*, sed *Mundanum*, nec *mundanum tantum*, sed *Ethnicum*, Imo *Ethnicis sceleratiorem*. Gloriaris te plurimum potuisse ad *discindenda bella*, ad strages hominum *excitandas*: Ista *Satana* potestas est non *Pontificis*. Qui *Christi vicarium* se facit, eum oportet ad illius *exemplar* quam proxime accedere: Est in illo *summa potestas*, sed cum *summa bonitate* conjuncta; est *summa sapientia*, sed *simplicissima*. In te potestatis *imaginem* video, cum *summa malitia*, *summaque stultitia* copulatam. Quod si *malorum princeps Diabolus*, *vicarium* sibi cupiat subrogare, quæ potius asciscat, quam *tui similem*? Dic ubi virum *Apostolicum* egeris? JUL. Quid magis *Apostolicum*, quam augere *Christi Ecclesiam*? PE. Atqui si *Ecclesia* est *populus Christianus*, *Christi spiritu conglutinatus*, subvertisse mihi videris *Ecclesiam*, qui orbem universum ad *teterissima bella* concitaris, quo tu *impune* malus & *pestilens*.



lens esses. JUL. Nos *Ecclesiam* vocamus *sacerdotes*, & precipue *Curiam* Romanam, meimprimis, qui *caput* sum *Ecclesiæ*. PE. At *Christus* nos *ministros* fecit, se *caput*: nisi nunc *secundum* caput accreverit, sed quibus tandem aucta est *Ecclesiæ*? JUL. Nunc ad rem accedis; itaque dicam: Illa olim *famelica* & *pauper* *Ecclesiæ*, nunc adeo *floret* *ornamentis* omnibus. PE. Quibus? ardore *fidei*? JUL. Obtundis.

PE. Contemptu *mundi*? JUL. Sine me dicere, *veris* inquam *ornamentis*, nam istæ *verba* sunt.

PE. Quibus igitur? JUL. *Palatiis* regalibus, *equis* & *mulis* pulcherrimis, *famulatio* frequentissimo, *copiis* instructissimis, *satellitibus* exquisitissimis.

GE. *Scortis* formosissimis, *lenonibus* obsequentissimis. JUL. *Auro*, *purpura*, *vestigalibus*: ut nullus *Regum* non *humilis* ac *pauper* videatur, si cum *Ro. Pontificis* opibus, strepituque conferatur: nemo tam *ambiciosus*, quin se *victum* agnoscat; nemo tam *lautus*, quin suam condemnet *frugalitatem*: nemo tam *numatus* nec *fenerator*, quin nostris invidet *opibus*. Hæc inquam *ornamenta* & *tutus* sum, & *auxi*.

PE. Sed dicito mihi: quis omnium primus istis *ornamentis* & *inquinavit* & *oneravit* *Ecclesiæ*, quam *Christus* *purissimam* pariter & *expeditissimam* esse voluit? JUL. Quid istud ad rem attinet? Certe, quod est *caput*, tenemus, possidemus, fruimur: quanquam aiunt *Constantinum* quondam universam *Imperii* sui *majestatem* in *Sylvestrum* *Ro. Pontificem* transfudisse, *Phæras*, *equos*, *currus*, *galeam*, *balteum*, *paludamentum*, *satellitium*, *enses*, *coronas aureas*, & *aurei* quidem *purissimi*, *exercitus*, *machinas bellicas*, *urbes*, *regna*. PE. Et exant istius *munificentie* cetera *monumenta*? JUL. Nulla præter *Paleam* unam *Decretis* admixtam. PE.

*Fabula* fortassis est. JU. Id vel ex *meipso* conjicio. Quis enim sanus, tam *magnificum imperium* cederet vel *Patri*? sed tamen valde *libet* credere, & *curiosis* hæc *refellere* conantibus *silentium* magnum nimis indicimus. PE. Arqui nihil adhuc audio, nisi *Mundum*. JU. Tu fortasse *veterem* illam *Ecclesiæ* adhuc *somnias*, in qua cum *famelicis* aliquot *Episcopis* frigidum sane *Pon-*

*Palea nota*  
*Com-*  
*mentum*  
*quodvis*  
*Additum*  
*ad Decre-*  
*ta Grati-*  
*ficentiani*

*nificem* agebas, paupertati, sudori, periculis, ac mille *obnoxius* incommodis: Jam *atas* in *melius* commutavit omnia. *Alia* longe res nunc est *Ro. Pontifex.. tu nomine* rituloque duntaxat eras *Pontifex*. Quid si nunc videres tot *sacras* ædes *Regis* extructas opibus, tot ubique *Sacerdotum* millia, plerosque *censu* amplissimo, tot *Episcopos*, armis & opibus, summis pares *Regibus*, tot *splendidissima* *Sacerdotum palatia*; præcipue vero, si *Roma* videas tot purpuratos *Cardinales*, legionibus *famulorum* stipatos, tot *equos* plusquam *Regios*, tot *mulos* bysso, auro, gemmis *ornatos*, aliquot *solcis* etiam *aureis* & *argenteis* calceatos: Jam si *sum-mum* Pontificem conspiceres, sublimem in *aurea* sella militum *humeris* vehi; ad manum *motam* passim omnes *adorantes*. Si crepitum audires *bombardarum*, si clangorem *trubarum*, si bombos *clasticorum*, si fulmina *machinarum* videres, si *populi* applausus, acclamationes, si omnia *tadis* collucentia, si *summos* etiam *Principes* ad beatorum oscula *pedum* vix admitti: Si spectasses *Ro.* illum *Sacerdotem* pede *coronam* auream imponentem *Imperatori Romano*, qui *Rex* est regum omnium ( si quid modo valerent jura scripta ) quanquam nihil jam obtineret, nisi magni *Nominis umbram*: Hæc inquam si vidisses, audissesque quid tandem diceres?

PE. *Tyrannum* plus quam *mundanum* videre me, *Christi hostem*, *Ecclesie pestem*, JU. Secus loquereris, si vel unum meorum *triumphorum* spectasses, vel eum quo *Bononiam* sum, inductus, vel quem egi *Rome* subactis *Veneis* egi; vel quo *Bononia* fugiens *Romam* sum reductus: vel quem hic egi postremum, *Gallis* præter omniæ spem *fussis* apud *Ravennam* si *mannos*, si *caballos*, si *militum* armatorum aciem, si *ducum* ornamenta, si *delectorum spectacula* puerorum, si *faces* undique *lucen-tes*, si *ferculorum* apparatus, si *pompam* *Episcoporum*, si *Cardinalium fastum*, si *trophæa*, si *manubias*, si in cælum *reboantes* plebis ac militum *acclamationes*, si *plausu* perstreptentia omnia, si *lituorum* cantum, *trubarum* tonnitrua, *bombardarum* fulmina, *sparsos* in populum *numos*, si me, veluti *Numen* quoddâ, sublimē ferri *spectasses* totius *pompæ Caput & Authorem*, tum *Scipiones*, *Emi-*

lios, Augustos, sordidos ac frugales dixisses præ me. PE. Ohe, satis triumphorum; gloriosissime miles, immo illos, licet Ethnicos, odio tui, complector, qui cæsis tua causa tot Christianorum millibus, triumphos agebas sanctissimus in Christo Pater, tot legionibus interitus author exististi, qui ne unam animulam, neque verbo, neque vita Christo lucrificeris. O Paterna viscera, O dignum Christi Vicarium, qui semetipsum impendit ut omnes servaret. Tu ut unum pestilens defenderes caput totius orbis exitium accersisti.

JUL. Ista loqueris, quod inideas gloria nostræ, dum perspicis quam humilis fuerit tuus Episcopatus cum nostro collatus. PE. Audes impudens tuam gloriam cum mea conferre? Tametsi mea gloria, Christi gloria est, non mea. Primum omnium si mihi das Christum optimū esse, verumque principem Ecclesiæ, ipse mihi claves regni dedit, ipse pascendas oves commisit, ipse meam fidem suo præconio approbavit: te pecunia, te studia mortalium, te fraudes fecere Pontificem, si modo pontifex is appellandus est. Ego tot animarum millia Christo lucrifici: tu tot in exitium traxisti: Ego Romam antea Gentilem, primus Christianam docui: tu Christianam jam Gentilitatis exististi magister, Ego vel Umbra corporis sanabam agrotos, liberabam à demonio vexatos, ad vitam revocavi defunctos, & quacunque incederem beneficiis implebam omnia. Quid simile tui habuere triumphi? Poteram verbo quem voluissem tradere Satanae: & quantum potuerim, experta est Sapphira cum suo marito, Tamen quicquid habebam Potestatis, in utilitatem omnium consumpsi: Tu omnibus inutilis; si quid poteras, immo, & quod non poteras, ad publicam orbis perniciem vertisti, JUL. Demiror, cur in catalogo gloriarum tuarum non hæc etiam addis, pauperiem, vigilias, sudores, tribūalia, carceres, vincula, probra, plagas, cruces denique.

PE. Recte admones, Nam istis de rebus justius gloriabor, quam de miraculis: horum nomine Christus nos iussit gaudere & exultare; horum nomine nos beatos vocavit. Ita Paulus, collega quondam meus, cum sua jactat facinora, non commemorat urbes ar-

vis

*mis expugnatas, non legiones ferro cælas, non orbis*  
*Principes ad bella concitatos, non saltus Tyrannicos :*  
*naufragia, vincula, flagra, pericula, insidias :* hic est tri-  
*umphus, vere Apostolicus, hæc est gloria Christiani*  
*Ducis :* Jactat ille quos ab impietate retraxerit, non  
 quot ducatorum millia congefserit. Denique nos cum  
 Christo perpetuum jam agentes triumphum laudibus pro-  
 sequuntur & mali : Te nemo non execrabitur, nili vel  
 tui similis, vel adulator. JUL. Rem inauditam au-  
 dio. PET. Credo nam qui tibi fuisset otium Evan-  
 gelicas evolvere literas, Pauli measque Epistolas lecti-  
 tare, tot legationibus, tot fœderibus, tot rationibus, tot  
 triumphis occupato ? At ceteræ quidem Artes om-  
 nes animum desiderant lordidis vacuum curis : Christi  
 vero disciplina, pectus requirit ab omni contagio terres-  
 tris sollicitudinis purgatissimum. Nec enim tantum Ma-  
 gister e cælo descendit in terras, ut facilem aliquam,  
 aut vulgarem Philosophiam traderet mortalibus. Non  
 otiosa, neque secunda professio est, esse Christianum :  
 voluptates omnes ceu venenum aspernari, Divitias pe-  
 rinde ut lutum calcare, vitam pro nihilo ducere, Hæc  
 est Christiani hominis professio. Hæc quoniam in-  
 toleranda videntur, iis qui non Christi spiritu aguntur,  
 ad inanissima quædam vocabula meraque Ceremonias de-  
 flectunt, & factitio capiti Christi, factitium addunt cor-  
 pus. JUL. Quid tandem mihi boni reliquum facis,  
 si me nudissimis exuis, Si Regno spolias, si nudas sanore,  
 si voluptatibus abdicas, si vita denique prives ? PE.  
 Quin tu igitur ipsum Christum infelicem pronuncia-  
 as, qui, cum esset omnium summus, ludibrium factus  
 est omnium : in paupertate, sudoribus ; jejniis, in  
 fame vitam omnem peregit : denique morte omnium  
 probrosissima defunctus est. JUL. Inveniet fortasse  
 qui laudet, qui imitetur ; neminem, his sanè tempo-  
 ribus. PE. Atqui hoc ipsum denique laudare est  
 imitari. Quamquam Christus non orbat suos bonis,  
 sed pro falsis bonis, veris ; & æternis locupletat ; at non  
 locupletat nisi prius omnibus hujus mundi bonis ab-  
 dicatos ac repurgatos. Ut ipse totus erat cælestis ita  
 corpus suum, hoc est, Ecclesiam sui simillimam esse  
 voluit.

*i. e. à mundi contagiis alienissimam. Alioqui qui pos-*  
*set esse idem cum illo, qui sedet in cælis, si terrenis*  
*adhuc fœcibus immergatur? Verum ubi fuerit ex-*  
*cussus ab omnibus mundi commodis, atque etiam*  
*quod amplius est, affectibus: Tum denique Christus*  
*suas explicat opes, pro relictis mellis, immo*  
*multa alia tinctis voluptatibus, cœlestium gau-*  
*diorum gustum impetit; pro relictis opibus, longe*  
*præstantiores elargitur. JUL. Quas obsecro? PE. Ni-*  
*tu vulgares opes puras, Prophetiæ donum, donum*  
*Scientiæ, donum Miraculorum: Nisi vilem putas*  
*Christum ipsum, quem quilibet habet, in ipso possidet*  
*omnia: Postremo, nisi nos hic pauperem agere vitam*  
*putas. Ita quo quisque in mundo est affluens, hoc u-*  
*berius deliciatur in Christo: quo in mundo pauperior,*  
*hoc in Christo locupletior: quo in mundo dejectior,*  
*hoc in illo sublimior & honoratior: quo minus vivit in*  
*mundo, hoc magis vivit in Christo. Verum cum to-*  
*tum corpus suum purissimum esse voluit Christus, tum*  
*præcipue ministros, hoc est Episcopos; & inter hos, quo*  
*quisq; maior est, hoc sit Christo similior, & ab omnibus*  
*mundi commodis expeditior & exoneratior: Nunc con-*  
*tra video, cum qui Christo proximus, atque adeo par*  
*haberi vult, omnium maxime rebus sordidissimis im-*  
*mersum, pecuniis, ditionibus, copiis, bellis, fœderibus,*  
*ut ne quid interim de vitiis dicam. Et postea cum*  
*his alienissimus à Christo, Christi tamen titulo ad tuam*  
*abuteris superbiam: & illius prætextu, qui Regnum*  
*mundi depexit, mundanum Tyrannum agis: & verus*  
*Christi hostis, exigis honorem Christo debitum: Benedi-*  
*cis aliis, ipse maledictus: Aperis aliis cœlum, unde*  
*ipse procul exclusus es: Consecras execratus: Excom-*  
*municas, cui nihil est cum sanctis commune. Quid*  
*enim inter te & Turcarum interest Ducem, nisi quod*  
*tu Christi vocabulum prætexis? Certe mens eadem, con-*  
*similes vitæ sordes, Tu major orbis pestis. JUL. Ac*  
*ego cupiebam Ecclesiam omnibus bonis exornatam: Et*  
*Aristotelem ajunt tres bonorum ordines constituere, quo-*  
*rum quædam sunt fortuna, quædam corporis, quædam*  
*animi: Itaque volebam bonorum ordinem invertere.*

A *fortune* bonis cepti; fortasse paulatim ad *animi* bona venturus, nisi *præmatura* mors terris me eripuisset. PE. *Præmatura* sane, nempe *septuagenarium*: quanquam quid opus erat aquam igni miscere? JUL. Atqui si *desunt* ista commoda, vulgus nos non *pili* faceret. Quin nunc quoque *metuunt & oderunt*. Atque ita tota *respub.* Christiana *collabere*tur, ni contra vim inimicorum sese *rueri* queat. PE. Imo si Christianorum *vulgus* conspiceret in te *veras* Christi *dotes*; si nempe vitæ *sanctimoniam*, *sacram doctrinam*, *charitatem flagrantem*, *prophetiam*, *virtutes*: hoc te magis *suspiceret*, quo à mundi commodis intelligeret *mundiorem*. Et Christiana *respub.* latius *floreret*, si *puritate* vitæ, si *contemptu* voluptatum, *divitiarum*, *imperii*, *mortis*, *gentilibus* esset *admiranda*. Nunc non solum contracta est in *angustam*, verum etiam, si diligentius excutias, plerosque *nomine* duntaxat invenies *Christianos*. Quæso te, non reputabas tecum, cum esses *summus* Ecclesiæ *Pastor*, quibus modis *nata* esset *Ecclesia*, quibus *aucta*, quibus *constabulita*? Num *bellis*, num *opibus*, num *equis*? Immo *patientia*, *sanguine* martyrum & nostro, *carceribus*, *flagris*. Tu Ecclesiam dicis *auctam*, cum humana *ditione* onerati sunt illius *ministri*: *Ornatam* vocas, cum mundi muneribus ac deliciis *inquinatur*: *Defensam* appellas, cum pro sacerdotum *peculio* mundus universus *bellis* perniciosissimis *conficitatur*: *Florentem* dicis, cum mundi voluptatibus *ebria* est: *Tranquillam*, cum, nemine reclamante, *divitiis*, imo *vitiis* fruitor. Atqui his *bracteatis* titulis *Principibus* imposuisti: qui, te præceptore docti, magna sua *latrocinia* ac furiosos *confictus*, Christi *defensionem* vocant.

JUL. Atqui ista nunquam antehac audiui. PE. Quid igitur *docebant* te *concionatores*? JUL. Ab illis quidem nihil nisi meras *laudes* audiebam, *phaleratis* verbis mea *præconia* detonabant, me *Jovem* fulmine concutientem omnia, me verum quoddam *Numen* esse prædicabant, publicam orbis *salutem*: aliaque id genus permulta. PE. Nec mirum sane, nullum extitisse qui te *condiret*: cum tu *sal* esse *insulsus* & fa-

tuus. Nam id proprium *Apostolici* viri munus, *alios* docere Christum, idque purissime. JUL. Non *aperis* igitur? PET. *Cuius* potius quam *tali pesti*. Nam *tibi* quidem omnes *excommunicati* sumus. Sed, vis *consilium* non malum? habes *manum* hominum strenuorum: habes *pecuniam* immensam: es ipse bonus *adificator*: extrue tibi novum aliquem *paradisum*, sed probe *munitum*; ne possit à *cacodamonibus* expugnari. JUL. Imo faciam quod me *dignum* est: operiar *menses* aliquot: & *auctis* copiis meis, vi *deturbabo* vos illinc; nisi in *deditionem* venietis. Neque enim dubito quin brevi sint ad me è bellorum stragibus LX hominum milia perventura. "Itaque si *Sapis*, Petre, *aperias* nunc "ultimum monenti. PE. Multum sanè *tua* debemus *Clementia* (qua non admodum *inclaruisti* in "Terris) *fulguranti* toties antequam *fulmines*, *monenti* "priusquam *ferias*: Ego vero suaderem (si me audis) "ut isti, quem *minaris* Exercitui *Ducem* (quantivis *redimendum*) præficeres *Hildebrandum*, Magum illum "Celeberrimum Antecessorem tuum; Nam Vi nulla, "nisi *Magica*, aperietur tibi *Porta Cœli*; *patet atri* "janua *Uitis*. JUL. *Hildebrandus* ille quem loqueris (cætera sive *Albus* fuit, sive *Ater* Pontifex fuit "Optimus, & de Ecclesia Romana præclare *meritus*. "PET. Ego tamen in *Cœlis* eum nusquam reperio: "num tecum est ad *Portam*? JUL. Intellego, quod "non sit multis tecum Colloquendum: nam aut tu "non es *Petrus*, aut ignoras, qui sim *Julius Secundus*: "Egon, ut tu me quasi *nihili* Hominem tractites. "Vale. Sed ad tempus, *brevi* reduce cum *Copiis* omnibus expecta. PE. Nempe sic solitum Valedicere "impurum *Spiritum* prænunciavit in evangelio *Salvator*. Sed eodem *Julii secunde*, antequam hinc "in imum (quo abis) *Barathrum* præcipitere: dic paucis, & serio (nam hætenus facetus mihi *Histrion* videris:) unquamne te vel per Somnium *Spes* lussit "ulla ingrediendi *Cælum*? JUL. Imo nulla unquam incessit animum *Dubitatio*; Nam cur quæso *occludi* mihi *Cælum* posse sperarem, qui tibi apud "Calites agenti fuerim *Successor*? Nonne Pontifex



Romanus *Hares* est *Petro* ex *toto* *Asse*? *PE.* Quin  
 neque in *ima*. Cetera. Non tū *Petro* succedis, sed  
*Simoni*; non *Apostolo*, sed *Mago*; quid mihi *recum*  
 magis *commune* est, quam cum *Julio* illo *Casare*,  
 olim etiam *Summo Pontifice*? *JUL.* *Succes-*  
*orem* omnes agnoscunt, & qui possim tibi *Succede-*  
*re* nisi in *Sede*? quæ autem nunc relictæ mihi *Sedes*  
 est à te derivanda, nisi *Portam* aperias? In *Bava-*  
*thrum* foras, quod minitaris, *Sedem* vis esse *A-*  
*postolicam*? *PET.* Sufficit esse *Fulanam*, & *Pscu-*  
*do Apostolico* non indignam. Interim tu videris *ar-*  
*gute* mecum *Philosophari*, quasi *Dialectice* non  
 ignarus. *JUL.* Noris *nos*, non usque adeo *Bar-*  
*di* sumus. *PET.* De *Eruditione* tua jam antè  
 ex *Ore* tuo, plus satis audivimus; Neque tamen  
 defuere tibi *Literæ*, quando in *Charta* quadam  
*Bullata* pro *Fiat* subscriberes *Fiat*. *JUL.* Qua-  
 si vero minutias *Grammaticorum* curare deceat *Pon-*  
*tificem Romanum*? Interim non hoc subscriptum est  
 ex *Cathedra*. Qued sanè vehementer doleo, sic enim  
 Nemo *cujuscunque Ordinis, Status, aut Dignitatis*,  
 etià *Regia*, contraire, contrascribere, aut contrahiscere  
 præsumserit, quin noverit se indignationem *Omnipo-*  
*tentis Dei* incursum. *PE.* Consulto omisit, *Indignationem Sanctorum quoque Pauli & Petri*  
*Apostolorum*, in *Formula* ista, uti fertur, *vibrari*  
 solitam; Ista enim plusquam *Bruta Fulmina* pro  
 animi *Libidine*, & foriali *Impetu* projicere, nunquam  
 te ipsi docuimus. Tu vero (ut ad *Institutum* redea-  
 mus) qualem tibi fingebas *Cælum* esse *Locum*? aut  
 quomodo *tempus* ibi fallendum putabas, si in *Cæli-*  
*tum* (quod impossibile est) *Chorum* exciperes? *JUL.*  
 De *Loco* rogas? *Cælum* putabam (ut insuper quic-  
 quid uspiam est *Loci Pontifici Romano* pervium;  
 nec velim te nimis sollicitum esse de *Tempore* meo  
 illic transigendo. Nunquam mihi *Tempus* oriosa *Mæxæ*  
 est, nisi quod hic, ut video, *recum* *Serminando*  
 perdam; sed quæ, quæso, causa *Dubii*? *PE.* *Omnium*  
 sanè *gravissima*; nam hic prorsus in *alieno lan-*  
 guesceres *Elemento*, istarum profecto *Rerum* nihil  
 quic-

" quicquam reperturus, quæ te *totum* habuerunt in  
 " *Terris*. JUL. Quî sic obsecro? PE. Etiam-  
 " num rogas? Cum *Consummatis* hic *Iustorum Spi-*  
 " *ritibus* ( non tui *Calendarii* Sanctis ) *pura* ineunda  
 " *Conversatio*; *Sanctum* hic cum *beatis* Angelis inter-  
 " cedit *Commercium*; Ineffabile super omnia cum  
 " Deo, & *Christo* ejus, hic *Consortium* colitur; Ex  
 " hisce denique omnibus *defæcata* hic prorsus per-  
 " cipiendæ *Voluptates*, *purissima* veniunt perfruenda  
 " *Gaudia*. Gaudia tamen iis quibus *parantur* ( iis  
 " verò univèrsim omnibus perquam accuratissime ) *Con-*  
 " *sona* solum & *accommoda*; sincera scil. *Sanctimo-*  
 " *nia* imbutis, non prorsus re ipsa *impiis*, licet *mani-*  
 " forte Sanctitatis *titulo* ornatis. Quinimo fac a-  
 " liis, *Sceleratis* nimirum, *tuique* præsertim similibus,  
 " concessa; tantum præfecto abessent ab Animis *divi-*  
 " *na* inde *Latitia* perfusis, ut in *Tormenta* illis plus-  
 " quam *Tartarea*, *Cælestia* etiam ipsa verterentur  
 " *Gaudia*; cum *Amoris* basin, & *delectationis*, sentia-  
 " mus *Similitudinem*; *Adversam* rerum *Indolem*, *O-*  
 " *dii*, & *Angoris*, experiamur *Fundamentum*: *Nul-*  
 " *læ*, è regione, hic *Loci* *vertenda* sunt *Respublicæ*,  
 " nulli *Principes* sub pedibus *Conculcandi*, nulli Ho-  
 " *stium* *Hervendi* exercitus; Splendidi nulli de stratis  
 " hostibus adornandi *Triumphî*; Fide'es Christi *Con-*  
 " *fessores* ( chara Deo capita ) nulli sub *Hærescos* præ-  
 " *textu* ad *Sanguinem* usque *Cædemque* persequendi;  
 " Nullus, cui infideat, *Pontifici Romano* erectus *Thro-*  
 " *nus*; nedum *purpurati* *Thronum* quaquaversum cir-  
 " cumfusi *Cardinales*; Nulli *Canonistæ*, qui te ( in-  
 " *carnatum* modo *Diabolum* ) *Dominum Deum* su-  
 " um *Cæli* etiam *constituerent* ipsi, & *colerent*, cul-  
 " tumque *Divino* nihilo minorem ab aliis præstan-  
 " dum exposcerent; *Fiscus* nullus *papalis*, quo ni e-  
 " rê *emundæ* malis artibus *Ecclesiæ* omnes undique  
 " confluerent *Divitiæ*; Nulli *Ludi Scenici*, *Theatrici*;  
 " nulla *Speâculi* pompa; nulla aut *Gala* aut *E-*  
 " *brietate* *Genii* *Indulgentia*; *Scorta*, *Cinadi*, *Gane-*  
 " *ones* nulli; nullus *Libidinis* *Arbiter*, nullus *Mi-*  
 " *nister*; Istarum denique *obsænarum* nullæ *Volup-*

" *tatum* in quarum *Luto* tu, qui totus *Lutum* es &  
 " *Sordes*, improbè ( si quis alius ) expertus, probe nosti  
 " *volutantes* plane & demersos *Universalis* qui se dici  
 " volunt *Ecclesia* Episcopos. GE. Si ita res habet,  
 " mea quidem sententia confestim abeamus; nosti e-  
 " nim te *aliis* rebus utpote minime *assuetum* ) minime  
 " *delectari*. PE. Tace *Genie*, nondum tuæ sunt  
 " *verborum* vices. GE. Mox erunt. PET. Sed  
 " nonne hoc tibi totum prædixeram *Sacra* Scriptura ?  
 " JUL. Quam mihi loqueris *Sacram* Scripturam ?  
 " PE. *Canonicam*. JUL. *Decretorum* nempe, &  
 " *Decretalium* intelligis puro. PET. Vah nugas !  
 " imo *illam* dictante *Spiritu Sancto* exararam. JUL  
 " Oh ! *Biblia* quæ vocant. ( nam ego nunquam de  
 " *facie* novi. ) Certè odio *mei* mox, credo, transibis in  
 " castra *Hæreticorum*; sic enim loqui amabant *Leonistæ*;  
 " amantque, si qui nunc dierum sunt parum *Catholici*.  
 " Nunquam ego placide ferebam illos *Biblistas*; neque  
 " vel ex *Commodo*, vel *Dignitate* Sedis est *Apostolica*  
 " ( quod miror nescire *Petrum* ) illos quoquo modo  
 " *tolerare*. Sed quousque finis me hic ad *Portam* in *pe-*  
 " *dum* meorum ( quos etiam *Reges* exosculati sunt )  
 " *digitis* frigidere ? PET. An ergo *friges* ? Abeas itaque  
 " non ad *fictitia* tua Regna *pictis*que purgatorii Ignes,  
 " unde pro *fuscata*, nescio qua, potentie *Plenitudine*, ad  
 " libitum te *liberandi* ( *Nullis* tories *aliis* ) *temet* tan-  
 " dem *ipsum* vana *spe* ludas; Sed ad *verum* abeas, *ater-*  
 " *numque* ignem tibi cum *Diabolo* & *Angelis* ejus pa-  
 " ratum; *jam* calestes *plus* satis. GE. *Conclamatum* est,  
 " uti vides, quid hic amplius moras ducimus ? Nam in-  
 " nuit mihi jam pridem meus *Imperator*, & *Baculum*  
 " mover. Jam meæ sunt *loquendi*, *agendique* etiam vi-  
 " ces. JUL. Male, *Pessime* *Genie* quo trahis *Fulium* ?  
 " Si fas esset redire *Romam* ( imo si ad *Sedem* modo  
 " *Porphyræticam* ) ut ego te *Diris* omnibus *devoverem*  
 " etiam ( non obstante *Petro* ) sub *Annulo Piscatoris* ?  
 " quin & omnes, contra te *Principes Catholicos* ( dict-  
 " um factum ) concitarem. GEN. Bene equidem habet  
 " quod *furioso* tibi nunc primum desit *Gladius*. JUL.  
 " *Fulio* vis inferitur, *Julio Papa Secundo*; *Nemon*, in  
 " *Auxilium*

" Auxilium? *Centum Mille Annorum Indulgentias*  
 " ex *Plenitudine Apostolica* omnibus, & Singulis,  
 " qui — GEN. Vah, ut nunc *deliras* Miser! rabu-  
 " losas *Purgatorii* pœnas aliis *laxandas* tuæ, à diris  
 " *imi Tartari* cruciatibus, Redemptionis pretium polli-  
 " cens! Viden, vero *furvos* istos in propinquo obviam  
 " venientes *famulos*? JVL. *Cacodæmonas* proculdubio;  
 " Oh! succurrite, succurrite, — GEN. En vo-  
 " bis, qui *vester* est, *Fulium Secundum Pontificem*  
 " *Romanum*.

### Ad JULIUM.

*Miraris clusum, Juli tibi Maxime, Cælum?*  
*Projeclas Claves en Tyberinus habet.*  
*O quantum Gladio, Clavis nunc præstat, acuto,*  
*Et, Piscatoris Penula trita, Sago!*

---

*Epilogus Vetus; (pro quo nos substituiamus, quem  
 jam habes, novum: lunulis prænotatum.)*

PE. O Pestem! O miseram Ecclesiam! Sed heus Geni-  
 e; nam tecum magis libet confabulari, quam cum isto  
 deterrimo Monstro. GE. Quid est? PE. Suntne istius-  
 modi cæteri quoque Episcopi? GE. Bona pars hujus  
 est farinæ; verum hic omnium Artesignanus. PE. Tu  
 videlicet Hominem ad tot excitasti Flagitia. GE. Ego?  
 Minime: imo adeo præcurrebat, ut ipse vix alis adjutus  
 assequi possem. PE. Sane non miror si huc tam pau-  
 ci adveniant, cum hujusmodi Pestes Ecclesiæ Guber-  
 naculis assideant: quandoquidem Vulgum utcumque  
 Sanabilem esse, vel hinc conjicio, quod ob solum Pon-  
 tificis Titulum tam Spuriæ Cloacæ defert Honorem.  
 GE. Rem ipsam dicis: Sed jam dudum innuit mihi me-  
 us Imperator, & Baculum movit. itaque Vale.

Hoc Tetrastichon *Buchanano* alii,

alii *Conrado Grebelio*, tribuunt.

*Genua cui patrem Genetricem Græcia, partum  
Littus & unda dedit, hic Bonus esse potest?  
Fallaces Ligures, mendax est Græcia, Ponto  
Nulla fides; hæc tu, singula, solus habes.*

Carmen isthoc *Iambicum* adjectum

erat à fine *Dialogi* cum veteri

*Epilogo* prodeuntis.

*Julius* obit, Cælum petit, nanciscitur  
Petrum; ut clues? summus ego sum, inquit, Pontif. x.  
Apagisti; hic, nullus fluvius, haud pontibus  
Quicquam est opus. Abiit, recepit se in domos  
Plutoniæ: hunc obviæ factus Charon,  
Quotendis, insit, quis, aut quod nomen tibi?  
Hæc *Julius*. Ego Pontifex (ut antiq' hæc.)  
Siccine? faceffas hinc citius, neque enim feram  
Fluminibus infernis novos pontes strui;  
Sic pensitari consuetum perdere  
Naulum? recede, Coccyto aut immergitor.  
Quid faciat, aut qua se recondat pergula.  
Vesana sanctitas? polo arceri-hospite,  
Erebiq' furvis insulis excluder.  
Ignota priscis, & reperta nullibi,  
Animi dubius, intrisa confinxit loca,  
Illique Purgatorio nomen dedit.

F I N I S.

JANI ALEXANDRI FERRARII,

Cœnositæ Augustiniani,

E U C L I D E S

C A T H O L I C V S,

S I V E

DEMONSTRATIO ROMANÆ FIDEI,

ex primis, certis, & evidentibus principiis,  
Mathematica methodo, & connexis con-  
tinua serie propositionibus, deducta.

*Ad*

*Reverendissimos Viros,*

ADRIANUM & PETRUM  
DE W A L E N B U R C H.

— *Ridenti dicere Verum,*  
*Quid vetat?* —



O X O N I I.

MDCLXXX.

THE UNIVERSITY OF CHICAGO

LIBRARY

1911

1911

1911

1911



I N  
E U C L I D E M  
Catholicum.

**V**Entoso tumidus fastu super *Astra* Cometes  
Scandit; concussis crinitis Ignibus, *Auras*  
Inscit, amotis Luce horridiore Tenebris:  
Restituens Phabum, latè dominatur, & implet  
Cassiopeanam Cauda ambitiosa Cathedram.  
Stant Pueri, & Rutilum Barba mirantur Honorem;  
Sol nocturnus adest vicis clamatur; & audit  
Inter Sidereas Pulcherrima Flamma Cohortes.  
Interea Docti jactant sua Scommata; & audent  
Ignotum Cælis Lumen ridere Vaporis.  
Sic Collum vulgo Meretrix Romana verendum  
Tollit, furtivis Gemmis ornata, Pudoris  
Nescia, in Augustâ sedet Imperiosa Cathedrâ.  
Aspice Purpureas effuso sanguine tinctas  
Vestes, heu quoties faucès hydropica pandens  
Optati Laticis toto se proluit Amne:  
Vix Molem Ingentem tumefacti Gurgite Ventris  
Sustinet; Hæretico necdum satiata Cruore.  
Dum Populi cæcâ stant Relligione Colentes  
Carnibus Humanis quæ passim Altaria fumant,  
Plusquam Aegyptiacas Terræ offusura Tenebras;  
Sobria Gens Hominum, quos nondum cadet Ocellis  
Explorare vias, necdum piget esse Beatos,  
Vix secum statuunt, magis an miserranda putentur,  
An ridenda magis, Numerosa Opprobria Romæ.

En, Hanc nudat am falso splendore, Jocisque

*Undique Dentatis trajectam, Hæc Pagina cogit  
Ignari prodire foras Ludibria Vulgi.*

*Retibus hinc vafri compactis Arte Cerebri,  
Et cautè positis, laqueata exponitur (instar  
Lascivi quondam Genitoris) Adultera Roma.*

*Hosti latifcos, ceu picta Tarantula, figis  
Morsus, Ingeniique Aciem qui sentit, amabit;  
Et colet, ut Juvenis pulchros laudabit Amicæ,  
Unde suum vulnus Demens prius hausit, Ocellos.  
Acribus hic opus est Stimulis; mordace requirit  
Ingenii Sale sic condiri Putida Roma.*

*Exulet hac tandem Doctis indigna Triumphis  
Fabula, plaudenti magis irridenda Theatro.*

*Parciùs hæc; nam quem fecit tua Pagina Lusus,  
Seria Res agitur; jam nunc Europa Nefandas  
Artes exhorret, qua Te fecere Prophetam.*

*Nunc equidem Insidias lentas, fraudeſque, dolosque,  
Nunc Vim sentimus, quam vaticinaris, apertam.*

*Nam Genus est Hominum diris super Æthera notum  
Criminibus, Larvamque usurpans Nomen Jesu;*

*Sanguinolenta Cohors, Armis instructa, Veneno,  
Cultellis, Sicis, Bombardis, Enſibus, Igne,*

*Qua sanctæ præbent Armamentaria Romæ,*

*Ad convertendum Populum, Gentesque domandas:*

*Siccine Pacifici condenda Ecclesia Christi?*

*Exagitata vetus stimulat Præcordia Bilis;*

*Livinges Oculos, spumantiaque Ora veneno*

*Aspicias; istos cum sæva accendit Erinnyſ*

*Stipite Tartareo, tumidisque afflaverit Hydris.*

*Gens plebenda venit, qua non Diadema Triforme,*

*Nec Majestatem Romæ obsequiosa veretur?*

*Has statim effundit nigras Ecclesia Turmas:*

*Ociùs*

Ociùs Hereticas glomeratim erumpit in Oras,  
Quo Phabus nunquam vidit truculentius, Agmen.  
Ecce Sacerdotum Gestamina sacra superne,  
Quisque cruentatis intus tamen horridus Armis!  
Grassatur Pests; jamque Urbes Sanguine, Flammis,  
Atque improvisâ vastatas Strage videre est:  
Flammis Gentilem sic Roma illuminat Orbem:  
Sic jacet eversum proprio immersumque Cruore,  
Baptismum Roma subiens, Miserabile Regnum.

Gens si qua Hostili non cedat victa Furori,  
Artibus hac lentis subigenda est Impia, quales  
Edocet innumeras Natos Sanctissima Mater;  
Protea ut ambiguum referentes, Mille Figuras  
Suscipiant; totidem meditantes Dira Malorum  
Exempla; Insidia tacita, Stratagemata, Fraudes  
(Imperii juxta Romani Arcana) Struuntur;  
Occulto videas Miserum tabescere Morbo  
Regnum; dum stimulis lentis peritura Doloris  
Vulturibus savis roduntur viscera; qualem  
Defixum Scopulo perhibent lacerare Prometheus.

Vidimus Insidias & Nos, quibus altior Orcus,  
Atrior esse nequit; quæ Sævus Furcifer horret  
Crimina; quæque probos veteres fecere Neronēs.  
Heu quanti est Sceleris Papalem condere Gentem!

✱ In Euclidem Catholicum  
de Visibili Catholicæ Ecclesiæ Capite.

**H**Æc prisca Pietas; hac fuit Fides anus;  
Se facere parvi, non item Verbum Dei:  
Reges vereri; ceu Deos Vicarios;  
Ipsumque Petrum, ut ceteros Apostolos

Fidei Ministros, & sacros Interpretes,  
Habere charos; non ut Auto. es sequi.  
Sic Roma Virgo. pariter hanc Anglis tuis  
Impertiisti, Magne Gregori, Fidem.

Ut Prasul Urbis idem & Orbis exijt;  
Nunc alia res est: militatur Seculo:  
Ligare, solvere; Machinæ sunt bellicæ.  
Facere imperata, est pœnitere, credere.  
A Rege factus amulum Imperium creat:  
Sapit: Referret gratiam? præstat dare,  
Quod jure repetas usus tuis datum;  
Cum sit. potestas summa Beneficii tui.

Seruntur odia; provenit Belli seges:  
Gentes metendæ. Teutonas Galli necant,  
Gallos Iberi: Turba passim cetera  
Trahimur ruinâ Funeri sine nomine.

Synaxis horret sacra, quas conscit, necesse:  
Tantumne fuscum Christiani sanguinis,  
Ut Pontifex, Altari adoratus super  
Deus professus, purpuratos Affeclas  
Gradus ad imos postulet procumbere?  
Ut Pontifex excelsus in Solio sedens,  
Humi Tyrannis osculandos det pedes!  
Demat Coronas calce, calce redditas!

Avulsus Oriens interim Christo perit:  
Thrax Insularum Domitor, & Latio imminens  
Lumis cruentis occupat medium Mare;  
Nos verò quintas condimus Monarchias:  
Terrestre Cælum, Christus alter quaritur,  
Honore, & Opibus, & voluptate, affluens;  
Quo dante Rex hic alteros Indos tenet;  
Tenebis alius, ille ni morem gerat:

*Cui pendat omnis Ordo Væstigia ;  
Nec æra Meretrix querit in solidum sibi.  
Tacebo Neptes , filias , Nuptas libens :  
Mortalis eximendus ex mortalibus  
Homo ille , qui nil patitur humani ; nequit  
Errare , ut erret maximè ; cuius Fide  
Deo loquenti jussus adhibeas Fidem .  
Vetet ; neques vidisse Te quæ videris :  
Sin ampliabit obstinata Humanitas ,  
Communis , ut sit , pertinax sensûs genus ;  
Mali peribunt omnibus modis malè .*

*Eu , Pole noster , sis Tridentinus licet ,  
Nolo Papari : nam Tenebrarum est opus .  
Privatus arma moveris , Papaturis .  
Quod si gerendam Christus indicat Crucem  
Cælo Britannis , quæ vocat , dabit sequi .  
Scurra videmur Nos Tibi ; hic Liber jocus .  
Hominum furorem ridet è Cælis Deus .*

**Euclidem Catholicum egregiè Ecclesiam  
Romanam demeruisse :**

*Ansonias postquam repulit Germania Merces ;  
Suas habere Res sibi jussu Papa ;  
Cernis , ut exiles Monachi vix Ossibus hærent !  
Idola blattis obsita ut squallent Siru !  
Heu Pietas ! heu Priscæ Fides ! Nova Fabula vulgi !  
Fraudesque fraudi jam piis erunt piæ !  
Sancti Effata PATRIS , senis ut Deliria , ridet  
Hyberna tenuem digerens Anus focum :  
Ille , parum humanas motura tonitrua mentes  
Agentis animam similis evomit Caci .*

*Languida*

*Languida quid tremulâ jaculatur Fulmina dextra ?  
Abjit in Auras levis & innocuus fragor.  
Hic, rogo, non Furor est, VETERES, terrestrium inanes,  
Torquere, Technis ut novis faciant Fidem?  
Hunc Bellarminus prensat, Perronius illum;  
Succurre; certè noster es: rennit? statim  
Truncat succeras inhonesto vulnere Chartas  
Index: ut istæ fiat ærumnis modus;  
Vexati Patres Calvinii in Castra recedunt;  
Secumque sacras abstulere Literas.  
Arces Suada simul Tarpeias oderat; ex quo  
Tutum retinuit Roma, vel Sacrum nihil.  
Et, nisi Te tandem, Ferrari, Vindice, præter  
Venena, Sicæ, vota, nil reliqui fuit.  
Cedite Claustrorum Doctores, atque Lycei;  
Euclidis, instar Nemo suppetias tulit.  
Sectas ut proprio male sanas Marte fatigat!  
Snoque succo peperit integrum Decus!  
Tollite difficiles nugas, tetricosque Catones;  
Anferite rauce barbaras Scholæ strophas:  
Sufficit adversos victus fregisse Cachinnæ,  
Telisque parcens emori Risu jubet.  
Insperatus ades magna spes altera Roma?  
Æterna scriptis fiet etiamnum tuis.  
Plusquàm Borbonios olim excussura Furores,  
Hic Adriani jam cluet Moles nova.  
Sanctius in terris, nec Asylum tutius usquam  
Ruitura quaras, Roma, nec teneas, precor.*

Ad

Ad Jesuitas de Euclide Catholico,  
Et Fide Romana ab illo Demonstrata.

Fulmina Vulcanus conflant Loyolaque Patres :  
Arte Valent , Pedibus claudius uterque Faber :  
Tela trifulca Jovi sudantibus ille Lacertis ,  
Hic magis irato fabricat Arma Papæ .  
Trux sibi substituit Similes Loyola Cyclopes ;  
Vulcani minor est , mitior atra Cohors .  
Hæc tantum Siculis procudit tela Caminis :  
Loyola Tellus non capit una Focos .  
Fulminis in nigros dudum , Pottere , Ministros  
Torristi invictâ seria tela Mannu .  
Hostis Castra novâ Ferrarius Arte laceffens  
Arma jocosa , minus nec nocitura , gerit .  
Chara Patri soboles Loyolæ exosaque Jesu ,  
Loyolæ quod sit Compater ille Patri ;  
Nil contrâ aggredieris ? patulis vox faucibus hæret ?  
Clamosaque silet garrula Turba Scholæ ?  
Cum , reliquis Musarum hortis post terga relictis ,  
Te sibi vel totam sola Mathesis habet .  
Responsum at frustra peto : Π Problema triformis  
Nodosum nequeunt solvere quinque Patres .  
Tota igitur fuerat pariter neglecta Mathesis ,  
Prospera ni Cæptis Pars foret una tuis .  
Pellæ us longum sectandi incesserat Ardor  
Orbisque Imperium , Pierique Jugi .  
Hæreticis tandem steriles tamen abjicis Artes :  
Sortis & exerceas nobilioris Opus .  
Romæ Victrices ( ut quondam Marte ) Volucres  
Solis utramque doces Arte volare Domum .  
Interea Sacri tibi clausa Volumina Libri ;  
Quo , Christi accepit Terra subacta , Jugum .  
Sclopo agitur , Gladio , Sica , Phrygio Igne , Veneno ;  
Hæc sunt Militiæ tela parata tua .



*De Sacris Aris Phrygio contenditur Igne;  
Igne magis Stygiis conveniente Focis.  
Italia nempe Equor transnavigat Aetna Britannum;  
Cedat ut Italia Terra Britannia sua.  
Urbs flammis correptatuis ruit inclyta, Romæ  
Æmula Cælareæ cum Caput Orbis erat.  
Augusti Semper CAROLI Caput Ense, Veneno,  
Glande ( licet cassis omnibus ) impetitur :  
Horum aliis Proceres, aliis Plebs tota petenda est,  
Quæ purâ Numen Religionem colit.  
Arma hæc dira regunt Technæ, Perjuria, Fraudes,  
Quicquid Roma docet Vastra Magistra Doli.  
Technarum Euclides Labyrinthos pandit; & unde  
Orta sunt, repetant Infera Regna jubet.  
Quosque sibi Juris longum Communis Epeos  
Mitratus Stygio cum Jove Cæsar habet.  
Da, Siculus Faber inquit, ubi Pede nitar Abyssos  
In Vacua; en nostra est Machina ficta Mannus;  
Qua vastam hanc Mundi Molem Statione movebo,  
Ut movet Automaton Gallicus Erro suum.  
Legem nempe pati nequit Natura; dataque  
Stare Fabrum fidei non erat Artis Opus.  
Papali Euclides divisus ut Orbe Britannus,  
Firmus ubi neutro non Pede staret, habet,  
Qua pariter Papam Sedi, Papæ auferat Orbem,  
Machina, hic exiguus cuditur apta Liber.  
Secta tua, ut meruit, propriis transfigitur Armis:  
Romanas Aquilas Penna Aquilina fodit.  
Fraude pia tandem Victa est Fraus impia: Janus  
Tecum agit, ancipiti non minus Ore, bifrons.  
Ausonius fractis Succumbit Viribus Atlas :  
Tantus hic à rupto provenit Axe fragor.  
Tracipitem metuit Cælum Papale ruinam :  
Papa labans tremulum fert Diadema triplex.*



A D

# LECTOREM PRÆFATIO.



*Alemburchici* ( ad quos, quæ  
sequuntur, datæ sunt *Epistole* )  
*ignobile* Par Fratrum, Gente  
*Batavi*, in *Pontificiorum* Castra  
dudum *Transfuga*; creati sunt  
tandem, *Titulo* tenus, *Episcopi*  
(alter *Adrianopolitanus*, *My-*  
*siensis* alter *Episcopus*, ) Re ta-  
men vera sordidi *Papæ* *Pensi-*

onarii, jurataque *Servi* *Servorum* Mancipia, Pennas  
exercent Venales, junctisque Viribus, *Synagoga* istius  
*Sarunica* vacillanti palam Fabricæ denuo stabiliendæ,  
strenuam navarunt Operam: Post *Veteres* autem Technas  
Dolosque detectos omnes explososque, Methodis, Me-  
diisque usi sunt novis, in suo ipsorum Cerebello  
excusis; inter cætera ꝑ Ctorum forma forensi,  
*Probatione per testes*; non antiquioris sane illos purioris-  
que, sed corruptissimæ plane, Præsentiæ sc. ( quam  
vocant ) Ecclesiæ *Romano-Catholica* Testes; quali *Me-*

*Meretricum* illi *Reginæ & Matri*, ad Fidem Dogma-  
tis suis *ineptis* quantumcunque *impis*que conciliandam,  
abunde sufficeret, si *Stylo* demum *Regio* subsignata  
exhibeantur omnia, *Teste Meipsa*: Privilegium, quod  
*Christus* quidem ipse, Ecclesiæ veri Nominis *Catho-*  
*licæ* verendum *Caput*, sibi in Terris versanti vix, aut  
ne vix quidem, vendicandum existimavit.

Vapulant hac in *Pagina Frares* isti in *Malo*: Nec  
( uti præ se ferre videatur Libelli Titulus ) tam *De-*  
*monstranda* suscipitur, quam *Deridenda* omnibus pro-  
ponitur Fides *Romano-Catholica*; & sub *Amoris* velo,  
*Reverentiaque* prætextu, quinta quasi sub *Costa* tra-  
jicitur. Perpetua nempe per omnes Epistolas *Ironia*  
lepidissime luditur; *Focis* adeo faceris, dentatis *Sal-*  
*ibus*, mordacibusque *Dicteriis*, ut magnus ille in isthoc  
scribendi genere *ETCHARDUS* noster, *Anglicano* usus  
Idiomate, nihilo felicius cum *Hobbio* (majori ipso met,  
quam scripserat, *Leviathan*) egisse videatur, quam  
Lingua Romana Ecclesiæ rebus Romanæ transigendis ap-  
tiori) *Walenburchicos* (novos istos Cœli Papalis *At-*  
*lantes*) tractasse noster hic censendus est *Author*.

Quin & alio etiam Nomine *Author* hic *noster* est;  
Natione sc. *Anglus* ( quid ni enim tantum *Ingenium*  
*Anglia* nostræ asseram, gratulerque? ) nec *ignobili* o-  
riundus *Familia*, unde patris *Emissariorum* Artibus pel-  
lectus, *Iniquitatis* Pontificiæ *Mysteriis*, non *initiat*  
modo, sed & *innutritus* fuerat, ad Nauseam us-  
que & Fastidium: Maturioris enim jam facto *Judicii*  
longius imponere nequierunt portentosa adeo *Papicola-*  
*rum* Dogmata, a quibus tam *Scriptura Sacra*, quam  
*Ratio* sana penitus abhorrent, *ipsique* etiam *sen-*  
*sus* una omnes resiliunt: quæ bene aculeatis ideo  
*Sarcasms* potius exhibilanda, quam nervosis *Argumen-*  
*tis* debellanda esse videbantur. De *Authore* nihil est  
quod amplius præfari ausim; Cum Ipsi etenim sub *mutu-*  
*ato* Nomine visum est delitescere, nollem ego commit-  
tere, ut Nomen *proprium* in Publicum proferendo, ex-  
acerbaris *Papicolarum* Odiis, ultricibusque ( *Sacrificu-*  
*lorum* præsertim, ) iris, aut *Ferro*, aut *Veneno*, peten-  
dum exponerem.



JANI ALEXANDRI FERRARIJ,

Cœnobitæ Augustiniani,  
Epistola Prima.

DE  
UTILITATE ATQUE NECESSITATE  
CATHOLICÆ FIDEI.

Ad  
*Reverendissimos Viros*  
ADRIANUM & PETRUM

DE WALENBURCH.



Ortiter sanè à multis, VIRI  
REVERENDISSIMI, ac va-  
rio successu pro Ecclesiæ in-  
columitate contra Hæreticos  
est decertatum; vix autem à  
quoquam cautiùs aut dexteriùs  
quam à vobis. Cum enim & Ra-  
tio & Experientia edocuisset, Sa-  
cræ Reip. nostræ nihil hæte-  
nus fuisse perniciosius, quam quod ipsa negotii, quod  
agitur, momenta ex Scripturarum autoritate, ac  
Veteris Christianismi principiis expensa fuerint; Vos,  
pro admirando ingenii vestri acumine, recte per-  
spexistis, non peremptoriis, & ad ipsam causam per-

tinentibus argumentis esse decernendum : utpote , quæ  
 Hæreticorum solertia inverti vel eludi facile possint ;  
 sed vel *dilatoriis exceptionibus* utendum , ac *decli-*  
*nandum* Scripturarum forum, *Judicesque* omnes, præ-  
 ter Pontificem nostrum, *recusandos* ; vel , quod præ-  
 primis vobis placuit , diuturnæ *possessionis ac præ-*  
*scriptionis* titulum obtendendum , prolixasque de *spo-*  
*lio* ordiundas esse querelas . Quam agendi ratio-  
 nem , (in foro quidem , & judiciis usitatam , in iis ve-  
 ro , quæ ad Divinarum rerum intelligentiam ac fi-  
 dem pertinent , antehac inauditam , ) cum accuratius  
 considerarem , non aliud colligere potui , quam  
 quod , pro incredibili persequi-ntia vestra , deprehende-  
 ritis , Controversias , quæ Catholicos inter & Hæ-  
 reticos agitantur , non in Sacro & religioso , sed  
 Forensi atque politico causarum genere versari . Ita  
 enim mecum animo reputabam ; *Quid contra veri-*  
*tatem præscriptio ? quid pro errore possessio valeat ?*  
*Acutius sane Reverendissimis Fratribus ingenium ,*  
*exquisitior eruditio , judicium subactius , quam ut*  
*forensen istam litigandi rationem , ad exquirendam*  
*aut stabiliendam Divinorum dogmatum veritatem trans-*  
*ferri posse existiment . Unde omnino crediderim ,*  
*Ipsos longe hic aliud agere , quam quod hætenus pu-*  
*tabam ; nec de Religione , sed de Imperio ; nec de*  
*Fide , sed de Obedientia disceptare ; ac dum adeo*  
*anxie & sollicitè Hæreticos in Ecclesia sinum redu-*  
*cere , omnesque secessionis causas eripere ipsis labo-*  
*rant , id unum contendere , ut Ecclesiæ imperio*  
*eos denovo subjiciant , partaque exuant libertate .*

Dici vix potest , *Reverendissimi Fratres* , quanta ,  
 quamque mirifica luce subito mentem meam cogita-  
 tio ista perfuderit , & quam clare protinus persequer-  
 rim , quod in isthoc argumento intentatum hætenus ,  
 sed impostertum omni opera & cura esset excolendum .  
 Nimirum vestro agendi modo consimilem quo-  
 que materiam , conclusioni convenientia principia , ac  
 thesi commodas hypotheses esse adaptandas ; ut , quæ Ca-  
 tholicorum Doctrinæ , Scripturæ Testimoniis , ac Vete-  
 rum Theologorum principiis propugnari haud pote-  
 rant , non forensi solum Marte defendatur , sed ex

reconditissimis quoque Civilis Prudentiæ axiomatibus demonstrêtur. Quod ubi à nobis præstitum fuerit, jam prævideo expedita fore omnia. Quis enim postea dubitaverit, ad stabiliendum tantum tamque late per omnes Terrarum Regionem diffusum, & in ipsos Potentissimos Imperatores, Reges, ac Principes, quantumvis invitos atque reluctantes, extensum Imperium, cujus nec par, nec simile unquam extitit, prudentia opus fuisse plus quam humana? Quis posthac credat, sola inermi eloquentia effici potuisse, ut imbellis Homuncio, pauperculi Piscatoris successor, ferocissimorum Imperatorum colla impune calcaverit; ut Reges solo nutu regnis excusserit; ut ipsas Cœlorum fores pro arbitrio increpandi, easque dicto & claudendi & referandi, & quorquor lubuerit, Hominum millia ad atras inferorum sedes detrudendi, atque inde reducendi potestatem habere creditus fuerit; ut denique sub extremi & æterni supplicii metu, ceu visibite quoddam in Terris Numen, non à iudibus & barbaris, sed à politicissimis quoque omnium fere terrarum Gentibus, fuerit adoratus?

Tria sunt Nûmina, quibus Mortalium natura ineluctabili quadam necessitate videtur esse subjecta, AMBITIO scilicet, AVARITIA, LUXURIES. Hæc nullis Philosophorum præceptionibus, nullis Legislatorum sanctionibus coerceri poterant. Unus inventus est homo, qui altiori longe, quam qui hominibus conveniat, fastu illa omnia conculcavit, sibi que soli indicata in triumphum deduxit; dum primum illud voluntariæ Obedientiæ, alterum Paupertatis, tertium Continentiæ, in voluntariis vinculis constrinxit; atque ipse, licet Servorum servus, Reges omnes pro mancipiis aut Vassallis; licet auro & argento destitutus, Universum Terrarum Orbem, ipsumque Plutonis regnum pro patrimonio, & licet Cælebs, omnique matrimonio solutus, alienos, quos lubet, thalamos pro suis habuit. Hæc quicunque paulo attentius consideraverit, nonne necesse est ut fateatur, Eum, qui talia patrat, verè elatum esse super omnem, qui dicitur, Deum, ac super omne Numen, in Dei templo assidens tanquam Deus,

*Es quod sit Deus, sese demonstrans ? Quæ autem  
a Deo fiunt, quis negabit Divina esse?*

Esuravit sane omnem Rationem, quicumque existimaverit, Rationis omnis destructionem Rationi adscribendam esse, atque a vulgari Rationis dictamine proficisci, quod sub prodigiosissimæ fidei obedientiam captiva ratio detrudatur.

An Hominum sensibus attribuamus; quod omnes fascinentur sensus? quod nullis tormentis, suppliciis nullis deterreamur, quin ea testemur vera esse, quibus & Visus, & Auditus, & Tactus, & Olfactus, & Gustus, & quicquid tandem nobis inest Sensus, aperte & constanter obloquitur? Quis non videt igitur Catholicæ Doctrinæ persuasionem ab aliis longe principiis provenire?

Enimvero Hæretici fatentur Divinam fuisse Apostolorum sapientiam: at illa tanta non erat, ut assequi potuerint, quæ arte super exilia ista, atque natura sua ad tale institutum ineptissima fundamenta, quæ a Magistro Jesu locata viderant, tam vasti Imperii moles extrui queat; licet illos satis ambitiosulos, regnandique cupidos, adeoque dubio procul Politicorum arcanorum non incuriosos fuisse, Evangelica Historia testetur. Quod si igitur Divina illa, quæ Apostolis obrigit, prudentia, si ad hanc nostram comparatur, mera sit stultitia, nec Sacri nostri Domini existerit fabricatrix, quantis elogiis Pontificum nostrorum sapientia erit celebranda? Certe Divinissimam eam dici oportet, utpote quæ Divinam ipsam longissime superarit. Nam Diabolicam esse, ne ipsi quidem Hæretici affirmare ausint. Fatentur enim omnes, Pontificem nostrum Principem esse potentissimum, qui non aliquam tantum Italiae partem, & in ea Mundi caput, sed & omnes fere Terrarum Regiones dominio suo vel premar, vel perrenet, totque possideat castra ac munimenta, quot Tempia & Coenobia per Universum Orbem dispersa jacent, totque addictos sibi habeat milites, quot Sacrificuli, Monachive aluntur. Jam autem Hæretici, ex iis, quas in hunc ipsum finem ad Clerum, populumque Romanum Apostolus perscripsit, literis didicerunt



cerunt, Non esse potestatem nisi à Deo; quæ enim sunt potestates, eas à Deo ordinatas esse; adeo ut, qui potestati resistat, Divinæ ordinationi obliſſetur. Qua fronte igitur negent Ecclesiæ potestatem à deo exiſtere, Divinamque esse ordinationem? Unde & ipsos huic ordinationi subſciji debere, atque eum in finem, non uno, sed duobus gladiis Pontificem armatum esse diſerte ibidem testatur Apostolus. *Cap. xiii. Comm. vi.*

Nullum nec in Urbe, nec in Orbe, exiſtit malum, quod Deus non faciat, quæ Calvinistarum, juxta Prophetam, constans est doctrina. Jam autem ipsi clamant, nullum majus unquam exiſtiſſe malum, quam sit Pontificia potestas. Necesse est igitur, ut à Deo eam esse concedant. At quod à Deo est, quisnam negarit Divinum esse? Quo autem modo Ecclesiæ originem Divinam esse demonstravimus, eodem ejus conſervationem Deo adſcribendam esse cenſemus. Quanta excogitata inſidiarum strues, quanta adhibita machinarum vis atque multitudo, quibus Sacrum iſtud Imperium jam ab aliquot ſeculis convellere, atque evertere ſtuderunt Terrarum Domini! Fruſtra tamen omnia & in caſſum; nimirum, ut cunctis innotescat, juſtiſſimum rerum omnium Judicem huic Monarchiæ præſidere. Qui & potentiam ejus in aliquot ſecula duraturum Oraculis ſuis prædixit, & ei fini *Erroris Spiritum atque efficaciam ſeductionis* quam liberaliſſimè Humano generi ſe elargiturum promiſit.

Verum quo prolabor? Non nobis ex Scripturis, utpote alienis, & ad præſens inſtitutum minime idoneis; ſed ex propriis atque genuinis principiis, Univerſa Catholicorum Fides, quatenus ab Hæreticis Proteſtantibus oppugnatur, eſt demonſtranda. Id quod commodiſſimè à nobis expeditum iri ſpero, ſi admirabilem Religioſi Imperii machinam diſtinctius contemplemur, omneſque ejus leges, & repudiatas ab Hæreticis opiniones ex ordine perpendamus.

Quantum autem ad tractationis hujus methodum, animus erat *Euclidæam* adhibere, qua ex paucis fundamentis univerſam Sacræ Monarchiæ ſtructuram erigerem

rig rem ; verum experientia edoctus comperi, tam varia, tam diversa, tam inter se contraria firmamenta ab Architectis fuisse ruderata, omniaque mirificientissimis artibus adeo affabre concinnata & cœmentata, ut cuncta simul uno obtutu exhibere non liceat. Quædam enim extant, quædam inclusa aliisque oblecta latent, ut difficile sit, eo quo juncta sunt ordine, singula repræsentare.

Tria tamen fundamenta omnibus aliis substructa deprehendi : *Definitionem unam, Axioma unum, unum Postulatum.*

## DEFINITIO.

*Ecclesia est Imperium Spirituale, sed visibile, quo homines fidem ab uno Spirituali, sed invisibili capite, Pontifice scilicet Romano, præscriptam proficiuntur, conformemque ei obedientiam præstant.*

## AXIOMA.

*Quicquid ad Ecclesiam hujus defensionem atque amplificationem facit, id in ne. Et volum censeri debet verum esse, pium, atque sanctum.*

## POSTULATUM.

*Liceat Ecclesiam hanc extendere usque ad fines Terra.*


Quam-

Quamvis vero hæc prima sint principia , quæ sola omnem demonstrationis apparatus non constituunt , sufficiunt tamen illa firmandis reliquis principis omnibus ; quæ ipsa quoque suo loco in apertam lucem protrahemus , ut de iis ne Hæreticorum quidem obstinatissimo dubitare liceat. Rationes autem quibus inductus fui , ut de hac materie ad Vos potissimum scriberem , *Fratres Reverendissimi* , jam ex iis , quæ narravi , abunde patent , ut superfluum videatur pluribus eis exponere. Quod si sanctum hoc institutum iudicio vestro comprobaveritis ; ea , quæ epistolari brevitate adumbranda jam suscepi , diligentius aliquando , & exactius digesta serie , & proximioribus Commentationibus comprehendam , omnesque Catholicæ Religionis artes , qua potero simplicitate atque ingenuitate explicabo. Sic Val. te in Domino. Parisiis Cal. Aug. A. à Beatæ Virginis partu c. 1661. LXVI.

---

  
 JANI
 

---



JANI ALEXANDRI FERRARI  
Cœnobitæ Augustiniani,  
DE  
CATHOLICÆ FIDEI

Utilitate atque Necessitate ,  
EPISTOLA SECUNDA.

Ad Reverendissimos Viros  
ADRIANUM & PETRUM  
DE  
WALENBURCH.



QUOD nuper vobis promiseram, *Viri Reverendissimi*, me singulorum Catholicæ Fidei capitum utilitatem atque necessitatem ex ordine demonstraturum; id Vestris jam auspiciis, Vestroque ductu aggredior; Igoscite moræ, quam alia, quibus distractus fui, negotia hactenus interposuere. Polliceor vicissim, majori eam diligentia atque promptitudine in posterum me esse compensaturum; modo ea, quæ scribimus, judicio Vestro comprobentur.

Primum igitur, cum ipsa doctrinæ ratio postulet, ut ea cæteris omnibus præmittantur, quæ aliis & certitudinem conciliare, & lucem quandam inferre possunt; à *Verbo DEI* initium faciendum esse

esse arbitramur. Illud enim, licet Hæreticorum erroribus quam proximas commodissimasque occasiones præbeat, a Nostreis tamen, incredibili quadam & divina propemodum dexteritate, ad usum institutumque nostrum ita inflecti atque accommodari solet, ut nos utilissima nostra dogmata, non minus quam Illi perniciosissimas suas opiniones, iis superstruere videamur. Quare non solum Catholici Scriptores, atque eos inter Celebratissimus *Bellarminus*, verum ipsius quoque Sacro-Sancti, quod *Tridenti* habitum est, *Occumenici Concilii* Præsides, omnem de Religione tractationem inde ordiendam esse censuerunt; istamque de *Verbo DEI* materiam, primam omnium disceptandam proposuit Legatus Cardinalis de Monte, *per istabilire, conqualli armi si dovesse pugnare contra gli Eretici, ed in qual base dovesse fundare la lor credenza i Catholici*, ut ipsa Eminentissimi *Pallavicini* teneamus verba, eademque opera ostendamus, quam certam semper ce-  
*reas istas Scripturas* ad partes suas pertrahendi fiduciam habuerint Catholicæ Fidei Doctores. Quamvis enim ibi *Er. Vincentius Lunellus, Silvestri Prieria, Eckii*, aliorumque Antecessorum exemplum secutus, de *Ecclesia* prius disputandum existimaverit, tanquam de priori ac solidiori Theologiæ firmamento, cui & Sacrarum literarum, & Traditionum autoritas unice inniteretur; consilium tamen istud, non à malo quidem animo profectum, sed certe imprudens ac periculosum, à reliquis Patribus rejectum fuit, eo quod Ecclesiæ autoritas ut rara jam, fixa ac determinata poni, nulloque obtentu in controversiæ discrimen adduci deberet; ne impia forte aliqua, vel invitamentem subiret atque sollicitaret dubitatio. Quare neque nos istam *Romana Ecclesiæ Divinitatem* inter demonstrandas Veritates collocavimus, sed eam priori jam epistola, tanquam primum indubitatumque posuimus principium; ea lege, ut quicumque illud negare vel in dubium vocare audeat, non imbelibus saccis verbis, sed urgentibus verberibus corrigendus, ac nisi mature serioque respiscat, tanquam Sponsæ Christi Violator, Sacræ perturbator Reip. tum Divinæ, tum Semi-Divinæ

Hist. Conc.  
 cil. Trid  
 lib. VI.  
 cap. XI.

Joh. XV.  
comm. VI.

Divinæ Majestatis læsæ reus, vel *ad* blasphemantis lingue *excidium* condemnandus; vel *è* *Viventium* tolendus *terra*; & expiatrixibus utulandus sic flammis, juxta Ipsius Christi præceptum, *Nisi quis in me* ( id est, in Ecclesia, quæ unum cum capite constituit corpus ) *permanserit, abjectus extra vineam statim ut palmes arefcet* ( id est, extra Ecclesiæ communionem eliminatus, variis cruciatibus ita emaciabitur & torquetur, ut ad ignem concipiendum eo sit aptior ) *Deinde congregentur isti palmites, & in rogam obijciantur; & ardeant.*

Nec sane alia incunda est via; cum ex vulgato scholæ præscripto, *Contra negantem principia non sit disputandum*, nosque jam exploratum habeamus, Ecclesiæ nostræ autoritatem iis annumerari debere, quæ *ἀναπόδεκτα*, sive *indemonstrabilia* a Philosophis vocantur, quæque ipsa licet probari non possint, aliis tamen probandis inserviunt.

Neque nos conurbare hic debet, quod multo cum clamore Hæretici blaterant, *indemonstrabilia tribus modis dici*; esse nimirum quædam, quæ ob falsitatem, vel obscuram perplexitatem, atque incertitudinem demonstrari non possunt; alia vero *indemonstrabilia* esse eo quod tantam tamque apertam habeant veritatis lucem, ut animo nostro, ubi vel tantillum iis attenderit, continuo approbentur, nihilque præferri possit, quod firmitus iis sit, aut evidentius; quædam denique talia dici, non quod omnino demonstrari nequeant, sed quod demonstrata jam fuerint, adeoque ulteriori probatione non indigeant; sed in ratiocinationis progressu tanquam certa jam & evidentia principia assumantur. Illi igitur Ecclesiæ nostræ autoritatem primo significato indemonstrabilem esse, per deridiculum quidem concedunt; secundo, & tertio negant. Imo inde conficiunt; cum, Vobis Ipsis monentibus, *Intellectus citra rei evidentiam aut probationem, temere ei assentitur*, Ecclesiæ autoritatem non nisi temere credi. Ego vero eam tribus illis omnibus modis, adeoque κατ' ἐξοχὴν, simpliciter, & perfectissime indemonstrabilem esse censeo.

Etenim eam primo significato talem esse vel inde

De prob.  
per testes  
cap. 1. §. 1.

manifestissime patet, quod, omnium confessione, non ad scientiam pertineat, sed ad fidem, adeoque, juxta Basilium τὴν ἐν τῇ ἀβαστανιστῇ πίστεως ἐπιζητῆσιν. Nam, ut recte *Glomens* A'lexand. πίσει θελαμ. βάνουμ ἀναπόδεικτον τὴν ἀρχὴν. Quæ quidem Ille de Verbo Dei, quod sua se luce manifestat, nos vero longe accomodatius de Ecclesia pronuntiamus. Unde mirum non est, cum Fides omnium consensu sit obscura, ut pote τῇ μὴ ἐλεπομένων, quod & ista propositio, *Ecclesia Romana est divina fidei & morum præceptrix*, non adeo evidentis certitudinis esse videatur. Est tamen inter hanc & alias ob falsitatem vel obscuritatem indemonstrabiles propositiones, discrimen hoc immane quantum atque ingens, quod reliquæ solummodo demonstrari non possint, hæc vero demonstrari nec possit, nec debeat. Id enim certe fieri non debet, quod si quis faciendum suscipiat, & Seipsum ludibrio dabit, & summam rei in discrimen adducet. At quicumque Ecclesie auctoritatem ex vulgo notis principiis demonstrare enitur, illum, experientia attestante, nec esse vel in infinitum circumagi circulum, vel in obscurio a semper, atque incertiora incidere.

Unde ipsis quoque Hæreticis astipulantibus concludimus, Ecclesie Romanæ Divinitatem primo sensu esse indemonstrabilem.

Quomodo autem talis quoque dici possit secundo significato, id paulo difficilioris est disquisitionis. Nam, ut recte etiam monuistis, FRATRES REVERENDISSIMI, evidentiam frustra queras in rebus Romanæ Fidei, utpote quæ sunt de non-apparentibus, hoc est, Interprete Apostolo, de iis, quæ non existunt; unde evenire solet, ut quando verba ista audimus, *Ecclesia Romana est Omnium Magistra*, non firmum statim assensum iis præbeamus, quasi indubitata subesset veritas, nec vim ullam in animo nostro sentiamus, quæ ad credendum compellamur. Quocirca propositio ista non videtur annumeranda iis, quæ simplici mentis intuitu simul atque perceptæ sunt, nobis approbantur. Verum enimvero, ut difficultas ista tollatur, diligenter est

In Psalm  
cxix. as-  
sensum re-  
quiri fides  
non proba-  
te.

Stromar.  
lib. viii.

fide am-  
plectimur  
indemon-  
strabile

principium  
Heb. xi. l.

eorum  
quæ non  
videntur.



est attendendum; Animum hominis dupliciter posse  
 esse affectum; Vel enim est rudis & ab omni, quod ad  
 rem faciat, præjudiciò liber; vel congrua institu-  
 tione dispositus, ac veluti odore quodam imbutus.  
 Ille ut plurimum ad percipiendam hanc veritatem  
 idoneum lumen non habet, imo interdum ad cre-  
 dularitatem adeo est obstinate indocilis, ut non nisi  
 eo lumine, quod ex succensa splendescit pyra, effi-  
 caciter collustrari queat: Hic vero ita est comparatus  
 ut sine ulla ratiocinatione aut erroris formidine in  
 utrumvis, quod ajunt, oculum, Ecclesiæ Romanæ  
 indormiat, & pro scientiæ fideique omnis extremo ha-  
 beat Venerabile istud & Viro dignum *Ipsa dixit.*  
 Talis autem animus ea solet esse perspicientia, ut  
 quæ vel oculatissimi se Videre negant phasmata,  
 ille distincte accuratissimeque omnia cernat; haud  
 secus atque illi qui Dominica die vitalem lucem  
 primitus aspexerunt, & Lemures & Lamias, & quæ-  
 cunque alia *noctium occurfacula*, & *hustorum for-  
 midamina*, & *sepulchrorum terriculamenta* videre di-  
 cuntur, quæ alii quacunque luce, aut quocunque  
 sub fidere prognati, si cætera vel Lynceos habeant  
 oculos, nequeant deprehendere. Neque sententiæ  
 huic nostræ derogare quippiam debet, quod istius-  
 modi, quæ diximus, ingenia insipida plerumque sint  
 atque inepta, & quod iis, quæ infirmissimo ætatis  
 tempore a Nutricibus aut Pædagogis præscripta Ip-  
 sis ac veluti imperata sunt, sine ullo examine aut  
 delectu adhærescant. Non enim inde consequitur,  
 quod in isthoc notitiæ genere non acutius cernant,  
 quam alii. Nunquid enim Ipsa experientia docet,  
 Eos qui imbecilliori sunt visu, in crassissimis tene-  
 bris mille rerum species ac discolors figuras conspi-  
 cere, quæ Aliorum quantumvis vegetam effugiant  
 aciem; Nunquid & ii qui ex nimio febris ardore de-  
 lirant, ea sapissime inveniunt suaque in aginatione  
 complectuntur, quæ sanæ mentis Homines omni  
 studio atque contentione assequi non possunt; Nec  
 minus tamen oculorum hebetudo, & febris, & de-  
 lirium, in vitiis ponuntur. Ita licet stupor atque  
 stoliditas, & inepta ad quodvis credendum propen-  
 sio

no, inter animi virtutes non recenscantur, solent tamen illa Hominem ita instruere atque perficere, ut principium hoc nostrum de Ecclesiæ autoritate, primo statim occurſu amplectatur, ipsique firmiter adhæreat. Oportet enim, ut intertaculatas nostras, & eas res quæ nobis obversantur, certâ quædam ratio atque proportio intercedat, ut, quod in eum finem, in spem scilicet. carduorum, mature obdurescant.

Quare nemini mirum videri debet, quod ea quæ de Romanæ Ecclesiæ Divinitate asserimus, Intellectui nondum initiato, nec principiis nostris assuetis, tantisper videantur obscura, donec, ut solennibus mysticæ Theologiæ vocabulis utar, ita fuerit *stultificatus*, ut ad non apparentiâ rationis entia percipienda deveniret capax. Quod ipsum quibus artibus consieri possit, & jam a Sapientibus nostris hactenus factitatum fuerit, & nos alias fusiùs & peculiari tractatione docebimus.

Atque ita quidem ostendimus fundamentalem nostram de Ecclesiâ doctrinam, & primo & secundo significatu esse *indemonstrabilem*; restat ut tertio quoque sensu, hoc est, ex factæ Jam demonstrationis hypothesi talis esse dicatur. Id quod ex priorî nostra epistola aperte constat. Jam enim ibi Pontificiæ religionis, & in ea fundatæ potestatis demonstrationem, non *a priori* quidem, ut Scholastici loquuntur, *a posteriori* nihilominus confectam dedimus.

Unde speciminis tamen ergo vel unicum hic repetamus argumentum, illudque vestro exemplo in hanc trianguli formam rotundemus;

*Potestas, cui viribus humanis resisti non potest, illa cælitus est delapsa.*

*Atqui Potestati Ecclesiæ Romanæ humanis viribus resisti non potest.*

*E. Ecclesiæ Romanæ potestas cælitus est delapsa.*

Prima Propositio per se est clara; alteram multorum seculorum experientia probat. Unde tertia rigida perstar, atque immota ————— veluti *Marpesia cautes*.

Quod si quis adeo immobilis sit cerebri, ut quan-

tumvis syllogistica circulatione in gyrum circumagatur, de vertigine tamen possit esse securus, is demonstrationis hujus propositiones *per Testes* etiam confirmare poterit, Vestro, *Viri Reverendissimi*, exemplo, qui superiori anno admirabilem istam à ICris petitam probandi rationem promulgastis, & à nescio cujus Helmstadiensis Theologi ineptiis, tanto cum successu defendistis, ut in posterum nihil solidi vobis videatur à Protestantium Theologis expectandum, si nimirum & divinæ & Humanæ Jurisprudentiæ ignari fuerint, quales scil. In *Julia* ista Academia hæcenus fuerunt *Calixtus*, *Conringius*, Eorumque Discipuli, miselli plane Tenebriones atque inficetum Hominum genus.

In Præf.

De Monach Hist.  
cap.  
XVIIII.

*Testium* autem aliquot adduci possent cohortes, qui de invicta Romanæ Ecclesiæ Majestâte scripserunt. Nunc unicum tantum producam, sed qui & de præteritis & de futuris temporibus testatur, Historicum simul & Prophetam, beatissimum *Campanellam*; *Quid si*, inquit ille, *omnes Principes & Populi omnia sua auxilia conferant ad solvendum Papatum, nihil tamen efficient. Si expeditio Crucigerorum saltem unica indiceretur, omnes ubique Religiosi, quorum multe sane milliones, ad arma provolarent, mundo universo lingua gladiisque vestituri ac terrorem incussuri. Neque enim Populi contra Homines sacros arma inferre essent ausuri; atque nisi omnes, maxima tamen illorum pars esset succubitura, ceteri vero sic exterriti animum abjicerent. Et etiamsi Papa sceleratus sit homo, tamen Princeps gladium in eum stringens, vincetur etiam vincens; id quod in Rogerio Guiscardo Rege Neapolitano manifestum factum est, qui pralio vincens, Papa pedibus tamen osculum figere coactus fuit.*

Imo idem ille syllogismus ( adhibita tamen ea, quam diximus, cautione ) ex innumeris Sacrarum Literarum testimoniis probari posset, ex quibus unum sufficiat; *Datum est* ( scilicet à Deo ) *Ei Ecclesiæ Septicollis* bellum facere cum sanctis & vincere eos, & data est ei potestas in omnem tribum & linguam & Gentem. Et adorabunt Eam Omnes habitantes in

*in terra.* Unde Ipsamet in suis ipsius admirationem raptâ, *Sedeo Regina*, inquit, *nec sum vidua, nec videbo luctum.* Habet enim promissam. quod *portæ inferorum ei non prevalebunt*; & promissi rationem; Nam si *Satanas adversus se ipsum dissideret*, quomodo staret regnum ejus? Apoc. xii. 7. Apoc. xix. 11. Luc. xi. 18.

Denique, quemadmodum Philosophus nuper hypotheses suas propterea pro certis assumpsit, quod omnem rerum Universalitatem iis superstruere, atque omnia phænomena inde explicare potuerit, sic nos quoque eodem jure principium nostrum ponimus, ac duobus istis syllogismis confirmamus;

*Illud cui immensa aliqua, & ex mille partibus composita moles, adeo firmiter immititur, ut nusquam vacillet aut nutet, omnino solidum est fundamentum.*

*Atqui huic Propositioni, Ecclesie Romanæ Auctoritas est Divina tota Pontificii Imperii moles immititur. E.*

*Item: In quod omnia dubia possunt resolvi, ita ut ipsummet non solvatur, illud est primum dubiorum omnium principium.*

*Atqui hæc Propositio, &c. E.*

Sic à Vobis, **FRAIRES REVERENDISSIMI**, didicimus in forma argumentari, id quod ad persuadendum mirificentissimam efficaciam habere dicitur, adeo ut non dubitem, quin Hæretici jam vel his syllogismis pertetrati, manus suas, sint daturi. Quod nisi extemplo fiat, proxime ad demonstrationes de Verbo Dei pergemus. Vos interim favete & plaudite. *Parisis, in Conventu majori.* Cal. Octobr. CIO IO CLXVI.

## JANI ALEXANDRI FERRARI

Cænobitæ Augustiniani  
Epistola Tertia,

A D

Reverendissimos Viros.

A DRIANUM &amp; PETRUM

D E W A L E N B U R C H



UIBUS rationibus inducti  
Ecclesiæ Romanæ autorita-  
tem inter ἀναπόδευκτα sive  
indemonstrabilia retuleri-  
mus, ipsamque adeo demon-  
strationum nostrarum seriem  
à Verbo DEI ordiendam esse  
statuerimus, id superiori  
jam epistola fusiùs est expli-

catum. Quare ad iustitutum ipsum nunc accedemus,  
atque omnes per universam Theologiam, à Lutheri,  
& Calvinì Sèctatoribus in controversiam vocatas pro-  
positiones, primum nude simpliciterque proponemus,  
dein singulis, ubi opus erit, explicationem, ac po-  
stremo loco demonstrationem subiciemus. Quantum  
autem ad probationis formam attinet, animus qui-  
dem erat *sylogisticis figuris* uti, verum consiliùm  
postea mutavimus, consultiusque judicavimus, ra-  
tiones nostras libero potius atque continuo sermone ex-  
ponere, quam eas vel ad *Barbara* sinum effigiare,  
vel in *Celarentis* aut *Felapionis* includere modulos,  
præsertim cum omnis illa *sylogistica* textura, si ad  
Vos respiciam, inutilis penitus fuisset atque super-  
vacanea. Audio enim omnia quæ vel oculis vel auribus  
vestris usurpatis, ubi vel extimam *pinalis* vestræ *glan-*  
dula

*dula superficiem attingunt, vi quadam plane mirifica, & tantum non transubstantiativa, in formales syllogismos confestim triangulificari.*

QUOD IGITUR TOTI SACRO-SANCTÆ MONARCHIÆ FELIX FORTUNATUMQUE, & Omnibus, qui Papæ Numen invocant, ad viram opimius splendidiusque transigendam, utile sit atque salutare, esto.

## PROPOSITIO I.

*Ad obtinendam salutem Religio aliqua est absolute necessaria.*

## EXPLICATIO.

CUM propositum nobis fuerit non nisi ea demonstrare Catholicæ Fidei capita, quæ à Lutheri & Calvini Afflectis impugnantur, mirum fortassis alicui videbitur, quod isthanc Propositionem probandam susceperimus. Eam enim & illi non tantum ut veram defendunt, sed etiam ut necessariam urgent, & adversa sentientes ex ipsa hominum societate ejiciendos existimant. Mirari tamen ille desinet, ubi cognoverit, eandem quidem verbis, sensu vero diversissimam ab Hæreticis sententiam statui. Nam quantum quidem ad vocem RELIGIONIS, idem Illis sonat atque Nobis; *metum* scilicet *Invisibilis alicujus, & supra humanam conditionem elata Potestatis, quæ à Mortalibus, ut pote inferioribus atque impotentioribus, submisso cultu est prosequenda.* SALUTIS vero vocabulum, licet generatim ab utraque partium eodem sensu accipiat, pro summo nimirum atque extremo Veritatis, Pietatis, & Sanctitatis, adeoque universæ Religionis fine; speciatim tamen diversissimo usurpatur significatu. Cum enim

Def. 1.

Def. 2.

Def. 3.

ex *axiom. unic. ep. prim.* illud solum pium, verum & sanctum censi debet, quod ad Ecclesiæ, id est, ex *def. un. ib.* imperii Pontificii defensionem atque amplificationem facit, necessario colligitur, voce SALUTIS, nihil aliud Nobis significari, quam *aspectabilis illius, quod sub Christi nomine Vicarius E-* *jus in terris exercet, Domini magnitudinem, atque* *perpetuitatem.* Hæretici vero longe aliter vocabulo isto abutuntur, ad notandum scilicet nescio quod imaginarium Christi regnum, quod *invisibile* dicunt, hæc quidem terrarum *internum*, in coelis vero *æternum*; & quod cum nostra salute, id est, cum Romani Imperii incolumitate consistere posse diserte negant. Ubi, ne quis forte erret, in transitu observandum, Imperii Romani nomine haudquaquam nobis intelligi profanum illud, quod vulgo hodie vocant l'Empire d'Allemagne, Germanis **das Römische Reich**, sed isthuc nostrum vere sacrum, imo sacerrium, quod Pontifex Noster Vice-Deus in terris administrat. Nam quantum ad Cæsares, & reliquos Mundanos Reges, illi nec Romæ sunt, nec in urbem illam quicquam obtinent juris, imo quicquid habent, folius Ecclesiæ beneficio possident, tanquam *feudum*, eoque nomine Ipsius sunt *Vasalli*, unde imperite & ridicule admodum, Romanorum sive Imperatores, sive Reges vocantur.

Hæreticorum igitur explicatio toto Cœlo à nostra distat, dum illi per *salutem* intelligunt eam, quam immortalitatis nimium avida, ac proinde credula Mortalitas, in Elysiis, credo, campis fruendam expectat, beatitatem; nos vero certam ac præsentem felicitatem notamus; quam posteriorem significationem priori nobiliorem longe atque excellentiorem esse, & ad faciendam, quod aiunt, multo plus facere, vel inde patet, quod ex omnium Prudentum iudicio, *bona certa, atque præsentia, futuris & dubiis sine præferenda*, adeoque & Ecclesia de præsentibus semper gaudeat.



## DEMONSTRATIO.

**C**UM per *Salutem* nihil aliud intelligatur quam Ecclesiæ incolumitas, *ex def. Prop. 1.* Ecclesia autem *ex def. un. Epist. 1.* sit regnum spirituale, quod in metu & obedientia spirituali, adeoque *ex def. 1. prop. 1.* in religione unice consistit, necessario colligitur, salutem sine aliqua religione obtineri non posse; id quod erat demonstrandum.

Vis hujus complexionis adeo evidens est & firma, ut non sapientes solum omnes Legislatores, & Rerum-publicarum Architecti, ab omni ævo eam observaverint, sed & pueri hodie in scholis discant, Remp. etiam mundanam consistere nullam posse, nisi ipsi vel præstuaratur, vel prætexatur saltem Religio. Politicorum vero Cyclici quique scriptores (quorum innumerabilem in Germania vestra *pullulaginem* hoc seculo *vermiculari* Eminentissimus Noster *Richelius* solebat dicere) ex *Platone, Aristotele, Tullio, Seneca*, ad nauseam usque sexcenties dictant, ac milles confarcinatis systematibus repetunt, Religionem Imperiorum fundamentum esse. Quod quidem non adeo operose erat inculcandum, cum nemo de eo dubitare possit, nisi qui & expers plane sit omnium rerum & in omni Rep. peregrinus. *Quod si enim*, ut cum *Plutarcho* loquar, *universum terrarum orbem perlustras, invenire possis urbes muris, literis, legibus, domibus, numismate carentes, gymnasiorum & theatrorum nescias; urbem templis Diisque carentem, quæ precibus, jurejurando, oraculis non utitur, non bonorum causa fieri facit, non mala sacris avertere conetur, nemo unquam vidit. Facilius ego urbem condi sine sole possepudem, quam opinione de Diis penitus sublata, civitatem coire, aut constare.* Atque hoc est quod *Saxædæ*, cum erubesceret iterum dicere, quod toties dictum esset, pingere maluit, Reip. columnis, legibus puta, in

Contra  
Coloten.

*Effais*  
l. 2. c. 16.

vere fluctuantibus, nisi religionis basi innitantur. Idem, sed nove & breviter, ut pleraque, *Montanus* noster; *Toute police a un Dieu a sa tete*. Nimirum hominum prudentium & sapientium negotium semper fuit, populum in religionibus fallere, ut pulchre notavit *D. Augustin. de Civit. Dei lib. iv. cap. 23*. Ut enim actiones venerabiles fiant, ad Deum sunt referenda, ex consilio *Camp. de Mon. Hiss. cap. 9*. quandoquidem omnes Divinam potentiam pluris faciunt, quam humanam, ut recte observavit *Santissima Papa Alex. VI. a Conciliis sapientissimus Machiavellus in discurs. de Republ. l. 1. 11*. Nec, si Hominis naturam consideres, res aliter se habere potest. Sunt enim omnes homines natura æquales, ut vere *Hobb. de Civ.* unde ex naturalis illius æqualitatis sensu, adeoque ex generali atque omnibus mortalibus communi ambitione, non ita facile se homo homini, quam Deo subicit. Ut vero homo ineluctabili necessitate compulsus, in societate vivere possit, pactis quidem & legibus sese obstringit, verum illæ leges non nisi in externos actus, & eos quidem certis rationibus probatos, armantur, adeo ut non tam ipsa scelera, quam scelerum deprehensio, nec tam malitia, quam imprudentia puniri videatur. Quisquis igitur injurias, adulteria, rapinas, homicidia, occulte committere possit, is certe leges humanas parum curabit, nisi lex alia sit, quæ intus, & in animo male agentis intenet minas. Hinc *Polybius* postquam narrasset, religionis curam superstitionemque apud Romanos tantopere auctam esse, ὥστε μὴ κατὰ λίσσιν ἐπεβόλῳ, tanquam ex profundis tenebris lucem aliquam eminens adventantem per simulam conspiciens, addit: ἐμοὶ γὰρ μὴν δοκεῖ τῇ πλείσθις χάριν τῶτο πεποι-  
κέναι. πάν γὰρ πλῆθος ἐστὶν ἐλαφρόν, καὶ πλείους ἐπιθυμιῶν φαινόμενων, ὀργῆς ἀλογῆς, θυμῶς ἐλατῆς. Λείπεται, τοῖς ἀδύλοις φόβοις, καὶ τῇ τοιαύτῃ τραῦδίᾳ τὰ πλῆθη συνέχειν. Hæc *Strategematorographus* iste, cui si quis nolit credere, nã ille damnandus est, ut non *Lipsii* solum *Monita* (est enim exiguus nimis libellus) sed ponderosa ipsius

*Fr inn.*  
*ad Ant.*  
*Fabr. de*  
*relig. reg.*

R. P. F. *Adami Kunken* Politica, cum omnibus suis notis & appendicibus, & universis Germanorum Locis Communibus, jejuno stomacho, ac sicco gutture deglutiatur. Sed ohe! ad institutum.

Quod si igitur ad quodvis Imperium stabiliendum atque conservandum, necessaria sit religio, quanto magis ea ad hoc nostrum requiritur, quod totum sacrum est atque spirituale, nec à Profanis Homini-  
bus, sed à sacratissimo Pontifice administratur. Per religionem, inquit, sæpius jam laudatus nobis *Thomas*, Papa dominatur *Europæ, Asia, Africa, America, &* ut uno verbo dicam, omnibus Christianis hujus mundi. Qui enim Religionis Majestate pollent, iis obfisti non potest. Aspice *Sauuelam*, qui *Saulum* solio imposuit, rursusque deposuit, electo  *Davide*. Papa vero quid non in isto genere ausus est atque effecit? Aspice *Mosen*, qui solus cum *Levitis & Sacerdotibus*, arma induit contra populum *Israeliticum* rebellantem, & contra *Principes*, qui cum uxoribus suis millionem numero excefferant, atque armis unius tribus sacerdotalis, trucidavit una die trigesies ter mille homines. De his Sacerdotibus vere dici potest, quod in eorum manibus vivus sit sermo *D E I & efficax*, & penetrabilior omni gladio accipiti, & pertingens usque ad divisionem animæ ac spiritus, compagum quoque ac medullarum, ut ait *Anonymus* quidam in *Epist. ad Judæos. cap. 4.*

De M. H.  
c. 19.

Id. c. 18.

PRO:

## PROPOSITIO II.

*Religio autem naturalis ad salutem non sufficit*

## EXPLICATIO.

*Def. un.*

**P**er religionem naturalem, intelligimus; comprehensionem notitiarum de superiori aliqua & invisibili Potestate, sive illæ humanis mentibus congenita sint, sive ex contemplatione Universitatis Rerum, certâ quâdam ratiocinatione collectæ. Notationes illæ Nostraticis dicuntur *Les cinq point du Catechisme des Deistes*; Germanis, *du sunst Haupt Sutz der allgemeinen naturlichen Religion*. Explicavit eas inter alios ex Nostris quidem, Venerabilis Pater *Garaffus*; inter Hæreticos vero *Herbertus*, in Theologia sua fundamentali, quam duobus libellis, altero *de Laicorum*, altero *de Gentilium religione* est complexus; quorum tractatuum priori, obstetricatus est Vir omni Omnium laude & veneratione major, atque eo ipso nomine nobis non nominandus; alteri vero sesquihæreticus ille Belga, quem nostis, ingeniosissimus *Isaacus Vossius*. Recensentur autem articuli isti hoc ordine. 1. Esse aliquod supremum Numen. 2. Numen illud coli debere. 3. Virtutem, cum Pierate conjunctam, optimam esse rationem Cultus Divini. 4. Resipiscendum esse à peccatis. 5. Dari præmium vel pœnam post hanc vitam.

Nos quinque ista axiomata, adeoque religionem naturalem, negamus sufficere ad salutem.

DE-

## DEMONSTRATIO.

**E**X quinque illis modo commemoratis religionis naturalis capitibus, non sequitur Omnes Mortales Romano Pontifici obedientiam debere. Potest enim quis credere, 1. *esse quoddam Numen*, sicut non credat Alium, præter Reges ac Principes, Numinis istius Vicarium, eumque Universalem & Spiritualem in terris existerē. 2. Potest credere *Numen illud coli debere*, nec tamen inde persuasum habere Pontificis nostri vel nates vel pedes, (perinde enim est, cum totus uniformiter sit sanctus) esse deosculandos, aut ipsum in elevatione super Altari adorandum. 3. Potest credere *virtutem, cum Pietate conjunctam, optimam esse rationem cultus Divini*; dubitabit tamen, an Virtus omnis consistat in liberalitate erga Clerum, & an omnis Pietas cœcâ erga Ecclesiam obedientiâ absolvatur. 4. Potest credere, *resipiscendum esse à peccatis*, licet sacramentalem Pœnitentiam penitus ignoret, nec sacro aliquo fido à sacerdote absolutionem redimendam putet. 5. Tandem potest credere, *dari præmium vel pœnam post vitam hanc*, licet forte existimet, Poëticum fuisse, ac minus sincerum istuc *Sinceri Adii* ad Clementem alloquium.

Sanna2.

*Magne Parens, custosque hominum, cui jus datur uni,  
Claudere cœlestes, & referare fores.*

Proinde *ex defn. un. h, propos. & def. 3. prop.*

1. Religio naturalis non sufficit ad salutem. Id quod erat demonstrandum.

COR-

## COROLLARIUM

*Ergo, ex solo lumine natura non constat, Pontificem Romanum esse Dominum Universi, nec mysterium hoc omnibus Gentibus est revelatum.*

**S**UNT, qui obijciunt, omina Gentilium, oracula, & auguria, quibus Romanæ potentix æternitas, ab antiquissimis temporibus fuit præsignificata. Enimvero fateor, miracile esse, atque omnium, & quatuor & duodecim Hebræorum Vatum oraculis, & Urois Romæ primordiis, longe vetustius istuc Prophetæ Homeri *Iliad.*

Νῦν δὲ δὴ Αἰνεῖάο εἴη τρώεσσι ἀνάξει,  
καὶ παῖδες παίδων, τοίκεν μέλοπι δὲ ῥώνται

*Nunc autem Trojana Aeneas sceptrum tenebit.  
Et Nati Natorum, & qui nascentur ab Ipsis.*

Quippe Jupiter Romanis,  
— *nec metas rerum, nec tempora ponit;*

*Imperium sine fine dedit;* —

Ut Maro postea vaticinatus. Nec per viros tantum sed & per mulieres fatidicus ille Spiritus Romani Domini æternitatem prædixit. Legimus enim istuc *Erinna* Poetrix, quod, ut Delphicam majestatem propius accedat, Græco sermone referemus;

Χαῖρε μοι Ρῶμα θυγάτηρ Ἀρηῃ  
Χρυσόμιτρε, διάϊφρων ἄνασσα,  
Σομνὸν ἄναιεῖς ἐπὶ γαῖς Ὀλυμπον  
Αἰὲν ἄθραυσον.

Σοὶ μόνῃ πρέβεται δίδωκε μοῖρα  
Κῦδ' ἄρρηκτῳ βασιλῆϊον ἀρχαῖς,

"Οφθα-

Ὅρα κοίραν' ἔχουσα χάρι' ὅ

Ἀγεμονεύης.

Πάντα δὲ Φάλλων ὁ μέγιστος αἰὼν,  
Καὶ μεταπλάσων βίον ἄλλοτ' ἄλλως  
Σοὶ μονᾷ πλησίον ἔρον ἀρχάς  
Ὅν μεταβάλλει.

Quæ Romano idiomate ita se habent;

Filiæ ò Martis mihi Romæ Salve ,

Aureo regina decora cultru ,

Quæ vel in terra stabiles Olympi

Incolis arces.

Nam dedit soli Tibi cæna Parcas,

Regium sceptrum *minime atterendum*,

Ut potens rerum domineris una,

Imperitesque.

Ipsa quæ gaudet variare cuncta,

Resque transformans Hominum Vetustas

Spirat hæc uni tibi semper auram à

Puppe secundam.

Nam ex *Charonensis* augurio, *Fortuna quidem*  
*alata est* & *vaga*, & modo *Assyrios*, modo *Medos*,  
*Persas*, *Macedones*, *Carthaginenses* *lustravit*, *Eos-*  
*demque destituit*, sed ad *Tiberim* alas posuit, volu-  
*bilem globum reliquit*. & urbem perpetim inhabita-  
*tura intravit*.

Tandem & in extremam admirationem merito om-  
nes rapit Vates *Venusinus*, qui non Romani tan-  
tum Imperii, sed Pontificatus quoque nostri perpe-  
tuitatem, æthereo, quo repletus erat, spiritu agi-  
tatus, præcinuit ;

Non omnis moriar, multa que pars mei

Vitabit Libitinam : usque ego postera

Crescam laude recens, DUM CAPITO-  
LIUM SCANDEY CUM TACITA  
VIRGINE PONTIFEX.

l. 3. Od.  
ult.

Id est, in æternum. Quæ ultima verba Para-  
phrastes



phraſtes noſter Gallus , Venerabili *Marolio* longè venuſtior , prægnantibus vocibus ita reddidit ; *tandis que le Pontife montera au Chateau de St Ange quelque religieuſe , qui le laiſſera faire & ne diſa mot. c' eſt à dire , tandis que le Monde durera.* In quem locum noviffimus Commentator monet inſpiciendas eſſe Pontificum , itemque Dominarum *Marozia , Theodora , Vannocia , & Olympia* vitas , non ſane quas Hæretici ſcripſerunt , ſed quas uuper *Lugduni* edidit *Rev. P. F. Franciſcus Carriere , Aptienſis Minorita Convent D. Theol.* amicus noſter ſingularis , & quem honoris cauſa nominamus.

Sunt igitur qui exiſtimant , Hominem attentum , & ſalutis cupidum . ex his & conſimilibus Gentilium oraculis , Pontificii Imperii Divinitatem atque æternitatem , colligere facile potuiſſe , adeoque *Romana Eccleſia Poieſtatem EX IPSO LUMINE NATURAE* Mortalibus innotescere.


Verum enim vero quicumque illi ſint , qui contra *Corollarii* noſtri veritatem talia obſectant , iudicio quidem meo oppido falluntur. Nam primum quidem oracula iſta nequaquam Univerſali Naturæ Lumini , ſed vel Paucorum aſtutiæ , vel Lectorum potius & Interpretum , quam Autorum ingenio ſunt adſcribenda , neque ad Naturalem religionem , ſed ad *Σαμωιων διδαχαιαν* , hoc eſt , ad potiſſimam partem myſtici Choragii pertinent. Deinde , licet iſta præſignificent Imperii alicujus Romani , atque in eo Sacerdotalis Ordinis æternitatem , minime tamen iſthanc portendunt Monarchiam , quam in univerſum fere terrarum orbem *Pro-Chriſtus* Noſter extendit. Hoc enim eſt myſterium à ſeculis abſconditum , nec niſi ultimis temporibus revelatum , quod nec oculus antea viderat , nec audiverat auris , neque in cujuſquam deſcenderat mentem. Quippe inter profanum illud Regum , Conſulum , aut Cæſarum Imperium , cui olim *Roma* obnoxia fuit , & inter hoc noſtrum , immenſa interjecta eſt abyſſus , illudque ab iſto ſuperatur.

*Longius terræ plaga quam remoto  
Diſtat Olympo.*

*Ele.*

Eleganter discrimen hoc explicuit *Nepotismi* Scrip-  
tor, cujus legendi mihi nudius tertius demum copi-  
am fecit R. P. *Sempercus*, & ex quo, cum dubitem,  
an ad manus vestras jam pervenerit, paucula isthuc re-  
ferenda duxi, *Parve nata Roma* per *ignoraggiare* l' U-  
niverso, e cio si può dire con buona ragione, mentre  
l'ha signoreggiato e signoreggia. — Ma nel tempo che  
Roma era Repubblica, nel tempo che gli Imperadori era-  
no in Roma, Roma non s'ingerì mai a comandar le  
conscienze, ne obbligo in alcuni tempo, L'anime degli  
Huomini, arender tributo così grande al Vaticano. —  
Il Pontefici tutto al contrario confondono insieme, e lo  
Spirituale & temporale, volendo di queste due potenze  
un sol corpo, & attaccandosi piu allo spirituale che al  
temporale, obligano e i Principi e i Popoli a prestarli  
un'ubbidienza sì esatta che la sola memoria spazienta il  
pensiere ed il cuore, Quel chiudere i Pontefici le por-  
te del Paradiso al lor modo, quelle aprir quelle dell'  
Inferno al loro piacere, oblige i Popoli a scordarsi del-  
la ubbidienza dovuta a loro Principi, e di prostrar-  
si riverenti a loro piedi. La Repubblica che dominava il  
Mondo con la politica, gli Imperadori Romani che lo  
signoreggiavano con l'armi, i Tiranni che lo forza-  
no con la Tirannia, non penetrarono mai, massime così  
recondite, ne seppero humiliare i Popoli alla lor divo-  
tione, come s'humiliano al presente Hæc Ille. Ex  
quibus omnibus constat, vanum esse quod Nonnulli  
dicunt, universalem Pontificis nostri Monarchiam, ex  
lumine Naturæ pervideri posse. Proxime ad alia pro-  
grediemur. Vos vero quam optime valete, *Viri Re-*  
*verendissimi.* Paris. in Cony. maj. Id. Novembr.  
1666.

*Il Nipo-*  
*tismo di*  
*Roma*  
*part. I.*  
*lib. I.*



JANI ALEXARDRI FERRARI

Cœnobitæ Augustiniani.

De

Utilitate atque Necessitate  
CATHOLICÆ FIDEI,  
EPISTOLA QUARTA,

Ad Reverendissimos Viros,

ADRIANUM & PETRUM

DE

WALENBURCH

VIRI REVERENDISSIMI



B exortu pene Urbis Martie stre-  
natarum usus adolevis, autoritate  
Tatii Regis, qui verbenas felicitis  
arboris ex luco Strenuæ, anni no-  
vi aspice, accepit. Nomen indi-  
cio est, Viris Strenuis hæc con-  
venire ob virtutem, atque ideo Vo-  
bis hujusmodi insigne debere, quorum divinus ani-  
mus

*mus magis testimonium vigilantia, quam omnia expe-*  
*dat.* Agnoscitis Symmachi verba, quibus Ille *Va-*  
*lentin.* Theodos. & Archadium Augustos olim est  
 veneratus, sed quibus Reverendissimas Vestras Dig-  
 nitates, potiori longe jure, majorique merito, nunc  
 compellamus, quod *Srenuam* adeo operam, non *In pras.*  
 profani alicujus Imperii causa, sed pro sacro Ec- *Metk.*  
 clesiae Romanae Principatu, hactenus navastis. Vos *August.*  
 enim estis, qui mandato *Sauctissimi D. N. Al-*  
*exandri VII.* ad *Rbeni tractum* tunc Nuntii *Spo-*  
*stolici* (super quem nunc sint preces & pax in *Ca-*  
*stello Gandolphi*) ex armamentario vestro primi pro-  
 tulistis tela novae plane fabricae, ac Priscis Mortali- *ibid.*  
 bus incognitae, *AUXILII* nimirum *SCU-*  
*TUM, & GLORIAE GLADIUM,* quae  
 quanto terrori fuerint Protestantibus, Evangelicis, Re-  
 formatis (quibusvis tandem censeretur nominibus)  
 satis constat ex aliis clamoribus, atque

*horrendo ululatu,*

Quo Illi aerem undique complerunt. Adeo, ut  
 circa illa ipsa tempora (agebatur autem annus fere  
 hujus seculi quadragesimus tertius) *Catti* trans Tau-  
 num, & *Melibocum* excitati, ad arma fortius concla-  
 maverint, suaque adversus *Ubios*, quorum sedes tunc  
 habitabatis, praesidia locaverint, tanta cum trepi-  
 datione, ac si extremum sibi metuerent à redivivo  
*Germanico*, aut *Silio*, exitium.

Sed non ob Vestram solum *Strenuitatem strenas* Vo-  
 bis Catholica Ecclesia debet, verum etiam propterea,  
 quod unper Calendis ipsis Jannariis arma illa vestra à  
 rubigine quidem nonnihil exesa, sed de novo expoli-  
 ta, *Venerabilibus Archiepiscop. Moguntino, & Co-*  
*loniensi, Pastoribus, & amicarum curam gerentibus,*  
*strenae* loco obtulistis, simul ipsos cohortari, ut no-  
 vo isto anno, novis animis *Haereticos* vincant, de-  
 que iis, si minus publice atque solenniter triumphent,  
 intra conopea saltem sua, festivè ovantes tripudi-  
 ent. Postulant enim strenarum leges, ut Donan-  
 ribus

tibus *α'νδ'ωρα* mittantur, quandoquidem ex vereri instituto, munera

*Hoc damus, alternis accipimusque, die.*

Quare cum doni illius usus sit omnibus communis, adeoque ad me etiam pertineat, ne inter Alios & ipse ingratus esse existimarer, Vobis, *Viri Reverendissimi*, & ob publicæ salutis defensionem, & ob esimiam Vestram liberalitatem; munusculum aliquod offerendum iudicavi; non sane *auro ductum*, cum pro Cœnobitica nostra paupertate, *divitis metalli honore non gaudeamus*; sed, quale à tenuitate mea proficisci potest, chartaceum istuc, quo nonnullas consignavi nuper à me cœptas, Vobisque inscriptas, Catholicæ Fidei demonstrationes.

In quorum serie, ut ad ipsam rem accedamus, ex instituti nostri ratione nunc sequitur

## PROPOSITIO III.

*Ad obtinendam salutem, sive ad Regalem Pontificatum Romæ stabiendum, atque conservandum, opus est, præter religionem Naturalem, alia, quæ supernaturalis dicitur.*

### EXPLICATIO.

Quod per salutis adeptionem nihil aliud significetur, quam Regalis Romani Pontificatus stabilimentum, ex Prop. I. aperte constat. Unde & nos vocibus istis eodem sensu promiscue utemur; Id quod hic semel monuisse sufficiat.

Per

Per *supernaturalism* vero religionem, intelligimus *Def. un.* illam dogmatum ac rituum congeriem, quæ non ex communi, atque omnibus usitato rationis dictamine, sed ex singulari aliqua, & immediata Numinis revelatione, uni alicui, vel paucis Mortalibus innotuisse, atque ab eis ad alios propagata esse dicitur. Quam descriptionem si conferas cum *def. un. prop. 2.* facile intelliges, quodnam inter utrumque religionis genus sit discrimen. Enimvero & hanc, quam *supernaturalem* dicimus, *civilem* quoque nominare possemus: vel enim ad civitatem solum constitutendam atque conservandam est excogitata; vel, si Ipsum Deum revera Autorem habeat, & ad sublimiorem, æternumque finem destinetur, non minus tamen huc conducit. Ne dicam quod legibus civilibus observantia ejus ut plurimum imperetur; adeoque & illo sensu *civilis* dici possit. Ista tamen appellatione, quoniam nullam Audientibus ingerit religionis venerationem, abstinere maluimus, quemadmodum & voce *præternaturalis*, utpote quæ nescio quid alienum, & odiosum sonat. *Supernaturalem* igitur diximus, vocabulo ex nobiliori particula composito, quodque menti nostræ augustiorem quandam ideam imprimit.

## DEMONSTRATIO.

Quandoquidem ex *Prop. 1.* ad Sacri Imperii constitutionem necessaria est aliqua religio; Naturalis vero ex *Prop. 2.* non sufficit; oportet utique, ut in hujus opem atque supplementum, altera illa accedat, quæ supernaturalis dicitur. Id quod erat demonstrandum.

Simplice illo, quem Natura omnes edocuit, cultu, vix ulla unquam Civitas contenta fuit; sed semper eum vel ceremoniarum illustravit splendore, vel novorum dogmatum accessione adauxit; sive illa ab

aliis tradita acceperit, five suoapte excogitavit ingenio: adeo ut si universalis omnium Hominum consensus, ad veritatem aliquam stabiliendam, sufficiat, hinc quoque firmiter concludi possit, supernaturali aliqua opus esse religione. Quod si autem solennior illa, atque operosior cultus divini Pompa, ad quamcumque Remp. Conservandam requiritur; nemo ita stupidus fuerit, quin pervideat, quantopere ea ad nostrum Imperium sit necessaria, utpote quod totum, quantum quantum est, in sacri choragii institutione, defensione, atque amplificatione consistit.

## PROPOSITIO IV.

*Religio illa supernaturalis ita debet esse comparata, ut ex se, & principiorum suorum natura, ad salutem collineet.*

### EXPLICATIO.

**D**uo sunt *mediorum* genera; alia ex se & suo ingenio ad scopum aliquem feruntur, alia vero, *præter suam naturam*, alicui quadam eo intorquentur. Illa plana sunt, nativa, genuina, recta; hæc violenta, artificiosa, fucata, obliqua: illa proinde faciliora ac firmiora, hæc difficiliora ac lubrica, & quæ, si maxime ad institutum nostrum inflectantur, ex improvviso sæpe nos destituunt, & ad Naturam suam subito recurrunt. Quandoquidem autem, ut in scholis loquuntur, *Mediorum bonitas in relatione & sufficientia ad finem unice consistit*, utpote à quo illa & amabilitatem omnem, & ordinem, & mensuram accipiunt, necessario colligitur, ea perfectissima



ma esse atque optima, quæ ab ipsa natura, internis-  
que principiis, ad finem aliquem obtinendum sunt  
destinata.

## DEMONSTRATIO.

**C**um ex *prop.* 3. religio supernaturalis sit me-  
dium ad salutem necessarium; ex *hypothes.* au-  
tem *Ontosoph.* *hujus Prop.* illa mediorum sint op-  
tima, quæ suapte natura ad finem aliquem feruntur,  
consequitur necessario talem religionem supernatura-  
lem statuendam esse, quæ ex se, & principiorum su-  
orum genio ad salutem tendat. Id quod erat demon-  
strandum.

## PROPOSITIO V.

*Ubi igitur per Antecessorum, sive inscien-  
tiam & imprudentiam; sive malitiam,  
sive contraria nobis studia, jam aliqua su-  
pernaturalis religio invaluit, quæ ad no-  
stram salutem non conducit, deleri eam  
oportet.*

## EXPLICATIO.

ET

## DEMONSTRATIO.

**C**um vel *Raristarum* tyrunculi norint, media  
non esse nisi propter finem, adeoque & hoc sub-  
lato

*lato illa tolli* , ampliori explicatione non est opus.

Certe hæc non ignoravit , quantumvis rudis cætera, atque indoctus ille Camelarius *Mubammed*, qui ex Chadigæ amoribus imperium quæsiturus curculionis sui pretium, cum & veterum æmulorum suorum tribulium Koseischitarum idololatriam, Sabæorum religionem, & superstitionem Judæorum, & Christianorum fidem ab instituto suo dissidere animadverteret, omnia illa abolevit, aliumque substituit cultum ex superioribus commixtum, ac novis adauctum dogmatibus. Neque aliis fine, abdicata illa Muhammedis doctrina, *Persæ* recentius prophetantem *Alim* hodiernum sequuntur, nisi quod communem inimicis imperiis cultum periculosum fore credant, consultiusque existiment, inter Ipsos *intergerinum*, ex interpolata saltem religione, *parietem* statui.

Sed quid opus Infidelium recensere exempla, cum Deum Ipsum Autorem in hac causa laudare possimus? Is enim, cum suam in Israele Theocratiam per *Mosen* esset crecturus, non idololatriam solum, & rectæ Rationi dissentaneas opiniones, ritusque delevit; verum etiam ipsorum Noachidarum, admiranda *Seldeni* industria nobis unper restitutam, religionem, novis præceptionibus, ceremoniisque cumulavit, eumque præscripsit cultum, cujus singula capita, licet ad mysticos fines referrentur, *Rationi* tamen *Status* quam maxime inservirent. Sed quam ipsam religionem, ut ut Divina auctoritate stabilitam, multisque miraculis atque prodigiis formidabilem, *Feroboamus* postea non parum immutavit, quando ex decem à Jnda avulsis tribubus, novum imperium constituturus, sedem quoque religionis novam constituit.

Verum de his, ubi *Superiorum indulgentia* operatum mihi, meoque genio, conveniens otium nancisci poterō, animus est aliquando fusius disserere, desumpto translationis argumento ex *Maimonidi More Hannev. part. III. cap. XXVI.* & *Regis Cosarcorum part. IV. §. 13.* quem utrumque librum,

Jud

si animus forte horret *Reuchlinistico*, ab Academia vestra jam olim damnato, caractere exaratum perlegere, in Cœnobii nostri Bibliotheca habemus lingua ( *al vostro servizio* ) Latina expressum, à Celebrissimo inter Judaizantes Calvinistas interprete, *Baxtorfio* Filio, nuper quidem denato, sed cujus, & propriam, & paternam gloriam, in Nepote ubertim revirescere narrant semihæretici *Flavignii* nostri discipuli, adeo ut si quis fortean inter legendum occurrat scrupulus, superstitem sciatis qui omnem possit eximere.

## PROPOSITIO VI.

*Illam igitur religio supernaturalis, quæ ad salutem non conducit, quam ocysissime uno impetu & aperta vi destruat, modo id tuto & commodè fieri possit: sin aliter caprim ac sensim, lentisque artibus immutetur, servata semper eadem externa specie, donec ad salutem comparandam sit profectè qualificata.*

## EXPLICATIO.

**D**uplici potissimum ratione aboleri aliquid potest; vel manifesto scilicet atq; violento molimine, vel occultis insidiis, tacitisque progressibus. Prior ille modus commodissime adhibetur, quando ea, quæ delera cupimus, paucis, iisque solidis, & in omnium oculos incurrentibus partibus consistunt, ita

ut nec varios admittant gradus, nec diversis sese habeant modis, adeoque particulatim dissolvi & occulte labefactari vix possint. Istæc consultum est uno ictu dirui, atque simul tota subverri. Si enim eorum ruinam lenta opera, ac leviori brachio moliaris, frustra eris, nec quicquam efficies, nisi quod intempestive consilium tuum prodes, Aliosque excitabis, ut primo statim limine, Te tanquam Corruptorem & Novatorem inclament, & omnia curiosius observent, & ad validius tibi resistendum instrumenta congerant. Verum ibi ante omnia accuratè Tibi erit perpendendum, an iis sis instructus auxiliis, iisque prædiis munitus, quæ rebus uno impetu everrendis, & adversis omnibus opprimendis atque frangendis sufficiant. Quod si epim tantæ vires Tibi non suppetant, alteram tentabis viam, qua laneis pedibus, suspersoque gradu, ac velut per cuniculos ad Institutum pervenias. Atque hæc posterior via maxime ineunda est tum, quando ea quæ abolitum imus, ex plurimis partibus constant, iisque & variis, & minus conspicuis, & quæ & angere & minui, & intendi & remitti, & multis modis commisceri, adeoque varie se habere possunt; ita ut licet revera immurentur, in eodem tamen statu permanisse, vel saltem ab eo non multum recessisse vulgo videantur. Nam si cunctas illas partes simul remove, iisque omnibus una opera novas substituere velis, fieri non potest, quin turbas concites quam maximas, summamque inducas confusionem, ex qua vel nunquam elucteris, vel cum ignominia pedem cogaris referre, vel denique Pestilentissimam Tibi confles invidiam. Estque hoc imprimis observandum, quando ea, quæ evellere conaris, jam altas egerunt radices,

*Et jam per longas invaluerunt moras.*

Ut enim semper aliàs, ita hic maxime, mutationes vehementes atque subinatæ sunt periculose

sz; unde & in *Propositione* nostra diximus, religionem supernaturalem, quæ jam inolevit, sed ad nostros usus est inepta, uno impetu debere quassari, **MODO ID TUTO ET COMMODE FIERI POSSIT**; sin; alteram inlisse viam, tutiorem longe, & non rebus solum, sed & Hominum ingenio magis accommodatam. Ita enim à Natura comparati sumus, ut blande induci & circumveniri malimus, quam aperte cogi, & lenitatem, quamvis insidiosam atque fallacem, lubentius admittamus, quam vim manifestam; Quin etiam ubi nobis imprudentibus negotium ad finem est perductum, licet postea nos deceptos deprehendamus, solemus tamen ut plurimum præsentì rerum statu conquirere potius, quam pristina, magna cum difficultate dubioque eventu, revocatum ire,

Continet autem posterior isthæc methodus duas præceptiones; quarum altera, ut *sensim atque occulte res immutentur*; altera, ut *earum eadem retineatur externa species*. Quæ duo si recte observentur, incredibiles producunt fructus; & qui ipsam, si *D. Aquinatem* audias, summi Numinis Omnipotentiam excedere videntur. Iis enim efficitur, ut *partibus singulis, tandemque omnibus sublatis, totum nihilominus integrum permaneat*: quo contradictionem tamen implicari *Thomistæ*, atque *Occamistæ* ad unum omnes docent, uti à meo beatæ memoriæ Præceptore D. N. de Raconis in *Coll. Navarrazo* me olim audire memini. Verùm nos, *Scotistas* sequimur, tum & (eos, à quibus potius, quam à Theologis, Catholicæ religionis defensionem, in posterum sperandam esse docuistis.) **JURISCONSULTOS**. Ita enim *Alfenus* l. 76. ff. de *judiciis*. Proponebatur, ex his *Judicibus*, qui in eandem rem dati essent, nonnullos causa audita excusatos esse, inque eorum locum alios esse sumptos; & quærebatur, singulorum *Judicum* mutatio, eandem rem, an aliud indicium fecisset? Respondi; Non modo si unus aut alter, sed & omnes *judices* mutati essent, tamen & rem eandem, & *judicium* idem, quod antea fuisset, permanere, Neque in hoc solum

In exam.  
princip

ere.

eventire, ut partibus commutatis eadem res esse existimetur, sed & in multis ceteris rebus. Nam & legionem eandem haberi, ex qua multi decessissent, quorum in locum alii subjecti essent, & populum eundem hoc tempore putari, qui abhinc centum annis fuissent, cum ex illis nemo nunc viveret; itemque navem, si adeo saepe refecta esset, ut nulla tabula eadem permaneret, qua non nova fuisset, nihilominus eandem navem esse existimari. Quod si quis putaret partibus commutatis aliam rem fieri, fore ut ejus ratione nos ipsi non iidem essemus, qui abhinc anno fuissimus, propterea quod, ut Philosophi dicerent; ex quibus particulis minimis consistereamus, hæc quotidie ex nostro corpore decederent, aliaque extrinsecus in eorum locum accederent. Ubi Glossatores monent, hoc obtinere in iis qua successive, & per partes; non vero simul tota mutantur.

Atque idem novi Metaphysicorum Doctores, ipsique etiam Hæretici, tradunt. Quorum omnium instar nobis erit *Claubergius*; Vir duplici quidem hæresi, & *Cartesianismo* nempe, & *Calvinismo* infectus; eoque duplici nomine, modo *Tutoburgensium* sepulchra in nostra potestate essent, comburendus; sed Amplissimo tamen nostro *Clercelevio*, & Amicissimo *Rovrao*, ob singulare ingenii acumen, & orationis perspicuitatem, multum laudatus.

Ille igitur Ontosoph. §. 294. Tota, inquit, hæc disputatio, de eodem ac diverso, potius ad modum cogitandi & loquendi pertinet, quam ad res ipsas in se spectatas. Unde sapientum, & vulgi, non eadem hæc in re sententia & oratio; imo nec eadem sapientum inter se: quemadmodum, cum ex aliis constat exemplis, tum ex illa Philosophorum disputatione de nave Thesei, qua legitur apud *Plutarch.* in Theseo.

§. 295.

Si non simul & semel, at paulatim & sensim sit mutatio facta, atque ita vix animadversa, res ple-

plerumque dicitur eadem. Sic ignis, qui ( ut bene Aristot. lib de Furent. cap. 3. fluminis instar perpetuo gignitur & fluit, quanquam id præ celeritate nos lateat, idem tota nocte putatur, si continuo fo-  
 veatur alimento: At si extinguatur ignis semel totus, ac postea demum excitetur, alius esse perhibetur. Si navis alicujus partes omnes eodem tempore destru-  
 untur, alia numero esse dicitur, quæ ejus loco à novis lignis exstruitur: At si per partes reficiatur navis, & plurimum demum annorum decursu tota mu-  
 tetur, non pauci homines, eandem esse, judicabunt; exemplo navis Thesei, in qua postremò, veteris ne una quidem tabula supererat. Hæc identitatis ratio tota ab incuria & inconsiderantia nostra pendet, ut-  
 pote qui mutationem sensim & paulatim factam, etiam si non minor sit eâ qua simul & semel contin-  
 git, pro nulla fere habemus.

## §. 296.

Licet omnia accidentia externa, quæ incurrunt in sensus, mutantur, dummodo maneat invariatum a-  
 liquod fundamentum, sæpe res eadem esse censetur. Exemplum habemus in cera liquefacta & fervida, re-  
 spectu consistentis & rigida, in qua sensibilia cun-  
 ctæ variantur: Sed manet extensum & mutabile sub-  
 jectum, certis proprietatibus ceræ essentialibus prædi-  
 tum.

## §. 297.

Si manserint partes principales, licet minus prin-  
 cipales pereant, totum judicetur idem. Ex. gr. si eadem vocetur domus, cujus fundamentum & muri conservantur, quamvis reliqua omnia destruantur.

## §. 298.

Si vel tota mutetur materia, dummodo forma qua-  
 dam eadem conservatur, totum haud raro dicitur i-  
 dem



deus permanere. Ex. gr. eadem civitas vel Academia nunc putatur quæ ante centum annos, quamvis alii nunc exstant omnes cives, quam tunc fuerit. Quid autem nomine FORMÆ in talibus intelligendum sit, generali conclusione vix definiri queat. Nam, si Civitatem eandem dicas, quia eadem jura & privilegia & ordinem & locum retinet; non tamen iis vel omnibus, vel plerisque mutatis diversa illico putabitur. Academia manens eadem licet transferantur, ut sit tempore pestis, aut belli. Civitas potest ex urbe egredi.

§. 299.

*Omnis igitur identitas, quæ rebus tribuitur, requirit aliquod fundamentum, quod vel revera vel apparenter maneat immutatum. Unde & ipsa vel vere, vel apparenter tales; vel secundum esse, vel secundum dici tantum.*

Miraremiui procul dubio, Viri Reverendissimi, quod Metaphysicis istis observationibus tamdiu immoramur; nili Vos ipsi exploratum haberetis, hic totum sacrosanctæ Monarchiæ mysteriosum latere fundamentum; atque his incunabulis, ab ineunte Ecclesiæ ætate coeptum fuisse magnum istuc monstrum ali. Quare omnino operæ peritium existimo, ut hisce meditando animum quam diligentissime advertamus; certo persuasi, quo potius ista intellexerimus, eo felicius atque expeditius in reliquis omnibus nos esse versaturos. Neque in religione rectificanda quicquam obveniet difficultatis, modo ex istis Principiis artem simulacra condendi, & larvas conficiendi, vel mediocriter addicerimus. Cui rei magnam asserre potest facilitatem, quod artem colores obducendi, & fucos faciendi, jamdudum utilissima industria, ac summo humani generis commodo, in certum præceptionum systema concinnatam habemus ad cujus quoque usum minori labore nobis comparandum, exempla in omni humanarum actionum genere occurrunt quam pluri-

ma; quæ imitari possimus, quando & ipsa rerum  
Natura, & Hominum ingenia, varias nobis suggerent  
opportunitates.

## DEMOSTRATIO.

Cum *ex prop. V.* ea religio, quæ ad salutem  
obtinendam non est idonea aboleri debeat; *ex iis*  
autem *quæ modo explicata sunt*, aboleri non possit,  
nisi vel *vi*, vel *arte*; necessum est alterutrum modum  
pro temporum, & locorum, aliarumque rerum condi-  
tione adhiberi. Id quod erat demonstrandum.

Verum plura alias. Jam enim tabellarius urget.  
Ita valete in Domino. *Parif. è Conv. maj. Janu-*  
*ar. A.* à beatæ Virginis puerperio cdo Io c Lxvii.

---

  
JANI  

---

JANI ALEXANDRI FERRARI

Cœnositæ Augustiniani,

DE

CATHOLICÆ FIDEI

Utilitate atque Necessitate ,

EPISTOLA QUINTA.

Ad Reverendissimos Viros

ADRIANUM & PETRUM

DE

WALENBURCH.

VIRI REVERENDISSIMI,



RISTEM BREVIŒGII  
Scholastici vicem ex animo doleo.  
Curavi jam hodie pro salute Ejus  
ad D. *Matburini*, Scholasticorum  
omnium Patroni, pulvinaria rite  
adorari, & sacra celebrari quam  
solennissimam. Audiveram quidem

ante hac sapius ipsum *λεποδυνία* laborare; nescie-  
bam tamen eo deventum, ut Bona Mens Eum perpe-  
tuo deficeret. *Guidonem* nostrum consului, Medicum,  
ut nostis, experientissimum, & qui Vos verbis su-

is quam officiosissime saluari iussit. Egroti nomen subicui, morbum tantum exposui, ejusque symptoma-  
 ra. Jubeat Ille *mediam pertundi venam*, tum eam  
 adhibere medicandi methodum, quam *Stentorea* la-  
 borantibus præscripsit *Fabritius Bartolettus*. Adivi & *Metb in*  
 alium Medicum; qui morbum istum in simplici in- *Dyspnæ-*  
 genii marasmo consistere putat: veretur tamen ne in *am sive de*  
*totalem*, adeoque incurabilem cerebri cachexiam, *respirat.*  
 quam proximè divergat Ego meliora sperarem, modo  
 vel semel Ipsi daretur ad se redire. Præsens forte esset  
 medicamentum illud, quod vulgus nostrum *Anti-*  
*monie*, Latino-Galli *Anti-monachum* vocant, &  
 quod Hæreticis quibusdam acuratissime præparatum  
 esse intelligo. Neque enim, credo, religio Ipsi e-  
 rit ab Hereticis salutem petere, quam vel à Ju-  
 dæis Christiani receperunt. Verum hic sisto; neque  
 Amicissimi Hominis fato jam Vos abunde afflictos,  
 insuavioribus literis diutius detinebo. Dialogum mit-  
 to, quem heri ex Italia accepi, de quo quid sentia-  
 tis, quam primum mihi significetis, rogo. Paris.  
 ex Conventu majori Cal. Maiis. C I C I C I  
 XVII.

## DIALOGUS

inter

*Sonam & Rophæum.*

*Hebr. Sona  
 est inimi-  
 ca; Rophæ  
 Medicus.*

*Sona Ec-  
 clesiæ Ro-  
 mana.*

*Rophæ*

**P**ericuloso Te morbo laborare audiui, Bellissima  
 Sona; unde huc accessi, ut pro ea animi de-  
 votione, qua & Parentem, & Sponsum Tuum colo,  
 mea Tibi officia, Medicamque opem offerrem.

De Tua quidem in me benevolentia gratias Tibi  
 debeo, Experientissime Rophæe, sed ut ista de cau-  
 sa ad me venires, nihil erat opus: Iniquam adversus  
 me

*Lutherus,*  
*Calvinus,*  
*Avasseu-*  
*matinos.*  
*Roph.*  
*Sona.*

me famam spargunt Homines Invidi ac Malevoli, & osque inter, sceleratissimi Transfugæ *Reibulus* & *Ushulca*, quos ego mecastor si haberem, adeo depexos darem, ut —

Ne quæso irascaris, Dulsicima Domina.

Ecquis æquo etiam animo ista possit perferre? An nunquid ipse, mi Rophæe, & ex facie mea & ex totius corporis habitudine cognoscis, quam pulcherrime me valere?

*Roph.*

Liceat, quæso, tua cum venia libere & aperte dicere quæ sentio. Puellula cum esses, minus quam nunc videbaris formosa. Nam & facies Tibi nigricabat quasi *solibus perusta*; & ex crebra *ἀσποππᾶν* corpusculum Tuum macilentius erat & aridius; necdum comptulos istos habebas cincinnulos; neque gestibus inerat lascivior illa agilitas; neque lætæ accesserat decus; non purpura, non palla aut intexta, non gemmis fulgida, Sordidam videre Te memini & pannosam, longe infra dignitatem Natalium Tuorum, dignitatique Hymenæi. Jam vero Te habitiolem ac superbiorem video: Vultus Tui blandior; & illecebræ; & frons generosior; & elata incessus majestas; & nitidior corporis cultus; & vestium splendor; suppellectilis apparatus; & ebore istuc atque auro renidens lacunar oculos omnium adventantium, mentemque, ita perstringunt, ut *Diva* instar hic sedere videaris. Verum ista omnia integram valetudinem haudquaquam promittunt. Non nescio proprium esse sceminarum laudari velle; neque Tibi visum iri inurbanum & invenustum, qui vitia Tua in os Tibi ingeram. Verum & Medici & Amici officium me (spero) reddet excusatum. Quando igitur Te propius contueor, fucata omnia (ingenue dicam) & asciticia comperio, nec nativum pulchritudinis florem, neque vegetum corporis deprehendo robur. Oculi ipsi, nescio quid veneni spirant, & tæbe quadam infectos emittunt radios; istaque emplastra, quibus faciem hinc inde distinxisti, non tam nitorem ejus commendare videntur, quam maculas tegere, & morbi occultare indicia; neque est, quin videat, purpureum istum immixtum candido colorem,

ceru-

cerassæ potius, & minio, quam efflorescenti sanguini deberi. Signa porro adsunt manifestissima, ex quibus foeda Te lue infectam suspicor, Cedo igitur, ex quo tempore Te morbus inceserit.

Quasi horam notaverim.

Necesse est utique tempus designes, ex quo cœpisti laborare, ut intelligam recens, an inveteratum sit malum.

Cedo igitur & Tu, Bone Senex, qua hora cœperis adeo morosus esse & importunus, Ecquo momento cœpisti senescere?

Eo ipso, quo nascebar.

Qui fieri potuit, ut adolesceres simul ac senesceres, cum duo isthæc sibi sint adversa?

Mitte arguari. Jam aliud agendum instat. Sed quid rides?

In mentem venit disputatio *Septimi Amasii* mei: Ille licet decrepitum sit filicernium, contendebat tamen heri se Juvenem esse. Aiebat, cum à nemine designari possit hora vel locus quo senescere, & viribus deficere cœperit, utique neminem dicere posse, quod consenuerit; atque inde colligebat se ab Omnibus debere haberi Juvenem, & succulentum quidem, integri-que roboris. Atque ista ratiocinatione se adeo reficiebat, ut collectis omnibus phantasæ viribus, fervidius mihi instaret, meque arctius complecteretur, quam Venerem suam *Mavors*, cum *Mulciber* utrumque re-  
ti suo involveret; sed mox nervum sibi deesse sensit miser.

Argute. Eadem scilicet ratione evinces Te Virginem esse, & integræ quidem sanitatis, cum horam nescias, qua Te lues isthæc primum inceserit, nec forte memineris, quo coitu prima susceperis contagii semina.

Fateor me ista in Calendario non scripsisse, neque ætatis ejus recordari, qua Virgo fuerim, aut esse desierim. Nam & *infans cum paribus inquinabar*, & *subinde prodeuntibus annis, majoribus me pueris applicui*, donec ad hanc ætatem perveni. Vitulum puella solebam tollere, quo facilius adulta tauram sustinere possem.

Et tamen vel sanctissimis Vestalibus videbaris sanctior.

Sona.  
Roph.

Sona.

Roph.  
Sona.

Roph.  
Sana.

Roph.

Sona.

Petron.

Roph.

Sena.

Ragion.  
part. 1.  
giorn. 3.

Roph.

Sena.

Scipio

Vultum sane ad modestiam & pudorem ita didiceram componere, ut vel astutissimos Censores fefellerim. Non secus atque *Aretini Nanno*, quæ virginitatem suam sæpius vendidit, *che non vende un di questi pretacci la messoa nevellla attaccando per ogni cita police a le chiese del suo cantoria.*

Verum ediffere, quo modo in istam vivendi rationem incideris, cum & nata fueris Patre sanctissimo, & destinata Sponso Nobilissimo, & educata singulari cura atque solitudine.

Nosti, Amicissime Rophæ, Natales meos, & quo pacto sponso meo primis annis à Patre fuerim tradita; ut ad Ipsius ingenium lubitumque educarer. Nosti quo animo Ille ad Patrem abierit, non prius quam ad perfectam ætatem pervenissem, ad me rediturus, meque deducturus domum. Antequam discederet, mihi singulisque meis sororibus, Pædagogos præfecit; quorum cura, & vitæ exemplo, ad Pietatem & Castitatem excitaremur, & diversis instrueremur linguis; unde factum, ut *sororum mearum alia Græce, alia Persice, Arabice alia, alia Æthiopice loquatur.* Noluit eodem nos loco cohabitare, sed diffinis educi provinciis: sub unius tamen *fere Tutoris* imperio, qui & Bona nostra omnia administraret, & supremam in Pædagogos haberet potestatem. Vir ille erat ferocis ingenii, & qui me sororesque meas durissime habuit; sive ex occulto *Parentis nostri* mandato, qui rigidiori disciplina pudicitiam nostram custodiri, & lasciviam coerceri voluit; sive ex nativa quadam savitie, & concepta erga nos malevolentia. Habitabat tunc temporis *Valentia*, ubi & ego educabar, Quate sorores meæ, quando negotii aliquid apud Tutorem nostrum peragendum habebant, *Pædagogi mei* cura atque opera, & mea commendatione urebantur; unde multum Ipsi præ reliquis accessit autoritatis; atque ego quoque licet natu minor, germanas tamen omnes temporis progressu facile antecessi. Habebar equidem durissime; adeo ut quamvis à multis tentater, ipsaque ad libidinem sponte profusa essem, non nisi clanculum tamen lascivire licuerit. Curabar scilicet eodem modo



do, quo *Boccalinus* Noster docet ab *Hispanis* mortificari equum Neapolitanum, *che malte volte in an tempo medesimo piu tosta ha voluto esser cavalca o da due Regi che da un solo*. Sub severiori ista disci, lina jam tertipm exegeram ætatis lustrum, quando demortuo Tutori successit alius, *Magnus* scilicet ille, quem nosti, *Quadratus*; Vir mihi sororibusque meis indulgentissimus, quique nobis ac Pædagogis nostris ea concessit, quæ Pater & Sponsus concessa noluerunt, ut ab eo tempore rescivi. Pædagogi vero mei artibus ita delinuius fuit, ut *Valentia* relicta, & domicilio *Zantybium* translatio; Ipsum suomet, meque Ipsius arbitrio fere commiserit. Ibi cum Tutoris metu minus contineremur, suavius longe & familiarius vivere cœpimus; meusque *Pædagogus* divitiis, quas administrabat, indies accumulatis, & crescente autoritate atque potentia elatus; ausus est de nuptiis me publice sollicitare, meque ultima amare inena. Jactabat, sponso absente, me Ipsi propriam esse; eamque in rem Parentis mei laudabat testamentum, quod parce mihi lectum; Ipse iu suum usum explicabat. Sæpius ad me converius, si quis (aiebat) Sponsi Tui erga te amor esset, si conjugii inter vos initum foedus maneret ratum: non Ille peregre ad Patrem ivisset; neque per tot annos hic Te destituisset solam; neque tam sævo Te prius commisisset Tutori; neque tam acerba Te iussisset premi servitute; neque tam duras fixisset leges, quarum observantiam ne à vilissimo exegerit mancipio. Deinde quam gravis ille & incommodus, quam prodigiosus & ridiculus est habitus quo Te, ad ludibrium credo, indui voluit? *Ephi. v.*

*Cinctorium Veritatis; Thoracem justitiæ, calceos præparationis Evangelicæ pacis, scutum fidei, galeam salutis, & gladium spiritus* vult esse nuptialem Tuum amictum. Quis post hominum memoriam sponsus *Amalixæ* ralem destinavit ornatum? Quin *hyssus* *Apoc. xvii.*

Tibi convenit, & *popura*, & *coccus*, & *pretiosi lapides*, & *margaritæ*. Hæc Tuxæ sortis puellam decet. *Roph.*

*Constantinus.*

*Roma.*

*Byzantium.*

*Apoc.*

*xvii.*

*Roph.*

*Les pre-*

Idem sane Tibi accidit, quod nuper *Scarronius* amicus noster ex *Galliis* ad me scripsit obtigisse ineuntiis;

*Laura*, cuidam nobili scemina Hispanæ.

Recita historiam.

*Sona.*  
*Roph.*

Est inter regni Proceres DON PEDRO; Vir & ingenio, & rerum usu perspicacissimus; muliebrium imprimis artium, & quam lubrica Ipsarum sit & fides & castitas, perquam gnarus. Is *Lauram* formosissimam puellam, extra Virorum consortium Monasterio inclusam, & rigidissimis legibus constrictam curavit educari, donec ad decimum sextum ætatis annum pervenisset, quo eam sibi despondit, domumque duxit. Illa, non minus quam *Simplicetta*, quam *Albaspina* nostra apud *Marinum*, quid luxuries esset, prorsus nesciebat. Edicit Ipsi *Don Pedro*, Conjugalem honestatem in eo consistere, ut tota cataphræta, galeata, gladiata, hastata, decumbenti Marito integras noctes adesset, ac suaviter dormienti advigilaret. Præstat illa obsequium; cujuscunque alijs *euvoias* aut voluptatis ignara; dum paucis post diebus *Don Pedro*, in aulam avocatur. Relictam domi solam interim invisit Vir nubilus vicinus; intelligit Mariti institutum, ridet, & diversam longe jucundiorēque conjugii rationem docet. Redit *Don Pedro*; & toro se commissurus, novam uxoris scientiam miratur; quæ, galea & thorace neglectis, se alium plane, & faciliorem, suavioremque Marito utendi modum, edoctam esse gloriatur.

1. Cor.  
VII. 3.

*Sona.*

1. Petr.  
III.

Apposite: Nam & primus infantia: meæ Informator *Petri* habebat nomen, & consimilia dictabat, difficilia & ingrata; nimirum *ornatum meum non debere esse exteriorem, in capilli cincinnis, & auri circumpositu, aut palliorum amictu, situm; meque beatam* deprædicabat, quando propter justitiam multa paterer incommoda, & suppliciorum sponsi mei devenirem consors. Verum ista, ceu inepta & absurda, derisit recentior *Pigadogus* meus; meque docuit, aliam jam ætatem esse, alios proinde postulari mores: me neque pristinis etiamnum elementis subiectam, neque infantem esse quæ à serva nihil differat; sed emancipatam, & à veteri liberatam jugo. Unde etiam cavit, ne eorum, qui ipsum percellerant, Præceptorum, *Piedri* & *Paoli* epistolæ ac monita, ultima-

Gal. IV

ve sponsi mei mandata , crebrius aut attentius perlegerem. Imo Hujus memoriam , quantum poterat, ibat delerum ; ut ne quidem in solennibus Coenis vinum , in ejus recordationem, gustare mihi licuerit.

Scilicet hoc erat , *Uni Te Viro despondere , Teque castam ad ipsum adducere Virginem.* An vero nunquam subiit , Eum de perfidia , quam in Dominum suum committat , submonere ?

Sepiuscule quidem. Verum Ille solebat respondere , nihil à se mali patrari posse ; duo cum idem faciunt , idem non esse ; aliam esse rationem Hominum *Mundanorum* live *secularium* , *che non hanno autorità di maneggiar le cose sacre.*

Memini idem responsum nuper sorori *Marinae* datum, a *P. Francesco nel parlatoira delle Monache senestra* 2. Sed quid ad hæc sorores Tuæ , earumque Pædagogi ? nunquid istam tecum familiaritatem perceptamque inde voluptatem Ipsi invidebant ?

Imo maxime. Cumprimis *Zybanticus* , qui stabilito apud se Tutoris domicilio , magnam quoque sibi auctoritatem conciliarat. Sed variis artibus, quas nimis longum foret enarrare, prævaluimus tandem ; idque imprimis beneficio multarum litium & gravissimorum malorum, quibus adeo impliciti, vexati, & turbati fuerunt Tutores nostri ( primo enim demortuo plures habuimus ) ut Ipsi neque otium, neque animus esset nostra negotia curandi, neque etiam vires continendi nos in officio. Imo eousque deventum , ut Pædagogus meus, obtentu mandati à Patre missi, in ipsos Tutores summum quæsierit imperium ; neque minus sibi potestatis asseruerit quam Ipse Pater aut à Patre mihi datus sponsus.

An nullæ vero inde oboræ sunt querelæ ?

Multæ quidem. Quin & sæpius Pater Delegatos misit, qui Amasii mei insolentiam reprimerent, atque castigarent. Vcrum Hic eos vel muneribus suis corrumpit, vel si corrumpere non potuit, reos peregit, quasi impositores, ac Perduelles, eaque Juris specie diris suppliciis cruciatos è medio sustulit.

Sed an ista latere diu possint ?

Roph.  
2. Cor. XI.

Sona.

Roph.

Sona.

Roph.  
Sona.

Roph.

Sona.

Nequaquam sane. Jamdudum enim unctam accepi de Sponsi adventu, qui omnia sit cogniturus, & judicia exerciturus quam severissima. Paulum Secretarium Ejus incognito jam advenisse, & in meos & Pædagogi vitam curiosissime inquisivisse, ex Pallavicini nostri relatione cognovi.

Roph.

Sona.

Quin Medicos igitur advocas in tempore.

Calvinus.

Lutherus.

Erasmus.

Cassander.

Sane jam multi adfuerunt, & sponte quidem sua: Frustra omnes; cum & Ipsi omnes de medendi ratione inter se dissideant. *Ufnulca* & *Retbulus* curam per *hydrargyrum* suscipi; *emetica* ac *sudorifera* adhibere præceperunt, quibus, quicquid a multo tempore recepissem, evometem, atque exudarem. *Sarmcus* & *Crendassa* methodum istam periculosam nimis & violentam esse arbitrati, mitiorem viam ineundam esse dixerunt, sed quam Ipsi nescierunt definire. Alii alia præscribunt, & quot capita tot sensus. Sunt qui putant, quodvis validum remedium cum præseni mortis periculo fore conjunctum; adeoque consultius esse nihil movere. Collegium vero Medicorum, quod nuper Pædagógus meus in urbe *Mentirdut* conscripsit, præter omnium opinionem uno ore me pronunciavit putam, & integerrimæ valetudinis, eosque omnes decrevit *Injuriarum actione* teneri, quicumque ausint dicere meretricia me lue corruptam esse. Quod quamvis ab omnibus credi velim, Tibi nihilominus fateor, me ipsam non credere. Existimo tamen venenum in veteratis *fistulis* atque *ulceribus* meis *fiecta* quadam *duritie* ita esse *constrictum*, atque *sopitum*, ut licet quis mecum consuescat, non inde a me metuendum sit *lethale contagium*.

Fallop.

R. ph.

Son.

Id quidem ais, ne Amasios absterreas. Verum quid sponsus, ubi ista omnia resciverit?

Re civit jam omnia & jamdudum de *Divortio* cogitavit, actionem apud Patrem instituit. Quæ in ea causa peracta sint, libello hoc comprehensa, jam ante aliquot dies Pallavicinus mecum communicavit; & quæ alia agitentur me inscia, per animam suam se mihi mature significaturum promisit.

Paucula cum pace Tua legam. INSCRIPTIO:  
*L'eterno verbo responde al Padre & significa in universale*

*niversale le cagioni de suo disgusti con la sua sposa, e fa istanza di Divortio contali concetti. Il.*

*Quin libellum Tecum aufer ac domi perlege, Soni  
ea tamen conditione ut mihi restirtuas, neque cuiquam  
alteri.*

*Intelligo. Sic igitur, quantum potes, vale, dum Repb,  
rediero.*

JANI

JANI ALEXANDRI FERRARI

Cænobitæ Augustiniani

Epistola Sexta,

AD

Reverendissimos Fratres

A DRIANUM & PETRUM

DE WALENBURCH

VIRI REVERENDISSIMI.



ST sane quod dixistis: Dialogus ex Italia nuper missus, & quem ultimis meis literis vobiscum communicavi, Ecclesiæ Romanæ inaginem continet: Quis *Ufenuca* sit, vel Pueris ex *Agenside* notum; quis *Reihulus*, *Sarmeus*, *Ressandac*, literarum transpositio docet, *Valentia Roma* est, *Mentirdut*, *Tridentum*. Pedagogi Episcopos, Tutores Cæsarem & Reges notant. Ita omnia plana. Quod vero Nonnullis minus videtur conveniens, quod ex *Petronio*, *Arctino*, *Mileto*, quam ex sacris scriptoribus, aut gravioribus Historicis dicendi rationem depromserint Collocutores, id *Desiderius Noster* nihil pensi habet. Ait enim, quemadmodum sanctarum Mentium familiarior cum Deo consuetudo, à sapientissimo Hebræorum, amatorio stylo expressa esse creditur; ita *animorum à Prima Veritate*, ac *summo Bono alienationem*, obscenæ dictionis schemate cum adulterium, representari. Atque eum in finem ex Codice, quem Omnes sacrum habemus, tum *Ezechielis* orationem Cap. XVI. & XXIII. tum ipsum *Hesæ* factum laudat. Utur autem illud se habeat, omnino Vobis assentior, Dialogi Auctorem Hæreticum esse, Romanæ nostræ Ecclesiæ hostem insensissimum. Quo diligentius credo esse laborandum, ut cæptæ nobis

his demonstrationes maturius pertexantur, fideique Catholicæ fundamenta ab omnibus eo conspiciantur apertius. Prioribus igitur jam accedit

## PROPOSITIO VIII.

*Religio, quam Christianam vocant, prout à Christi Apostolis primum tradita fuit, ex se & principiorum suorum natura ad salutem est ineptissima; unde constat, Primos illos Evangelii Praecones, ab ipso Catholica Doctrina fundamento, totiusque fidei scopo, enormiter aberrasse.*

## EXPLICATIO.

**A**nno jam agitur supra millesimum sexcentissimum sexagesimus septimus ( si incerto Romani cujusdam Abbatis calculo credamus ) ex quo, in Judæa, de regia, sed pauperrima, stirpe prognatus fuit *Jesus* quidam, cognomento *Christus*. Is & vitæ suæ sanctitate, & miraculis quibus claruit, & aliis illustribus documentis, se non Hominem solum, sed ipsum Deum esse commonstravit: Unde & eorum Altissimo se dixit *aqualem*, neque *rapinam estimavit supremi instar Numinis se gerere*. Florabant, in orbe Romano, ea tempestate, duo potissimum religionis genera: quarum alteram colebant *Judæi*; alteram, quos vocant, *Gentiles*. Illa à Rerum Conditor præscripta, multisque prodigiis confirmata, non nisi unum agnoscebat Deum; de cætero, ingenti ceremoniarum mole laborabat; neque tam rationis ductu Populum movebat, quam Legislatoris continebat auctoritate. Hæc vero, proprio Hominum excogitata ingenio, prout varia sunt Variorum figmenta, diversissimas, imo & adversas divini cultus rationes comprehendebat; quæ Omnes tamen in eo conspirabant, quod multos Deos colendos esse, præciperent, neque se invicem damnarent; unde & ipsa religio, licet varia



& multiplex, non minus tamen unica & simplex esse censebatur. Et Judeorum igitur operosos ritus, & Gentilium idololatriam delevit sapientissimus Jesus, omnemque religionem ad prima rectæ rationis principia, simplicemque ingenuitatem, reduxit. Unum solum addidit, ac re ipsa exhibuit mysterium, de singulari Numinis propitiatione atque placamento, quod per ipsum Numinis supplicium, mortemque, peragendum esset. Quæ doctrina ex secretissimis cœlorum adytis deprompta, atque omnibus retro seculis Mortalium generi inaudita, stupendam Dei tum sapientiam, tum Beneficentiam, tum rigidam immortæ æternæque justitiæ observantiam, mirifice illustrabat; unde necessum erat, in Hominum mentibus divina gratia imbutis, & Numinis admirationem, & reverentiam, & amorem, & obsequium, & gratitudinis cultum oboriri, atque confirmari. Quibus rebus universa religionis cum scientia, tum usus absolvitur. Crudeli autem fato defunctus, sed ex eodem iterum eluctatus, patriasque sedes repetiturus Christus, salutem (quam Judæis potissimum exposuerat) doctrinam, ulterius propagandam, & in omnes terrarum Gentes diffundendam, credidit quibusdam cognatis suis & Popularibus, Viris simplicibus, & ex plebis fece. Hi cum & obscuro loco essent nati, & inter falsamentarias sordes educati, & iniquiori sorte premerentur, animo dejecto, & magnarum rerum incapace; nihil nisi humile sapiebant. Magnifica tamen audiverant promissa à Magistro suo, quem Divinum omnino Virum, adeoque minime vanum, minimeque mendacem esse, habebant persuasissimum. Unde, cum viderent ad ampliores fortunas aditum sibi non patere, (utpote quem ipsi suâ sibi *μικρολογία*, atque animi abjectione intercluserant) seque; licet amplissimam Dei nomine legationem obirent, passim tamen contumeliosè haberi, gravissimisque injuriis manere obnoxios; spes suas in aliud seculum referebant, & quæ ipsis impræsens denegabantur, iis post fata olim se fruituros esse somniabant, non secus ac

Nuper, Marpeio quæ sedit culmine, cornix,  
est bene, non potuit dicere, dixit, *Erit.*

Atque

Atque isto errore, anticipatione veluti quadam, imbuti, nihil recte intelligebant eorum, quæ sive Vereturum oraculis predicta accipiebant, sive à Magistro audiebant promissa. Nihil illi intempestivius impotentiùsque commendabant, quam patientiam, tolerantiam, abstinenciam a voluptatibus, humilitatem, animique moderationem, tum *crucis*, quam vocant, *suspensionem*, & *carnis crucifixionem*, & sui ipsius abnegationem, & mundi contemptum, & divitiarum neglectum; verbo dicam, geni perfraudationem, humanæque ejurationem Naturæ. Imo docebant gaudium ex miseria captandum, & calamitates in jactantiæ materiem converti debere. Inculcabant præ terea, Regibus ac Principibus obsequia præstanda; neque, obrentu religionis, aut sacri Ordinis privilegio, Magistratibus obnitendum, & in constitutas à Numine Potestates dominandum esse. Ita illi animos frangebant; & ab Honorum, Divitiarum, ac Potentiæ studio avocabant; præsentem Hominis felicitatem in solo Pietatis cultu, atque Numinis amore constituentes. Hinc, quæ de Ecclesiæ Majestatis ac splendore didicerant, ea omnia ad spiritualem quandam præstantiam, & internum animi decus referebant. Unde factum, ut, ab omnibus iis qui in præsens sapiunt, contemptui ac ludibrio habiti, quin & poenis castigati, & suppliciis coerecti fuerint; de quo ipso, tanquam de singulari aliquo bono, solebant gloriari.

Diceret, quod Judæis attribuit Paulus, *velamen cordi ipsorum* inpositum fuisse, quando Moſen, alioſve Veres Prophetas legebant; usque adeo non asſequebantur temporalem prærogativam, & externa privilegia Ecclesiæ, cujus debebant esse Architecti ac Proceres.

Equidem sub ipsum Codicis sui initium diserte scripserat summus Hebræorum Vates, *condidisse Deum duo luminaria magna, alterum quod diei, alterum quod nocti præſſet*. Quæ verba aperte ostendebant, Ecclesiæ dominium, longe majus splendidiùsque futurum esse Imperatoriæ Majestatis. Ita enim Innocentius III. ad *Illustriss. Constantinopolitanum Imperatorem*; Nosse debueras, inquit, quod fecit Deus duo magna luminaria in firmamento cæli, *luminare majus ut præſſet diei, & luminare minus, ut præſſet nocti*, utrumque *magnum*,

c.6. Soli-  
cicita. de  
Major. &  
obed.

*magnum, sed alterum majus. Ad firmamentum igitur cæli, hoc est, Universalis Ecclesia, fecit deus duo magna luminaria, id est, duas instituit dignitates, quæ sunt Pontificalis auctoritas, & Regalis potestas. Sed illa quæ præest diebus, id est, spiritalibus, major est; quæ vero carnalibus, minor; ut quanto est inter solem & Lunam, tanta inter Pontifices & Reges differentia cognoscatur. Subdit Pontifex: Etsi non increpanda ista ad Imperatorem scripserit, potuisse tamen rationabiliter Ipsum increpare. Tanto magis igitur increpandi estis, o Vos Apostoli! quanto in explicandis oraculis plus sapere debebatis, quam mandatus aliquis Regulus, aut Princeps Byzantinus. Nam quod Canonici Juris Glossator addit, cum terra sit septies major Luna, sol autem octies sit major terra, consequi, quod Pontificalis dignitas, quinquagies major sit dignitate regali; id, inquam, Vos latuisse non miror, neque adeo Vos inculo, cum profecto observatio ista ex novis ac plane singularibus principiis, nec nisi subtilissimæ, Vobis ignoratz, Logisticæ auxilio, potuerit diduci.*

*Exhibet idem Moses accuratissimam, in Melchisedeco, Regalis Pontificatus imaginem; quæ Petri, ac Pauli, successorumque Majestatem præfigurabat. Hanc tamen neque Petrus intellexit, nec Paulus. Nam & ille dignitatem, quam soli ipsi vindicatam oportuit, omnibus Christi anis communem esse dixit; & cum suum in universos Mortales imperium asserere inde debuisset, contrarium plane collegit; Subiectos nimirum esse debere Clericos cuiusvis humana ordinationi, sive Regi ut supereminenti, sive Præsilibus, ut qui ab eo mittantur. Hic vero, ad Hebræos epistola; de Melchisedeci quidem sacerdotio operose multa, sed alienissima disputavit; cum id unum exponere debuisset, se, successoresque suos, Melchisedeci portotypum esse. Est enim sane Pontifex, ut Patriarchatu Abraham, ita ordine Melchisedec; Ipsumque Deus constituit sacerdotem Regalem, & utroque gladio, tum politico, tum spiritali, armatus. Secus enim si foret, Christus legislator esset dimittus, & non sicut Melchisedecus, qui Rex fuit & sacerdos simul.*

*Atque eandem ignorantiam suam Paulus tum alibi passim,*

1-Pet. 2.  
9. 14.

camp,  
do M. A.  
c. 5.

passim, tum *epistole ad Rom. Capite IX.* apertius  
prodit, Cum enim, teste *Brevingio, Esarus & Jacobus*  
*Hæreticorum & Catholicorum typi fuerunt;* atque ille  
quidem Lutheranos & calvinistas afflictam pauperem-  
que vitam ducturos; hic vero, Catholicos omni opum  
& deliciarum genere abundaturos esse, exemplo suo por-  
tenderint; Paulus, his omnibus, quæ ad rem tamen u-  
nice faciabant, omiſſis, utriusque historiam explicavit,  
de Hominum æterna pernicie, sive salute, quæ post ex-  
utam demum mortalitatem obtingat. De quo eo diffi-  
cilius potest excusari, quo facilius vel ex Gabrielis ad  
Mariam alloquio (quod procul dubio aliquoties diebus  
singulis recitabat) poterat didicisse, *Pontificem nostrum*  
*regnaturum in domo Jacob in æternum:* id est, & ip um,  
& omnes Ipsi addictos Clericos, opimè & splendide in  
his terris esse victuros, ut iterum argute divinavit il-  
le, quem supra laudavimus,

*lymphata mente sacerdos.*

Sed &, eodem menifestissimo errore, *Psalvi Oſtati*  
oraculum ad solum Christum detorquet Paulus; cum  
tamen diserte legatur, *Deum omnia subjecisse pedibus*  
*Ejus;* id est, Petri & Pauli, eorumque in sede Roma-  
na successorum. Nimirum ipsis Deus *Subjecit OVES,*  
*id est, Christianos;* *BOVES, id est, Judæos,* & *Hæ-*  
*reticos, pecora campi, id est, Brevingium & paganos;*  
*pisces maris, id est, animas in purgatorio;* *volucres*  
*Cæli, id est, animas Beatorum & Angelorum;* ut va-  
ticinabundus ista explicuit *Spiritualissimus Antoninus.*

Illud vero omnem admirationem superat, quod ru-  
des illi Apostoli, ne ea quidem affectui fuerint, quæ *E-*  
*ſaias*, de Romani Pontificis, & Catholicæ, sub illo Ec-  
clesiæ, potentia atque Majestate, adeo diſigenter incul-  
cavit; ut si quis cum illo nupero Archi-Hæretico *Coc-*  
*cejo* omnia in spiritualem sensum transfundere velit, fa-  
teri cogatur, ea explicari aliter non posse, quam *Illu-*  
*strissimus Claravallentium Comes* non ita dudum expli-  
cuit. Ex cujus interpretatione, *Ambulabunt Gentes,*  
inquit Propheta alloquens Ecclesiam Romanam, *ambu-*  
*labunt in lumine Tuo, & Reges in splendore ortus Tui*  
*Tunc videbis & miraberis, & lætaberis, quando divi-*  
*tia maris, & omnium Gentium substantia, ad Te per-*

*In anſta-  
rio epist.  
obſc. vir.*

*Luc. 13.*

*1 Cor. xv.*

*Hebr. 11*

*Summa*

*Theol.*

*Part. 3.*

*cap. 5.*

*Scioppius*

*in ep. ad*

*Nobil.*

*Germ. de*

*splendore*

*& divit.*

*Ecclesiast.*

*Inguſt.*

*tener. 40. 1605.*

venerint. Filii peregrinorum edificabunt templa Tuorum  
 & Reges eorum Tibi ministrabunt. Porta noctes dies-  
 que erunt aperta, ut gentium omnium nationumque  
 divitiæ Tibi offerantur, earumque adducantur Reges.  
 Quodcunque enim regnum Tibi non servierit, peribit.  
 Ethenicorum imperatorum, qui te oppresserant, succes-  
 sores, vestigia pedum Tuorum adorabunt. Ponam Te in  
 superbiam seculorum; id est, in secularem pompam &  
 splendorem; & fuges lac gentium, (Chald. Satiaberis  
 Populorum divitiis) & nammilla Regum lactaberis  
 (LXX. Interp. divitiis Regum devorabis;) Pro arc  
 offeram aurum, & pro ferro argentum, & pro lignis æ,  
 & pro lapidibus ferrum. Ita ille Cap. LX. Quæ ipsa  
 tamen (prout Interpretes ea vertit) clarissima verba, am-  
 bigua reddit, imo aliorum trahit, & ad triumphantem  
 Ecclesiam pessimè applicat Johannes, qui, quemadmo-  
 dum ex innata quadam *μυξες-ψυχία*, oblatos sibi ab  
 Angelo honores respuit, ita proculdubio neque hoc  
 capere potuit; neque illud, (quod de summis Collegæ  
 sui Petri honoribus ab *Esaia* alibi fuerat prædictum;  
 Reges scilicet, & regina demisso in terram vultu Te ado-  
 rabunt, & pulverem pedum tuorum lingent. Quod  
 non in Petro quidem, utpote honorum istorum incap-  
 ace, in Successoribus tamen feliciter completum vide-  
 mus.

Enimvero inertes isti Piscatores, si vel ad vitæ suæ ge-  
 nus aliquantulum attendissent, intelligere poterant,  
 quænam Ipsi captandæ essent fortunæ. Quid enim  
 evidentius dici poterat eo quod apud *Habacucum* lege-  
 rant? *Facies Homines*, ut Piscatores maris, ut reptile  
 quod Principem non habet. Quantum illorum est edu-  
 cet hamo, & auferet illud ex tericulo suo. Idcirco latatur  
 & gaudet, Idcirco sacrificat sagena suæ, & suffitus facit  
 ex tericulo suo, quid per illa pinguis est portio Ejus, &  
 eibus Ejus apimus. Hæc autem de piscatione per ha-  
 mum prædicationis Evangelicæ esse intelligenda, tum  
 parabola Eos docebat, quàm ex Christi ore exceperant;  
 tum promissio facta Petro, *Hominum te faciam Piscato-  
 rem*, id est, Interprete *Reginaldo Polo*, Tu succensores-  
 que Tui dominationem habebitis in omnes homines, do-  
 minandi Regibus, & Imperatoribus imperandi, re-  
 gulandi;

Apoc. XXI.

esp. XLIX.

esp. I.

*galandi, & ejiciendi* : non hominum tantum, sed pecu-  
 niarum etiam piscationem Iphis concessit Christus. I-  
 demque secularibus omne jus ademittit in Clericorum la-  
 cubus piscandi, *Reges terræ*, inquit ille ad Petrum, *à*  
*quibus accipiunt tributa? Non certe à nobis, sumus Filii,*  
*adeoque LIBERI. Sed proficiscere ad mare, mitte*  
*hamum, & eum piscem qui ascenderit primus,*

Tros Rutululve fuit, nullo discrimine habetor,  
*Tu tolle, & aperto ore Ejus invenies STATEREM,*  
*accipe eum. Certe,*

*nisi tunc Petri mens lava fuisset,*

Non poterat non ex istis verbis intellexisse, quantum  
 piscandi jus in se esset collatum. Verum, licet ille fe-  
 rociore interdum animos gesserit, fatendum est, julto  
 timidiorum, adeoque rebus magnis moliendis, aur susti-  
 nendis, fuisse imparem. Quod si enim Ipsum omnesque  
 Ejus consortes pavor inesset, cum solito plures pisci-  
 culos, quales Genezarethi lacus nutriebat, aliquando  
 cepissent, quantà obsecro formidine trepidassent, si re-  
 tibus suis ingentes balænas, & viva hominum corpora  
 vidissent involuta? Ex qua meticulositate etiam accidit

*se credo, quod cum terra quadrupedia, fera, reptilia*  
*& valucres in vase quodam de Cælo Ipsi offerrentur, bis-*  
*que & ter jubcretur, ut mactaret ea atque comederet;*  
*hæsitaverit tamen, neque tangere fuerit ausus: unde*  
*& vas denuo in calum fuit ceptum. Constat autem*  
 Eminentiſſimo *Baronio* interprete, Deum ista visione,  
 veluti investituræ cñjſdam ritu, Petro voluisse confer-  
 re summam potestatem, quocunque homines pro lubitu  
 mactandi: quod ille supremæ Majestati proprium, pro  
 piscatoria sua simplicitate, ita tum neglexit. ut pericu-  
 lum fuerit ne plane interiret: nisi in usum à successo-  
 ribus revocatum, & inter alios *Paulo* (non certe illo  
 Tharsensi Idiota sed) *Quinto*, licet intempestivius, ac  
 poinde non nihil infelicius fuisset assertum. Inde igi-  
 tur Petrus ad, nescio quam, spiritualem capturam  
 sese accinxit myſticos pisces in aere venaturus, eosque  
 sagenæ invisibilis cujusdam, cælorum regni inclusurus,  
 cum tamen piscaturam in aquis debebat exercuisse, i-  
 que & latis & profundis. Nam in magnis aquis mag-  
 ni capiuntur pisces; ut est in proverbio. *Aque au-*

*Matth.*  
*xvii.*

*Luc. v.*

*Act. x.*

*In voto ad*  
*Paul. V.*  
*contra*  
*Recup.*  
*Venet.*



Apoc.

xvii.

Luc.v.

tem sunt Populi & turba & gentes & lingua. Quare etiam à Christo iussus erat ducere in altum, ibique retia expandere; hoc est, ascendere Romam, quæ altum habet dominium super gentes, & unde per omnes terrarum nationes retia in capturam laxari possunt; ut recte Innocentius III.

Serm. 2. in

fæt. Petr.

Quod si quis dixerit, laudata nobis hætenus Veterum præcula, & Christi Promissa, non nudis atque simplicibus, sed figuratis verbis fuisse enunciatæ; unde non mirum, quod Apostolis non ita accurate intellecta fuerint; is cogitet & Petri Ipsius dictum, *Ecce duo Gladii* & Christi tum responsum, *Satu est*, tum mandatum, *Reconde gladium tuum in vaginam*. Quibus quid apertius aut luculentius, pro omni tum spirituali, tum seculari Gladio, Ecclesiasticis Principibus assensu dici poterat? Quod si enim temporalis gladius ad Petrum nihil pertinuisset, certe Christus, facta duorum gladiatorum mentione, debebat dicere, *Nimis est*. At dixit tantum, *satis esse*. Neque Petro iussisset, *Converte gladium TUUM in vaginam*, si gladius ille Petri non fuisset, uti sapienter observavit Boissacius VIII. in *extravagantibus*. Ubi Glossa docet distinguendum inter *Gladium* *vagina vacuum*, & *gladium in vagina reconditum*, illum visibilem esse, adeoque materiale; hunc invisibilem, adeoque spirituale; utrumque vero fuisse Petri. Siquidem qui gladius meus est in vagina, certe idem etiam meus erit ubi extra vaginam fuerit. Nihilominus tamen Apostoli contrarium inde videntur collegisse, sibi que persuasisse, quod Gladii temporalis usus a Magistro prohibitus Ipsi fuerit. Adeo difficile est sapere, ubi animus semel erroris principiis est imbutus!

c. i. De  
major. &  
obed.

Enimvero fateor nonnunquam Ipso paulò rectius sensitse, cogitationesque suas ad sublimiora convertisse: ut quando Zebedæorum mater cum Filiis suis certum sibi locum, Christo scilicet à dextris & sinistri proximum, attribui peteret; itemque cum de *Præcedentia* jure inter se disceptarent Apostoli, & quisnam maximus esset disquirerent. Fateor etiam Christum ad illiusmodi petita melius respondisse, Ipsorumque reprehendisse ambitionem. Scitis, inquit *Principes Gentium in eas dominari, & Magnates potestatem exercere in eas, verum non*

Matth. xx.



ita eris inter vos. Qui voluerit inter Vos primus esse, sit vester servus. Et iterum; *Qui maximus est inter vos, sit sicuti minimus, & qui reliquos ducit, sit instar illius qui ministrat.* Quibus verbis turbari facile poterant, & in eum errorem induci, quasi veritum Iplis esset dominium rerum affectare, & imperium in Imperatores quærere. Verum utcumque illa se habeant, in eo saltem gravissime errarunt Apostoli; quod successoribus suis idem præceperunt, quod sibi erat præceptum; cum tamen Horum longe alia sit ratio. Nam ut rectissime Severinus de Monzambano in aureolo suo commentario ad La-  
 lium Fratrem; Postquam recentiorum Fortuna sacerdotum immane quantum à tenuibus Antiquissimorum rebus discessit absurdum fuerit illos amplius adstringere velle obsoletis legibus, super modestia Ejus ordinis Hominum à Salvatore promulgatis. Et fortasse ista leges ad prima illa tempora duntaxat debebant valere. Nam id revera ridiculum erat, homines Piscatores aut textores priorem locum affectare, quibus in diem victus, aut laborie manuum, aut stipibus collatis, quærebatur. Quod discrimen cum Apostoli non observaverint, occasionem dedere Hæreticis, & qui Hæreticis pejores sæpe esse solent, Politicis, ut illa Christi responsa ad nostra etiam secula pertinere putent; quâ opinione nihil Ecclesiæ nostræ possit esse perniciosius, aut quod *pias animas magis scandalizet.* Atque hinc factum, ut *Fus quoque piscandi*, quod in omnes terrarum, imo & *supercaelestes & infernales aquas*, Pontifici nostro *de jure Divino* competit, multis in locis sit hodie ipsi prohibitum; neque in Britannico Oceano; aut Codano sinu, aut Lemanno lacu, aut Germaniæ fluviis, tam libere ut olim liceat piscari. Imo metuendum aliquando erat, ne à vicino quoque Hadria prohiberetur; uti Contribulem suum fraterne submonuit *Pisanius di Pizzoni, Pescaor da Buran de Mar*, Vir sane bonus & Patriæ amantissimus. Tantum scilicet illa Apostolorum pusillanimitas, & de qua gloriari solebant, *puera*, hodiernum Ecclesiæ nocet!

De Statu  
 Imp.  
 Germ.  
 cap. 2.

Epist. Pis-  
 cat. Veneti  
 ad Pau-  
 lum V.

## DEMONSTRATIO.

**C**UM Apostoli nihil altum spiraverint, nihil sublime; sed, fractis dejectisque animis, nonnisi plebeias virtutes, patientiam scilicet, modestiam, humilitatem commendaverint; quibus Ecclesiæ non salus solum impeditur, sed universa structura funditus labefactatur: consequitur necessario, Eos ab Ipso Catholicæ doctrinæ fundamento, totiusque fidei scopo, enormiter aberrasse; adeoque religionem quam tradiderunt, ex se, & principiorum suorum natura, ad salutem comparandam esse ineptissimam. Id quod erat demonstrandum

Jam igitur nostrum fuerit, male posita ab Iphis principia, vel plane tollere, vel corrigere saltem, & ad sacri Imperii stabilimentum accommodare. Cujus rei initium proximis literis faciemus. Vos interim valete, & *Brevingsii* valetudinem curate diligenter. Paris.  
Cal. Jun. c1515cLxxix.

JAN

JANI ALEXANDRI FERRARIJ,

Cœnobitæ Augustiniani,

Epistola Septima.

Ad

*Reverendissimos Fratres*

ADRIANUM & PETRUM

DE WALENBURCH.

*Fratres Reverendissimi.*



CHRISTIANAM Religio-  
nem, prout ab Apostolis primum  
dictata fuit, ad salutem comparan-  
dam, sive ad Regale Sacerdotium  
Romæ stabiliendum, ex se & prin-  
cipiorum suorum natura, minime  
omnium idoneam esse, superiori  
Epistola prolixè ostendimus. Restat igitur, ut, quid de  
ea sit faciendum, eadem evidentia demonstramus.  
Quem in finem subjicimus

## PROPOSITIO EM IX.

*Quamvis Religio Christiana à scopo Romana  
nostra Ecclesia immane quantum abhorreat;  
minime tamen consultum videtur, ut ubi Ra-  
tionibus approbata, Consuetudine introducta,  
& principum Auctoritate stabilita est, aper-  
ta ejus ruina, violento molimine, & uno im-  
petu tentetur.*

## EXPLICATIO,

**S. I.** **F**uerunt sane qui eam funditus evertendam; & aperte destruendam iudicârunt; quandoquidem ab utilissimâ, ac proinde veræ Fidei scopo tantopere aberrat, ut vix liceat sperare, eam, quacunque arte aut industria, ad institutum nostrum inflecti posse. Tum, si maxime huc fuerit accomodata, periculum est, ne aliquando ad pristinam naturam, tristemque illum & sterilem Genium, quem primitus habuit, ex improviso reuertatur. Neque vanum hunc metum esse, tum superioris ætatis, tum nostrorum temporum experientia edocuit. Unde enim ad oppugnandam sacræ Monarchiæ nostræ potentiam, vel plura, vel expeditiora instrumenta deprompserunt Rebelles Hæretici, quam ex ipsis intimis Christianæ Religionis adytis? Quæ si non occlusa tantum, & quodammodo præstructa, sed prorsus deleta fuissent; utique tantam armorum copiam, adversus Ecclesiam Nostram parare sibi nunquam potuissent.

2. Quamvis autem isthæc prudenter à Nonnullis cogitata fuerint; priusquam tamen ipsis assentiamur, contrariam quoque agendi rationem putamus esse examinandam. In istiusmodi enim negotiis, quæ ex omni parte magnis obsidentur difficultatibus, non statim primum obvia via pertinaciter tenenda; verum omnes explorandæ sunt, ut facta omnium accurata inter se collatione, tutissimam tandem, ac facillimam eligamus.

3. Atque hic cum primis attendendum, quid Alii ante nos viri Sapientes de his ipsis rebus iudicaverint. Hos autem inter est *Muhammed*; Homo, ut eventus docuit, Perfidissimus; cujus exemplum eo pressius nobis imitandum, quo felicius videtur idem, quod nos, institutum visisse, & in consimili causa fuisse versatus. Quare enim, ipsi quoque Hæretici, Collegam Pontifici nostro adiungunt; & dum bicipitem, vel bicornem saltem Antichristum statuunt, dextrum quidem cornu Sanctissimo Nostro Patri, sinistrum vero Muhammedi imponunt.

nunt. Hic autem *Muhammed*, cum pro sagacitate sua perspexisset, quantum Religio Christiana ab instituto suo dissideret; utpote quæ Homines à præsentī felicitate abstraheret, eorum animos imbellium virtutum cultu frangeret, atque emolliret, pro bello pacem, pro ferocia mansuetudinem; pro libertate servitutem, preces & lachrymas pro armis commendaret; eam sibi noxiā & perniciosā omnino credidit, neque tamen uno ictu, & vi aperta judicavit demolendam. Quare inter alia *Islamismi* capita, diserte populo suo mandavit, ut crederent veritatem Prophetarum & Apostolorum, quique ad Eos demissi sunt librorum; adoque & profiterentur, Christum, Filium Mariæ Dei esse Spiritum, & Verbum, ejusdemque Apostolum, & Evangelium, ac Legem Mojaicam passim approbavit. Imo his ipsīs fundamentis doctrinam suam videri voluit superstruxisse, scripturarumque auctoritate inniti. Hinc & Muhammedani, qua subtilitate nos Pontificem nostrum, illi Prophetam suum in utroque codice reperiunt. In lege quidem *Deut. xxiii. comm. 2.* ubi, *Venit Deus à Sina, & ortus est à Scir, & manifestatus est à monte Paran*: quibus scilicet verbis, descensus legis ad Mo- sen, Evangelii ad Jesum, Corani ad Muhammedem, distincte significatur. Et, recte ipso Propheta, *Abul- kasimo Surata LXXI. Dixit Jesus, Filius Mariæ: o Filii Israel, ego sum Apostolus Dei ad Vos, ut verificem, quam habetis Legem, & annunciem Apostolum venturum Post me, cui nomen erit Achimed, id est, Beidavio interprete, Muhammed.* Quod ipsum in Novi Testamenti libris, diserte scriptum extitisse, docet nos Dialogista *Saracenus*, apud *Theodorum Abucaram*, quando ad Christianum ait: *In Evangelio Christus scripsit, dicens; Prophetam Vobis mitto dictum Muhammed.* Cui Christianus; *at Ejus memoriam Evangelium non continet.* Contra *Barbarus*: *Continuit sane olim, sed vos expunxistis.* Argute, ex capite nimirum xlii. xiv. Evangelii Johannis, quod de Paracleto agit; edita à ubi, averſa paginæ parte, in eodem contextu, ego *Gretſero*; persuasissimum habeo extitisse quoque Prophetiam de *Ingolſt.* Occidentali Paracleto, qui in ſcrinio Pontificii pecto- 1606.  
ris reſideat. Quod autem iſta in nullis exemplaribus

Opusc. 19.

inter

Opuscula -

olim,

sed vos expunxistis.

Argute, ex capite nimirum xlii.

xiv. Evangelii Johannis,

quod de Paracleto agit;

edita à

ubi, averſa paginæ parte,

in eodem contextu,

ego Gretſero;

persuasissimum habeo

extitisse quoque

Prophetiam de

aut versionibus hodie leguntur, id factum fraude Hæreticorum, & *in specie* quidem *Calvinistarum*; quos juraverim, jam ante mille sexcentos annos, talia omnia ex scripturis summo studio erasisse. Quare hodiernum Turcæ, si quando Novi Testamenti Codex in Arabicam linguam translatus, ipsis offeratur, ut librum Cælo delapsum, & in quo olim Prophætæ sui mentio extiterit, summa cum reverentia accipiant, religiosissimeque deosculantur. Ex quibus omnibus colligimus. Magnum istum, ut novi Principatus, ita & novæ Religionis Architectum, judicasse, Christianæ Fidei schema quoddam, nomenque externum esse ostentandum, eo ipso, dum vim ejus internam penitus extinctum ibat. Quem in finem, licet magnifice de Scripturis nostris sæpe fuerit locutus, eas tamen legi, aut scrupulosis explicari, ac subtilius disputari vetuit: hoc uno contentus, ut, quod & *Abmed Ibn Edris* ingenue alicubi proficetur, proposito suo inservirent. Atque hanc ob causam eas amplificavit, supplemento *Corani*, quo, ceu ultimo Prophetici Spiritus dictamine, perfecta salutis principia continerentur.

4. Hanc viam felicissimi Monarchæ, & conjunctissimi Pontifici nostro Collegæ, & in Antichristo Fratres, cur non & Nos sequamur? Nam si ille non nisi crassum quoddam, & corporeum imperium erat exstructurus, & tamen adeo exquisitas artes sibi adhibendas credidit; quanto subtiliori industria nobis opus erit, in condendo mystico nostro, & spiritali regno, ne scilicet cujusquam oculos offendar, antequam fundamenta ejus solide locata, imo tota machinatio firmiter compacta, & in tantam molem educta fuerit, ut Æmulis formidini esse, & suismet viribus inniti possit. Tale imperium cum ex divinarum & humanarum rerum mixtura ita temperari debeat, ut *spiritaliter corporeum & invisibiliter-visibile* exista; necesse est utique ut artes, quibus exstruitur, utrique isti rerum generi conveniant. Ita demum profana sacris, Cælum terris, vera falsis, feliciter immiscebuntur. Ita templa simul erunt munita, monasteria castrorum usum præbebunt, insulæ in

( 57 )  
In coronæ figuram aptabatur, atque idem baculus, & pastoris pedum eris, & sicarii dolon, & Regis sceptrum. Ille vero, qui his omnibus ad Sacri Imperii stabilimentum utetur, ex utroque existet verus Leviathan, ipso *Hobbiano Leviathane* longe robustior, & formidabilior. Quibus omnibus quid subtilius simul & validius excogitari possit.

5. Nihil igitur nos turbet metus ille armorum, quæ Hæretici ex Apostolica doctrina contra nos possint depromere. Paria enim Muhammedanis erant metuenda, imo astutissimis quibuscvis Hæreticis. Nam semper evenire posset, ut Christiana Religio, effervescente veluti quadam fermentatione, sese ipsam à pugnantibus & heterogeneis doctrinis secerneret, easque ejiceret, ad pristinam puritatem, liquidamque simplicitatem sese convertens. Id quod tamen multis jam seculis non accidit, cum Christianismus Muhammedismo immixtus, in eadem sæculæ crasi hodiernum subsistat.

6. Dein, si hoc metuamus, Nosque tempestitiva formidine permittamus absterri, nihil unquam commodi ex aliorum erroribus percipiemus. Cum enim Falsum sine mixtura Veri, & Malum sine fundamento Boni, per se subsistere non possint; semper metuendum fuerit, ne Verum & Bonum, à falso & Malo, sese subducant, hæcque destituant.

*Veni nudos in litore pisces.*

Ex quo nimium provido timore sequeretur, non nisi Puram Veritatem, & impermixtum Bonum, sectanda, atque Aliis proponenda esse; unde omnis qui ex Falso & Malo ad nos redire posset fructus, periret.

7. Certe

*Nil prodest quod non ledere possit idem.*

Ita cibos aspernemur, attulerunt sæpe valetudinis causas; nunquam testa subeamus; super habitantes aliquando procumbunt. Quis nescit ignes, aquas sine quibus nulla sit vita, & ne terrenis immeret, Solem, Lunamque, præcipua fidærum, aliquando etiam nocere? Non igitur disputandum, an à Christianæ Religionis reliquiis damnum forte aliquod ad nos possit redire;

*Fab. In-  
fir. Or.  
l. 2. c. 26.*



Verū in plus inde sperandum Boni, quam metendum  
 Mali. Nos autem & cautiſſimi *Mohammedis* exemplo,  
 & evidenti ratione jam ostendimus, si univēſum Chri-  
 ſtianis num aperte ejuremus, nihil ſolidi manſurum  
 eſſe, cui machinas noſtras utrunque ſuperſtrua-  
 mus.

8. His accidit & exemplum & judicium, ſummi,  
 atque in fabricandis religionibus exercitatiſſimi Viri  
*Guilhelmi Poſtelli* S. D. E. Presbyteri; & qui ſuperiori  
 ſeculo, exactis per univēſum prope orbem itineribus,  
 tandem ſenex centenario major, Pariſiis, in cœnobio  
 S. Martini in campis demento Monachi, ex Regia libe-  
 ralica e gaudebat. Hic in ipſa Pariorum Luretia, &  
 publice docuit, & ſcriptis tradidit, feminam quandam  
 ſibi familiarem, quam ille *Meie Jeanne* nominabat,  
 Mulierum Servatricem eſſe, eodem merito quo Chriſtus  
 Maſculorum. Quis credat in ipſo capite cultiſſimi &  
 florentiſſimi regni, in tanta omnium Scientiarum & diſ-  
 ciplinarum luce, tanta Sapientiſſimorum & Eruditiſ-  
 ſimorum Hominum frequentia, auſurum fuiſſe, tam  
 pudendas, & prodigioſas nugas exponere, niſi eas  
 cum vera Chriſti hiſtoria conjunxiſſet? Et quando A-  
 micis, & *Stephano*, qui iſta nobis retulit, Venetiis  
 aliquando eſt conſeſſus, Chriſtianam quidem Religio-  
 nem ſibi diſplicere, ſed eam tamen minime delendam,  
 verum cum Turcica & Judaica eſſe contemperandam;  
 quid aliud voluit, quam Chriſtum non violentis ma-  
 nibus perimendum; ſed ſpecie amiciffimi complexus ſuf-  
 focandum eſſe?

9. Atque hanc eandem agendi rationem commen-  
 dat longa ſuperiorum temporum experientia: & inde  
 ortum, *Leoniſ* ſacraſſimi Pontificis noſtri oracu-  
 lum; qui Pluri Spiritu agiſtatus, & ad pecuniz ex  
 indulgentiis paratz adſpectum veluti in eccliaſin rap-  
 tus, *Hem quantum*, inquit, *nobis proſuit fabula*  
*de Chriſto!* Ita Chriſtianismi ſimulacrum omnino  
 rebus noſtris prodeſſe poterit, modo eo recte ſcia-  
 mus uti. Hoc vero unice dependet à dexteritate  
 & induſtria Eorum quorum intereſt. Eſt enim Re-  
 ligio.

*Verdier*  
*Tom 2.*  
*dela Pro-*  
*ſopog. des*  
*Hommes*  
*Illuſtres.*  
*Apol. pro*  
*Herod.*  
*Henr.*  
*Steph.*

J. 1. c. 14.

*Come il cuivel, che se u'l prendi  
In quella parte, ove per uso humano  
La man s'adatta, a ch'il adopra e buono:  
Me ch'il prende ove ferre e spesso morte.*

*Il Pastor  
Fido.  
At 1.  
sc 4.*

Ita Fidem Christianam si ea parte adhibeamus, qua primam Simplicitatem & Veritatem nudam exhibet, perimus: Sin, commodis nostris egregie inserviet. Sic enim vere implebitur, quod Beatus Campanella dixit: *Opinio, quam Omnes fere Populi de Religione Christi- ana conceperunt & credunt, permultum valet.* Fac igitur ut credant; Quicquid ad Pontificem nostrum pertinet, id omne ad Christum ipsum pertinere, & à quo Ille offendatur, Hunc offendi: Nunquid videtis, quo majori pompa Christi nomen exponetur, eo magis Pontificis Nostri auctoritatem atque potentiam amplificari?

*De M. H.  
c. 5.*

10. De Templariis referunt Historici, ad exquisitissima supplicia damnatos, quod Christo aperte renunciaverint, fidemque Catholicam sibi præstituerint convellendam. At ramentum luculentissimi Scriptores eos horum criminum innocentes testantur. ita nuper Mezerens; *Il n'y a point d'homme de bon sens qui croye que tout l'ordre ait esté coupable des enormités qu'on luy imposoit.* Unde plurimi existimant, non alius flagitii fuisse reos, quam quod Pontificiam Majestatem haud satis religiose observarint. *Queques uns disent qu'ils n'étoient pas si impies nisi mechans qu'on les suivoit mais qu'ils étoient riches, & qu'ils parloient librement & publiquement des vices, des chicaneries & des impostures du siege Romain, & comme les vices des Ecclesiastiques.* Verba sunt alterius Scriptoris Galli. Hæc autem etiam si ita se hebeant, minime pugnare credam, modo persuasum mihi sit, Christi causam & causam Romanæ Sedis, unam esse eandemque. Nam nisi hoc firmiter ponamus; fateor me difficulter assequi, quomodo sine extrema invidia, & summe crudelitatis infamia, adeo immisericorditer haberi potuissent. Jam vero, si illi, qui Papæ illudunt, ipsum æternum Christi Numen ludibrio habere creduntur; Clemens minime censendus est inclemens fuisse, quando eos in nanissimis tormentis excarnificari, & piatricibus ustulari curavit flammis. Neque enim turbare nos debet, aut sinistram suspicionem mo-

*Du Puy  
dins d'  
histoire  
des Tem-  
pliers.*

*Dans l'  
Hist. de  
France.*

*Girard  
du Haill.  
de l'Etat  
de France.  
Livre 2.*

vere, quod ordinis illius vir Princeps *Molew* Papam, ut ad Christi tribunal intra quadragimum diem se listeret, citavit; qui & ipso die dicto è vita decessit. Nequaquam enim credibile est, summum Pontificem ad istiusmodi Hominis citationem comparuisse, vel, si maxime ad fatalem illum sibi dictum terminum comparere, & Majestatem suam arbitrio Christi sponte submittere voluit; hoc ipso docuit, se rebus suis ne minimum quidem diffidere, ut pòte qui Christo facile sit persuasurus, se exurendis Templariis communem causam egisse. Equidem non adeo facile ista distinguuntur. *Le temporel s'allie si subtilement avec le spirituel, & de l'intérêt de l'homme on fait si adroitement la causa de Dieu, & il survient des occasions si mêlées de ces choses qu'il est malaisé d'en faire la séparation;* ut recte *Silbonius* noster nuperrime monuit. Crediderim tamen Christum, utut in *Suárezi* Metaphysicis, vel *Castanei* Distinctionibus parum versatus fuerit, discrimen facile comprehendisse.

*Dans la  
preface au  
Card. de  
Rich. Jar  
son livre  
de l'im-  
mort. de  
l'ame.*

11. Verum concedamus, à minimis etiam pristinae Apostolicæ Fidei reliquiis pericula nobis imminere: nondum tamen inde conficitur, eas penitus delendas esse, nisi nobis prius constiterit de probabili propositi hujus successu. Prudentiæ enim est, non solum dispicere quod rebus nostris utile sit atque proficuum, sed & imprimis quid fieri, possit. Inepti simus, si ea moliamur quibus ipsa rerum conditio repugnat. Ubi igitur Religio Christiana mysteriorum suorum sublimitate, præceptionum sanctitate, miraculorum majestate, prædicationis efficacia, aliisque Divinitatis suæ indiciis se jam Hominum animis insinuavit; ubi longa consuetudine & Parentum Majorumque traditione stabilira, ipsorumque Principum legibus sancita est; adeo ut JESU nomen tantâ tremendum & adorandum habeatur, neque; de eo blasphemando sine extremo horrore cogitari possit; nunquid videtis, *Frater Reverendissimi*, quam ibi temerarium, quâ arduû quam periculi plenum, quâ prosperi eventus dubium foret molimen, quod de Christi fide, aperta vi, & uno impetu conquassanda, susciperetur.

12. Ubi vero res integra est, necdum verus illa Apostolorum doctrina Hominum animis adeo firmiter in-  
se-

Sedit; ibi, fateor, aperto velo agi, & libere, ac sine ambagi-  
 bus, novum rebusque nostris accommodatius Evange-  
 lium prædicari, & posse, debere. Quod saluberrimum mo-  
 nitum, cum Hispanorum Apostoli in America olim neg-  
 lexerint, Sacrum imperium nostrum multa inde dam-  
 na est passum; ut recte arguit Beatus, jam sæpe nobis  
 laudatus, *Campanella*; qui, ne in posterum in eundem  
 errorem incideremus, Christianas institutiones, tum brevi  
*Legis Summa*, tum nova *Catechetica methodo* accu-  
 rate est complexus. *Summa* scilicet, unde & *Lex* &  
*Prophetæ* omnes dependent, conceptis hisce verbis con-  
 tinetur, *Nibil quicquam tam reverenter coram pa-* *De M. H.*  
*pulo hoc, qui Christi nomen antea non audivit, ha-* *in append.*  
*bendum est, quam nomen Papæ; quo firmitus ille Re-*  
*ligioni nostræ adharecat, necesseque habeat regulam*  
*vita temporalis, & modum salutem eternam consequen-*  
*di, à nobis petere.* *Mythagogiæ* vero methodum, &  
 veræ *Catecheses* delineationem, sicut illa sit paulo  
 prolixior, tamen ob singularem elegantiam, tempe-  
 rare mihi non possum, quin exscribam non dubi-  
 tans, Vos quoque, *Frates Reverendissimi*, eam  
 summa cum voluptate, quamvis alias sæpe legeritis  
 hic denuo relecturo. *Oportebat, inquit, docere, mis-* *De M. H.*  
*fos à Deo fuisse magistros, veluti Moysen & alios;* *c. 31.*  
*quibus cum mundus parum fidei haberet, Deum ip-*  
*sum assumpsisse carnem humanam, flagrantique nostri*  
*amore, naturam nostram induisse ut illo quasi in-*  
*strumento docere nos possit, qua via nobis ad cælum*  
*gradiendum, utque veritas colenda sit: atque hæc*  
*omnia per amicas persuasiones, non armorum violen-*  
*tia.* Deinde, quod Deus ipse suo proprio exemplo  
 comprobaverit, si ea quæ docuit, atque demonstrave-  
 rit, quo modo nobis hic super terram conversandum sit,  
 & quod, postquam nos docuit, ne mortis quidem ter-  
 rore à Deo cultuve divino recedendum nobis esse, ip-  
 se primus mortem à crudelibus tyrannis occisus sub-  
 ierit, ut illius vestigiis insistamus quodque tertio die  
 à mortuis resuscitatus, ascenderit in cælum, relicto  
 in terris suo Vicario, quem Papam vocant, qui in  
 illius tribunali sedet, cælesti sapientia imbutus, cum  
 mult

multis fortissimis Principibus, qui veritatem divinant  
 propugnant, inter quos Rex Hispaniarum primas te-  
 net. Denique Deum, misericordia erga illos motum  
 cum essent idololatra violantes legem naturæ Hispanos  
 ipsorum fratre miserit, qui illis in veritatis viam  
 ducant & per Papam & Regem Hispaniæ (a qua orbis  
 ille per diluvium separatus sit) ad se pertrahant.  
 Quodque nobis scientiam largitus sit fabricandi naves,  
 navisque & equorum domandorum, quoque modo  
 chartæ vocales faciendæ sint, ut illi hæc omnia  
 intuentes, fidem nobis adhibeant. Quodque nos præ-  
 ter hæc multa alia miracula edere possimus, quæ ip-  
 se in hoc mundo edidit qualia sunt, sanare ægros,  
 & resuscitare mortuos, si modo sanctissimis illius præ-  
 ceptis obedierimus, & aqua in nomine Dei unius  
 baptizati, & invisibili gratia a peccatis mundati fue-  
 rimus. Quodque arma hæc nobis dederit ad sumen-  
 dam vindictam de omnibus, qui seminationem veri-  
 tatis impedire conantur. Hoc præmium in demul-  
 cendis illis tantum oportuit, multosque ex illis qui per  
 physiognomiam id mei visi fuissent, eligere, atque in  
 hac doctrinæ erudire; posteaque mittere eos, tanquam  
 Samaritanam illam, ad vocandos populares & cives  
 suos omnes, comitate atque mansuetudine, sine crudeli-  
 tate atque avaritia, Eisque persuadere, aurum nos non  
 plus curare, quam ipsos, quodque illo nos solum uta-  
 mur ad permutationes rerum, expetamusque id sine  
 omni avaritiæ ostendentes, nos, in vicem auri, fer-  
 rum, ad illos deportare, quod omni auro utilius est ad ex-  
 colendam terram, vitamque ipsam protegendam. Quibus  
 omnibus perfectis, magnum numerum illius gentis in na-  
 vem impositum oportuit, quasi iussu divino, Papæ & Regi  
 Hispaniarum patefacto, in quorum regiones eos expor-  
 tare, & per colonias Africa dividere, indeque in  
 Hispaniam transferri oportuit, ut laborarent, terram  
 colerent, atque artes mechanicas exercerent, dum Hi-  
 spani rei militari operam dant, atque paulatim u-  
 niversam illorum regionem sibi subiciunt. Sed Hi-  
 spani qui primo ibi intrarunt, rudes & meri mili-  
 tes fuerunt, nescientes quantum opinio divinitatis  
 in animis hominum valet, ad subjugandas illas.

Scd

Sed confestim, quasi in propinquorum hostium fines ingressi, ceperunt diripere aurum; palam præ se ferentes, salutem illorum parum sibi cura esse, miniantesque, nullo præmissa præcepto, ut baptizari se sinant, credantque Christum pro se fuisse crucifixum. Quæ res, primo sane intuitu, absurdissima sunt, nimirum quod aqua quenquam in cælum perducere, & quod Deus mori possit, statimque ab initio offendiculo omnibus fuerunt ut, loquitur Apostolus Paulus. non observantes canonem Apostolicum, Prædicate hominibus.

13. Talem Christianæ Catecheseos methodum, jam nostris temporibus in extremis Asiæ Provinciis observarunt Ignatianæ fidei Propagatores solertissimi. Hi enim, cum animadverterent, ipsas illas, licet exiguas, quæ in Europa permanserunt, Apostolicæ doctrinæ reliquias, etiamnum nescio quid continere horridum & durum, & quod, ut olim, stultitia Gentibus videatur, Judæisque sit scandalum; non Christum docuere crucifixum, quem unicum tamen Paulus se scire professus est, sed alium, formosum, magnificum. Chinenſi habitu indutum, qui mira cum magnificentia aliquando de cælo in Europam descenderit, & Pontificis Nostri prædicaverit regnum. Nihil ille de Christo crucifixo, nihil de mortificatione, nihil de jejunio, nihil de penitentia, nihil de Eucharistia semel quotannis recipienda. Quod si Chinenſes illos Ecclesia vellet iterum docere, & veris fidei regulis instruere, se decipitos esse clamarent, & repugnarent, non enim jejunantem religionem, non fidem penitentem, plorantem, Naturam horridam, carni inimicam, crucifixioni, morti, & periculis destinatam, non Servatorem crucifixum, sibi a Magistris suis Jesuitis expositum esse. Non se Hominem Deum flagellatum, confutum, contentum, vulneribus confossum, in cruce pendentem, & mortuum amplexos esse protestarentur, sed Servatorem solummodo pulchrum, gloriosum, formosum (sicut ipsum Chinenſium habitu depingunt Jesuitæ) & legem vitæque suavem, latam, lenem, placidam, tranquillam.

Palafox,  
in Epist.  
ad Innoc.  
X. Pontif.  
8. Jan.  
1649.  
quam etiam  
habet.  
in Diaria  
de M.  
de St.  
Amour  
Doctores  
Sorbon.  
pag. 11.  
allegato



Gal. 1. 8.

14. Enimvero novam istam methodum non nulli improbarunt, atque inter Eos magnas super hac re turbas excitavit *Joh. Palafox de Mendoza Angelopolitanus in America Episcopus, & Concilii Indiarum Decanus*, homo simplicior & rudior, quam qui artes istas intellexerit. Hic forte sibi imaginatus est *Anaëthema*, quod Paulus aliquando *vel angelo aliud Evangelium* *pradicanti* dixit, hodie adhuc, & quidem apud Indos etiam valere; neque recte est interpretatus illud alterum ejusdem Pauli; *Modo pradicetur Christus*; hoc est, modo Christi nomen retineatur. Quibus erroribus inductus, morosus ille senex, istam Jesuitarum Catechesin publice damnavit, unde non mirum quod de sede sua Episcopali deturbatus, urbe ejectus, & ab Ignatianis Sodalibus solenni ludibrio habitus fuerit, crucis signo taurinis cornibus super ipsum formato, & decantata *Λιτανεία*, *Ab Episcopo Palafox libera nos Domine*, ut ipse quidem in iisdem literis lamentabiliter conqueritur. Certe dignus erat qui cum simplici sua & antiqua pietate exagitaretur, jubereturque foras ire, & ibi æternum plorare, & strenue, quantum lubuit, jejunium exercere.

*Thomas  
Hurt.  
in Opusc.  
Colon. cd.  
a. 1655.*

15. Importunis quidem Episcopi Illius, & consimilium imprudentium Hominum delationibus & querelis, Multi Viri Boni & Simples per Europam offensi fuerunt. Quibus ut quodammodo satisfaceret, Pontifex forte etiam justo meticulosior, methodi istius publicationem sacro edicto repressit, cujus *prohibitionis* instrumentum nuper nobis retulit *Hurtado* Theologus Hispanus. Verum censura ista nequaquam eo interpretanda, quasi ad Christianos, qui trans lineam *Æquinoctialem*, & ultra *Gangem* habitant, pertineat, cum tantum facta sit in gratiam Eorum, qui aliquas Veteris Christianismi reliquias, in Europa, etiamnum tenent, uti præter alios, integro & solido volumine edocuit Celebrissimus *Didacus de Moralez. Jesuita, Rector Collegii Sancti Josephi in urbe Manila*, quæ Metropolitana est *Philippinarum*.

16. Quæ cum ita sint, tutissimum credo eandem viam inire, quam olim tenuerunt Imperatores, cum Rem. Romanam in dominium essent conversuri. Ut enim il-



li simulacra quædam Libertatis pristinæ reliquerunt, ipsa Libertate funditus sublata, ita etiam juyabit imaginem quandam Christi ostentare, Christo ipso sensim abolito. Ut hæc ratione observemus istuc religiosissimi Macchiavelli monitum; *Qui Reip. formam vult innovare, in id incumbat necesse est, ut rerum quæ antea fuerunt, umbram aliquam retineat.* Sic enim efficietur, ut plebs non putet quicquam esse mutatum, quamvis omnia re ipsa sint innovata. Nam Populus non solet res profundius intueri, sed quæ videntur, & foris ita apparent, eas perinde ac si ita sint, accipit. Quamvis Magistratus plane novi creentur, planeque nova munera Hominibus imponantur; sunt tamen eadem retinenda nomina, ut putentur esse eadem. Hinc evidens colligitur

## CONCLUSIO.

CUM rerum apud Nos status non permittat, ut Christus aperta violentia è medio tollatur; consultum est eum lenta tabe confici, &, simul dum contabescit, artibus Babyloniiis, vel Ægyptiacis, Mumiæ instar ita condiri, incrustari, & pingi, ut vivi & succulenti corporis imagine, Hebetioribus imponat. Artes autem istas ut rite assequi & particulatim explicare possim, illum, qui in scrinio pectoris Pontificis Nostri residet, Spiritum suppliciter rogo, ductu suo & afflatu me ulterius ne dediguetur. Vosque adeo etiam, *Viri Reverendissimi*, me precibus Vestris atque intercessione apud ipsum juvare. Dabam è Bibliotheca Conventûs majoris. Cal. Decembr. clod. cLxvii.

FINIS.

Qua

*Qua in hoc libello occurrunt Italica (Gallicis omiffa ut intellectu facillioribus) Latine sic sonant.*

*Epist. 2.*

*p. 9.*

*Ad statuendum, cum quibus animi contra Hæreticos pugnare oporteat & in quâ basi fidem collocare debeant Catholici.*

*Epist. 3.*

*p. 17.*

*Nepotissimus Romanus part.*

*1. lib. 1.*

*Roma nata videtur ut universo terrarum orbi dominari possit, quod merito dici potest, quando eidem dominata est, & etiamnum dominatur. Verum quæ tempora Roma fuit Respublica, sicut itidem quo tempore Roma fuerunt Imperatores, Roma nunquam conscientius vim asferre postulavit, nec animas hominum unquam exigebat tantum vestigal Vaticano pendere. — Pontifices ex contrario quod est Spirituale & Temporale inter se confundunt, duabus his potestatibus in unum corpus conflatis, attendentes verò Spirituali magis quam Temporalis, tum Principes tum Populos adeo accuratam ipsis obedientiam præstare subigunt, ut sola ipsius rei memoria cogitantis animo horrorem incutiat. Id ipsum quod Pontifices Paradisi portas suo arbitratu claudant, quod Inferorum pro libitu aperiant, populos obsequii suis Principibus debiti oblivisci cogant, & ipsorum pedibus se supplices advolvere. Resp. illa, quæ orbem Terrarum consiliis frangit, Imperatores Romani qui eundem armis domuerunt, Tyranni qui cum quoque vi subegerunt, nunquam ita altum penetrarunt, nec gentes tam profundâ religione sibi obstringere norunt, quàm hodie subjugatis tenent Pontifices.*

*Epist. 5.*

*p. 46.*

*Quam unus ex his sacrificulis Missam Primitiam vendat, proscribens per unamquamque urbem se eam cantaturum.*

*Ibid.*

*p. 47-49.*

*Qua multoties eodem tempore maluit duos reges, quàm unum solum equitem pati.*

*Ibid.*

*p. 50. 51.*

*Quos penes non est jus res Sacras administrandi.*

*In conclavi Monialium. Fenestra. 2.*

*Æternum Verbum Patri responderet, & causas generatim indicat, cur à Sponsa diffideat, & supplicat, ut Divortium ipsi decernatur hunc in modum.*

*Epist. 7.*

*p. 69.*

*— Instar castelli, quem si tollas*

*Quâ parte usibus humanis*

*Capulus adaptatur, irascenti utilis est.*

*Sin qui pars ferreus est, plane est mortifer.*

